

CELSISSIMO PRINCIPI,
ILLVSTRISSIMO ac REVERENDISSIMO DE
D. CONSTANTINO
FELICIANO

In S Z A N I A W R
SZANIAWSKI,

DEI, & Apostolicæ Sedis Gratiâ,
EPISCOPO CRACOVIENSI,
DUCI SEVERIÆ,
DOMINO, PROTECTORI,
Ac
BENEFACTORI AMPLISSIMO.



NOWALSKI. S. A.
Acuis manibus Via-
toricoram TE CELSIS-
SIME PRINCEPS
comparere piaculum pu-
tavi. Cum eo, quem ex longinqua
Regione deportaveram THESAVRO
) () (fisto.

sisto. Hunc à multis annis in terra
aliena animadversum, toties relicto Pa-
trio Solo, quaeseram; vix jam ad ul-
timum comparavi; Quem ut estima-
tissimum ad publicum Sarmatici Orbis
erarium reddo. Quarant alij alia,
quibus ditescant, & Orbem cumulento,
talenta & sui valorem ad libram hu-
mani judicij exponant; Ego non ali-
am Fortunam nisi hanc unicam in-
THE SAVRO hoc unanimis Regu-
laris Observantia Benedicinx, no-
tavi pretiosissimam Unionem, quæ a-
pud exteros, sed ejusdem Patris Fili-
os cum Vita Religiosa Doctrinaque
disciplina vigilantissimè custoditur. Sed
quia Solis Divis Sacra hac Gemma,
Maximo offerri debebatur Sacerdoti,
ne plus in profanos usus dissipetur.
Capit jam premium ejus cum tempo-
rum injuria vilescere, quæ olim in sue
estimatione excefferat hujus seculi va-
lorem, dum in Vniuersalis Ecclesia
guber-

gubernatione admirabilis, in particu-
larium Ecclesiarum dispositione sollici-
ta, in Gentium conversione infatiga-
bilis, in Haresum extirpatione invi-
cta, in Academicarum Ereptione utilis,
in Propagatione Cultus Divinipia. Re-
qua cunctis in disciplinari vel maximè
illustratione dives fuerat, nunc autem
in sui pretio, paulo minus minorata.
De primava ejus estimatione à Capite
Roma petere judicium necesse erat. .
Singularem ad **THESAVRVM**
hunc addidit **Vnionem** & licet per
BREVE maximum, tamen revocae
vit valorem, & ut in tuto quiescat,
pro excubijs leges, & Vigiles adhibu-
it Praesides. Sed hoc praesidium ne
amplius impugnetur gratis, & à noci-
vis sit libera fulminibus, sub **TVAM**
Protectionem tanquam sub Laurum
reponimus. Scimus Fortunam Regnè
à **TE** tueri & ex Gemmeis Sudori-
bus Regno parem prodixisse **Vnionem**. .

Quida

Quidni in Ordine Benedictino eadem
nata non excrescat? speramus; cu-
jus ad Ecclesiam propagandam Zelum
admiramur, Cujus Labores, Fortu-
nas, Vitam ipsam conferre libentissimè
conspicimus; & Nobis Opem nava-
re non dedignaberis supplicamus. Ac-
cedet huic **THESAURO** preci-
um dum Gemma Prasulum, Gemma
Sarmaticæ tot amplis Virtutum **TV.**
ARVM Opibus, imò Thesauro
THESAURVM hunc Nostrum
submittimus. Cum quo digneris su-
scipere **CELSISSIME PRINCEPS**
simul & nos Congregatos, qua cepisti,
benevolentia & beneficentia amplecte-
re. Quidquid enim in Nepotes Tan-
ti Patris contuleris, Ipse **PARENS**
in magno precio reponet, & **TE** Be-
nedictionum Suarum gratijs cumula-
bit. Nos verò tantis beneficijs **DEO**
TER Optimo Maximo, fideli sem-
per Devotione ac perpetuis precibus
TV.

TVAM incolumitatem quàm longis-
sissimam & felicissimam commenda-
bimus, & cum eis Ego ultimus me-
rito, sed non ultimus sincera vene-
ratione, qui non ut Author Operis,
sed ut estimator & CELSITV-
DINIS VESTRÆ

*Exempli Rhythmarum Annun-
tiate D. M. G. M. G. M. G. M. G.
Carnadulensis. m. C. d.
Catalogo Inscriptus.
in Repertorio M. G.
Sub No. 336.*

Humillimus Client

an. 1007. de 10. July.

CHRISTINUS MIRECKI

ABBAS Sanctæ CRUCIS.

App-



APPROBATIO CENSORIS.

A Nimadverfiones hæ in Regulam S. Benedicti, qui juxta attestatum Divi Gregorij Gratia Benedictus ac nomine, omnium justorum Spiritu plenus fuit, utiliter in lucē prodeūt.

Aug: Vind: 1727. 9. Julij.

FRANC. JOSEPH de Handl. SS. Th. Licent. Reverendissimi & Serenissimi Principis & Episcopi Aug. Contil. Eccles. Maj. Pœnit. & Librorum Censor, nec non Insignis Ecclesiæ ad Sanctum Mauritium, Canonicus & Parochus.

R E I M P R I M A T U R.

M. MARTINUS WALESZYNSKI S. Th D. & P. Collegij Majoris SENIOR PATER, CANONICUS Cathedralis Cracoviensis, Premycoviensis & Montis S. GEORGIJ in Scepusio PRÆPOSITUS, Studij Generalis Universitatis Cracoviensis PROCANCELLARIUS, Librorum per Diœcesim Cracoviensem Ordinarius CENSOR.

Datum Cracovia in Collegio Majori 12. Calendas Junij Anno Domini 1731.



PRÆFATIO

Latini Interpretis ad Lectorem.

Scripserat Libellum istum Author
idiomate Germanico, eò inductus
motivò, ut tantò major omnibus in
nostra Germania sub Regula Divi Pa-
tris Benedicti militantibus obveniret u-
tilitas, quò plurium manibùs (còversor-
um præcipuè ac Monialiù) tractaretur.
Et tantus certè fructus consecutus est,
ut intentioni Pijssimi Authoris abun-
dè satisfactum sit, adeò, ut tribùs o-
mininò vicibùs libellus hic publicam
lucem viderit. Aliud me jussit vo-
luntas Superiorum, quibus me oport-
et in omnibus morem gerere; ut
scilicet Tractatum istum è Germanicæ
Lingua transferrem in Latinam. Ne-
que vanam aut frivolam dices hanc
operam, Lector benevole, si rationem
ac motivum inspexeris. Quòd si e-
nim Libellus hic ob suam præstanti-
am, totiùsque disciplinæ Monasticæ
medullam, quam continet, tantos in
exigua nostra Germania fructus pro-
tulit, majorem certè bonorum fructuù

copiam progerminabit, si per Linguam Latinam, quæ omnibus communis est nationibus, in bonum totius Christiani Orbis cesserit. *Bona siquidem, quânto magis communia, tantò magis divina* sunt, teste Nierembergio dictam. Polit. decade 2. & eò major uniuscujusque boni præstantia, quò plurium deservit emolumento. Hanc igitur operam sanè fideliter præstiti, & per totum decursum ipsius Authoris mentè, imò & verba, ut potui, semper retinui, veritus, ne genuino spiritui, qui in toto tractatu elucescit, adulterinum aliquem proprii ingenij fucū inspergerem. De cætero omnibûs votis divinam precor clementiam, ut Spiritum S. Patriarchæ nostri Benedicti taliter in nobis renovare dignetur, quatenus verum Regulæ ipsius sensum non modò speculativè capere, sed & per veram spiritualem vitam opere demonstrare valeamus. Cōsecravimus nos siquidè divino servitio secundùm Regulam S. Benedicti, ad hujus igitur normā vivamus, oportet, ne olim in tremèdo judicio, in quo secundùm eandè Regulam judicabimur, causa nostra cōclamata sit.

Tibi nunc relictum est, Lector Benedicti, ne, an tuis Libellum hunc usibus impendere velis, an non: dummodò in omnibus glorificetur DEUS.

§ 1. *præliminaris.*

Compendium Vitæ S. Patriarchæ
B E N E D I C T I.

S. Benedictus, & Soror ejus Schola-
stica gemelli una die ab eadem
Matre nobili Genere Nursiæ na-
ti sunt Annô Christi 480. Ma-
ter, cui Abundantia nomen, vitam in partu
emisit. Benedictus septimô ætatis suæ an-
nô Romam directus est, studijs ibidem ope-
ram impensurus, ubi septem circiter annos
magnâ transegit innocentia. Posthæc singu-
lari Spiritûs sancti ætus impulsu Româ clam
relictâ in solitudinem Sublacum dictam re-
cessit; quò dum pergeret, incidit in ipsum
S. Romanus, qui cognitô Benedicti sanctô
propositô, illud approbavit, religiosô eum
habitu donavit, omne possibile auxilium spo-
ndit, imò & fideliter præstitit, necessari-
am ipsi sustentationem tribûs annis submi-
nistrans. Postquam Benedictus in extrema
paupertate, vitæq; rigore tres annos in an-
gusto spelæo degisset, à Venerabili quodam
sacerdote DEI monitu ipsô sanctô Pascha-
tis die invisus est, ac post sacra colloquia
cibô, potuque refectus, paulò post etiam
à Pastoribus inter virgula sedens repertus

est, atque ita rumor sanctitatis ejus in viciniam se diffudit: hinc ab eo tempore multi ad ipsum ventitabant, necessarium ei victum deferentes, quos salutarî doctrinâ multum ædificatos à se dimisit.

In loco isto Benedictus gravem carnis tentationem generosè triumphavit, dum se in spinis & tribulis tamdiù volutavit, quoadusquè sanguine totus perfunderetur, ac diabolica cessaret illusio: quapropter totâ vitâ suâ nullam ampliùs impuram tentationem passus est.

Trigesimum annum cum attigisset, vicini eum Monachi difficulter exorârunt, ut ipsis præesse vellet. Cùm autem dissolutam eorum vitam tolerare noller, venenô eum è medio tollere cogitârunt. Agnovit hoc Benedictus in spiritu, sanctâque cruce poculum signavit, quod illicò confractum est, ipseque dilectam suam solitudinem iteratò repetijt. Veniebant autem ad eum multi, subijcientes se disciplinæ ipsius, unde intrâ novem annorum spatium duodecim monasteria construxit, ubi magna prodigia inter venerunt, quæ Sanctus & Magnus Ecclesiæ Doctor Gregorius describit, hic loci autem brevitatîs gratiâ non recensentur.

In ea solitudine cùm ad triginta quinque annos mansisset, graves una cum discipulis suis persecutiones sustinuit à Floren-

tio quodam, cumq; adverteret, hæc omnia in unam tantum personam collimare, annò Christi quingentesimò vigesimò nonò, ætatis autè suæ quadragesimò nonò inde in Montem Cassinum migravit, in comitatu duorum Angelorum, viam ipsi mōstrantium. Dum autè adhuc in itinere constitutus esset, Deus Florentium subitanèa morte mulctavit, quem tamen multis lachrymīs S. Pater prosecutus est.

Mox ut ad dictum montem pervenit, Idoli Apollinis statuam comminuit, altare ejus destruxit, illiusque loco in honorem sancti Præcursoris Christi Joannis, & Sancti Martini Episcopi oratoria duo erexit, ac celeberrimum Cassinense Monasterium ædificavit. Super hoc diabolus visibilē formā erga Virum sanctum cum rabie conquestus est, non Benedictum sed maledictum eum compellans, magna etiam Sancto Patri, ejusque fratribus gravamina fecit, quem tamen sanctus Benedictus auxiliō DEI, & mediante signō S. Crucis semper vicit, confudit, atque ex multis energumenis (semel etiam per solam alapam) expulit.

Annò Christi 536. Sanctum Placidum in Siciliam, & postea annò 543. S. Maurum in Gallias misit. Circa hunc ultimum notabile quid contigit: Manifestaverat S. Pater Religiosis suis appropinquantem obitū suū diem, quò auditō contristabantur qui-

dem, inde tamen hauriebant solatium, quòd mortuò S. Patre Divum Maurum Abbatem se habituros sperarent. Postquam autem ordinaverat sanctus Benedictus, ut Maurus transiret in Gallias, Congregatio Cassinensis jam nullum ampliùs admittere solatium voluit: quare S. Pater ad se convocatos eleganti sermone confirmavit, quem his penetrantibus verbis conclusit: Fratres charissimi; non vos resolutio hujus corpusculi animis consternatos efficiat, quoniam presentior vobis ero carnis depositò onere, vestrique per DEI gratiam cooperator assiduus. Promissio hæc valde est consolatoria, quam omnes sub ejus Regula DEO servientes filiali confidentiâ acceptare, ac paternum ejus auxilium certò præstolari possunt, ac debent.

Vixit S. Pater Benedictus in monte Cassino annis 14. multa, ac magna ibidem edidit miracula: nam spiritu prophetico claudit, arcana cordium, & occultas Religionum suorum transgressionem agnovit, eosque paternè corripuit. Vincula cujusdam rustici innocenter captivi unicò oculorum suorum intuitu dissolvit. Et cum esset ingentes multum misericors, DEUS ipsi in necessitatibus pecuniis, frumentò, & oleò prodigiosè succurrit. Non solum multos languentes curavit, sed & mortuos vitæ red,

S. BENEDICTI.

7

reddidit. DEUS illi in uno Solis radio mundum totum, & quæ circa ipsius ordinem usque ad finem sæculi futura essent, multaque alia mirabilia demonstravit.

Annò vitæ ejus 63. & ultimò visitavit eum sextò die Februarij Soror ipsius Sancta Scholastica, quasi valedictura Fratri, eumque notò illò miraculò subitanæ tempestatis adegit, ut tota nocte cum ipsa de gaudijs vitæ æternæ colloqueretur. Quartò die post, id est, 10. Februarij, vidit animam dictæ sororis suæ corpore resolutam, in columbæ specie cælum penetrantem. Sequenti 21. Martij feliciter eam secutus est, cùm in Vigilia Paschatis, post suscepta SS. Sacramenta in Ecclesia stans ante aram manè horâ nonâ sub manibus discipulorum suorum mortem beatam obiit, ejusq; anima insipientibûs in extasi duobûs ipsius Religiosis per viam pretiosis tapetibûs, & innumeris splendidissimis lampadibûs ornatam cælum triumphabunda conscendit. Vide plura apud S. Gregorium & alios.

S. 2.

*Quantum utilitatis S. Benedictus
Ecclesiæ DEI attulerit?*

Pulchrè admodum Sanctus Augustinus ait;
Solus

●

Animadversiones super Regulam

Solus DEUS humano generi omni tempore aptas medicinas dispensare scit & potest. Quemadmodum hoc factum sit antiquo populo Israël, & post Ascensionem CHRISTI usque modò in & erga Ecclesiam DEI, amplum nimis esset recensere: ego autem supersedeo. Id solum hoc loco assero, totam Christianitatem in magnis calamitatibus fuisse constitutam, cum DEUS ad illius auxilium S. Benedictum misit. Rem totam, nec non utilitatem, quam dictus S. Pater Ecclesiæ attulit, eruditissimus scriptor Annalium Ecclesiasticorum Cardinalis Baronius fidei calamò recenseat. Sic ille loquitur: illò tempore videre erat, quomodò totus orbis Christianus Principibus Hæreticis subiectus fuerit, ita, ut ne unus quidem Rex Catholicus modicæ etiam Provinciæ dominaretur. Postquam narravit Baronius, quinam Principes suam in unoquoque Regno tyrannidem exercuerint, ita pergit: Germania per irruptiones Barbararum Gentium, majori parte vastata erat, & conculcata. Quæ autem morum perversitas calamitosis hisce temporibus orbem Christianum dehonestaverit, quæve scelera dominatum tenuerint, verbis declarari vix potest.

Jam in hac terra caligine horrendæ noctis hujus, densisque tenebris tanta lucis claritas erupit, per quam totus orbis Catholicus

licus illuminatus est. Nam (quod summè mirandum) apparuit in hac vocatione S. Benedicti sublimis illa Providentia, qua DEUS Ecclesiæ suæ opitulari volebat: tantus enim splendor ad illuminandam Ecclesiam è Viro DEI Benedicto refulsit, ut radios suos ab ortu solis, usquè ad occasum, & à septentrione in meridiem usque longè latèque diffuderit: atq; è parvis virgultis magnæ sylvæ fructiferarum arborum exortæ sunt, quæ totam occidentalem Ecclesiam impleverunt. Fuit hic Ordo amplissimum seminarium, è quo processere magnò numero Sancti Episcopi variarum Ecclesiarum. Nec defuere Viri, qui sedentes in Apostolico Throno totam Ecclesiam Catholicam inter furores atque tumultus horribilium fluctuum fortiter ac constanter gubernavêrunt. Progressi sunt etiam ex hoc ordine Viri Apostolici, qui multas Barbaras Regiones, quæ iugo CHRISTI aliàs se subijcere detrectabant, eousquè moverunt, ut fidem Christianam promptis tandem animis susceperint. Alij processere, qui arduos ob fidem agones decertârunt, & victores martyrij coronam obtinuerunt. Præterimus hõc locò illos, qui per eminentem, & sacram eruditionem suam inter Doctores Ecclesiæ resplenduerunt. Neque recensemus (prouz etiam vix numerari possunt) agmina Sanctarum

rum Virginum. Nequè etiam, quàm magna & immensa flumina ex hoc (ob humilitatem suam) parvo fonte exorta sint; dicere volo; quàm multi sancti exercitus Monachorum è diversis ordinibùs à S. Benedicto originem duxerint, qui etsi in Ecclesia, quæ varietate circumdata est, varia habent nomina, gloriantur tamen, ac gaudent, se S. Benedicto suum initium debere. Hucusquè Baronius.

Sunt autem præcipuè duodecim sacri ordines eandem cum Benedictinis Regulam habentes. Si secundùm tempus institutionis suæ recenseantur, primus est Cluniacensium, institutus annò 913. Secundus Camaldulensium, annò 1012. Tertius Vallis Umbrosæ annò 1073. Quartus Grandimontensium annò 1080. Quintus & celeberrimus Cisterciensium, annò 1098. Sextus Fontis Ebraldi annò 1107. Septimus Humiliatorum circa annum 1066. non extat ampliùs. Octavus Montis Virginis annò 1142. Nonus Wilhelmitarum. Decimus Cælestinorum annò 1294. Undecimus Montis Oliveti annò 1319. Duodecimus Sylvestrinorum annò 1232. His recenseri potest ille, quem S. Francisca Romana instituit. Ultra hos sunt adhuc alij duodecim Ordines Equestres, qui utuntur Regulâ S. Benedicti, sed brevitatis gratiâ hic non adducuntur. Et hæc sunt flumina, quæ

quæ ex humili fonte Benedictô emanârunt, ut superiùs agebat Baronius.

S. 3.

*Quando, vel ubi conscripta fuerit
Regula à S. Benedicto?*

DUbitari non potest S. Benedictum tunc cœpisse Regulam suam scribere, quando prima duodecim monasteria construxit, videlicet post annum Christi 510. Clarum etiam videtur esse, quòd primùm in monte Cassino eam plenè impleverit; cùm enim in quolibet ex primis illis Monasterijs duodecim tantùm fuerint Monachi, nullum ibi locum Decani habebant; proinde Capitulum illud una cum aliquibus alijs primum in monte Cassino Regulæ insertum fuit. Hæc autem citra omne dubium perfecta fuit annô 536. ubi S. Placidus in Siciliam directus est, nam S. Pater ei Regulam secùm deferendam tradidit. Duravit itaq; salutari usus hujus Regulæ jam completis mille, centum, & quinquaginta annis in Ecclesia DEI, & secundùm DEI promissum ad finem mundi usq; perseverabit. Observatum etiam fuit, quòd etiamsi disciplina monastica, imò ipse Ordo ex negligentia Præpositorum, vel tepiditate Religiosorum in-

ali-

aliquibus locis defecerit, alibi nihilominus
floruerit, ejusq; fervor nunquam plenè ces-
saverit, sicut nec pro nostris temporibus e-
xempla defunt, quibûs idipsum demonstrari
posset, sed non est hujus loci.

Paterna etiam DEI Providentia, ac Bo-
nitas in conservatione Regulæ hujus sem-
per in hoc emicuit, quod ut primùm ge-
nuinus fervor, & originalis spiritus apud
Ordinis hujus Religiosos defecit, ac lan-
guor invaluit, mox Viros zelosos, & spiri-
tu plenos suscitavit, qui regularem discipli-
nam iteratò instaurarunt.

Benedictini à principio Ordinis sui ad
quadringentos annos totam penè Ecclesiam
Catholicam laudabiliter gubernarunt, tot
etiam ubivis locorum sub illud tempus e-
recta fuerunt Canobia, totquè millia ex
hoc Ordine Sanctorum Catalogo inserti
sunt, ut propè credi non valeat. Postquam
autem circa annum Christi 900. (ferreò
illò sæculò) primus fervor penè elanguit,
misit DEUS S. Odonem, qui Ordinem in
tam felicem statum iteratò redegit, ut Ec-
clesia universa exinde lætata sit, magnumq;
incrementum perceperit. Hæc beata fors
non omninò ducentos annos perduravit,
quapropter Divinus Spiritus Sanctos Patres
Robertum & Bernardum excitavit, qui col-
lapsam disciplinam strenuè rursus innova-
runt.

runt, tantumquē in hoc genere præstitit S. Bernardus, ut ab ignaris hominibus Fundator celeberrimi sacri Ordinis Cisterciensium habitus sit, cū tamen solū magnam nominis famam & excellentiam huic Ordini suō zelō attulerit. Reformatio hæc per aliquot sæcula incredibilem in Ecclesia Dei fructum fecit. Succedentibus temporibus alij Viri Sancti in foundationibus novorum Ordinum desudarunt, ut suprà breviter indicatum est.

Novissimis nostris temporibus jam non ampliùs construuntur Benedictinis Monasteria, sed potiùs bonis suis, ac possessionibus non rarò cedere coguntur. A longò etiam tempore non adeò multos habemus Catalogo Sanctorum inferendos. Cur hoc? Respondet, ut existimo, ad hanc quæstionem Salvator noster, quia videlicet in nobis etiam verificatur illud vaticinium ipsius: Refrigescet charitas multorum. Interpretare meliùs, si potes. Ignoscat nobis bonus DEUS teporem nostrum, & Spiritum nobis largiatur primorum Patrum Ordinis nostri.

S. 4.

*Ulteriores Animadversiones super
Regulam S. Benedicti.*

Primum punctum: firmiter teneas Persona
Reli-

Religiosa sub Regula S. Benedicti DEO serviens, scripsisse sanctum hunc Patrem suam illam vitæ normam, seu Regulam ex impulsu, ac singulari instinctu Spiritûs Sancti. Ita credit universa S. Ecclesia: ita testantur SS. Doctores, Gregorius Magnus, Petrus Damiani, & alij. Verba S. Patris Bernardi sic habent: in dubium vocari nequit, quòd norma hæc vivendi (secundum Regulam S. Benedicti) tota sancta, & divinò potiùs consiliò ac inspiratione, quàm humanò cogitatu ac providentiâ sit inventa. In Homilia: Ecce nos reliquimus omnia.

Imò testatur hoc Deipara Virgo MARIA ad S. Brigittam inquires: Benedictus Regulam scripsit de Spiritu Sancto, per quam multi perfectionem obrinuerunt, uti Benedictus. L. 3. revelat. cap. 20.

Punctum 2. Quemadmodum Filius DEI divinam suam Doctrinam non pro illis tantum instituit, qui eo tempore vixerunt, sed pro omnibus & singulis, qui ad finem usq; mundi victuri essent; ita Spiritus Sanctus aded attemperavit & moderatus est Regulam S. Benedicti, ut eam non illi tantum, qui vixerunt tempore S. Benedicti, servare possent, sed ut ab omnibus etiam & singulis, qui sub directionem & doctrinam huius S. Patris se conferre vellent, absq; singula.

S. BENEDICTI. 15

gulari gravamine posset observari usq; ad finem mundi. Ita statuit magnus & sanctus Christi Vicarius Gregorius Magnus, his verbis: Ego Gregorius sanctæ Romanæ Ecclesiæ Præsul scripsi vitam B. Benedicti, & legi Regulam, quam ipse Sanctus manu propria scripsit; laudavi eam, & confirmavi in S. Synodo: & - - - præcepi, ut diligentissime observarent, quicunque ad conversionis gratiam accessuri essent, usque ad finem mundi &c.

Punctum 3. Cum ergo hæc Regula ex dispositione DEI, & S. Ecclesiæ usque ad finem mundi durare debeat, hinc ex instinctu Spiritûs Sancti valde excellit discretione. Altè fatus magnus Pontifex Gregorius ita scribit: Benedictus scripsit Regulam Monachorum, discretione præcipuam, sermone luculentam.

Imò DEUS Pater apud S. Hildegardem inquit: Dulcedine inspirationis Sancti Spiritûs Benedictus fecit discretam, ac planam viam. Et Filius DEI apud Sanctam Brigittam sic ait: qui vult salvus fieri, advertat, quòd Regula Benedicti mei res necessarias cum discretione habere permittat. Indulget necessaria, sed non superflua &c. Magna sunt hæc utique testimonia de discretione Regulæ hujus.

Fideliter hæc in parte servavit S. Benedictus.

nedictus in scriptione Regulæ suæ, quod ab initio promisit, velle se pium, & discretum Patrem esse. Hinc ab ipsius tempore usque modò factum est, quodd pusilli & magni, juvenes & senes, nobiles, & ignobiles, pauperes & divites, fortes & debiles, honorati, & plebeij dulci Regulæ jugo se submiserint, perquē hanc planam & discretam viam tot mille & millia æternam beatitudinem consecuti, & adhuc consecuturi sint.

Punctum 4. Quandoquidem ergo hæc Regula tantoperè a Spiritu Sancto attemperata, & in seipsa discreta est, ut usque ad finem mundi servari valeat, periculosè mihi loqui videntur quidam tepidi Religiosi; si palam asserere non vereantur, Regulam nostris temporibus non ampliùs servari posse: nequē audire volunt, si de genuina illius observatione sermo fiat. Apparet, quasi Regulam; illiusquē Authorem pro indiscreto haberent, cū tamen S. Benedictus infirmorum & debilium; item etiam senum & infantium tam paternè memor sit, & de cætero alia omnia tam discretè ordinet & attemperet, ut & fortes sint, qui cupiant, & infirmī non refugiant.

Punctum 5. Cū hæc Regula, ut dictum, jam ad mille, centum, & quinquaginta annos duraverit, longā hęc temporis in-

terea.

terrapedine pauca quædam statuta ab universali Ecclesia facta sunt, per quæ una & altera regularis constitutio sublata fuit. Sed de his inferius in animadversionibus super Regulam debitò locò tractabitur.

S. 5.

Animadversio

*Super Prologum Regulæ S. P.
Benedicti.*

QUantumvis hic Prologus in seipso clarus, doctrinâ & suavitate plenus sit, simplicioribus tamen Religiosis sub Regula hujus S. Patris DE O servientibus sequentia puncta consideranda propono:

1. S. Benedictus, ut animas Christianas ad veram conversionem, & vitæ perfectioris inchoationem ed efficacius movere possit, assumit personam & amorem fidelissimè Patris spiritualis, imò benigni ac pij Patris, ut supra etiam insinuatum est. Nec congruum mihi videretur, si quis dicta verba: *Pij Patris* (quæ S. Benedictus ponit initio Prologi) interpretari veller: probi Patris, des frommen Vatters: certè vir sanctus & humilis non ita seipsum compellaverit, benè autem pro benigno Patre spirituali se obtulerit. In eadem verborum acceptio-

B

ne sa.

ne salutamus etiam Reginam Cælorum :
O clemens, ô pia, ô dulcis Virgo &c. Demon-
 strat autem S. Benedictus magnam suam, &
 paternam benignitatem atquè clementiam,
 dum incipientes suos dilectos spirituales fi-
 lios in hoc prologo suo consolatur, quòd
 nihil asperum, nihilquè grave in Regula sua
 constituere cogitet; sed &, si quid paulu-
 lum restrictius propter emendationem vicio-
 rum, vel conservationem charitatis processe-
 rit, non illicò terreantur, multò minùs re-
 fugiant : viam salutis non esse quidem nisi
 angustò initiò incipiendam, processu verò
 temporis sinè difficultate aut violentiâ, sed
 inenarrabili dilectionis dulcedine cursu-
 ros viam mandatorum DEI. Experientur
 hanc veritatem omnes fervidi Religiosi, qui
 in observatione Regulæ suæ nullam ampliùs
 difficultatem sentiunt, sed magnò cum sola-
 tiò experiuntur, jugum Christi suave, & o-
 nus ejus esse leve. Et nos ergo tam pi-
 um, & dulcem Patrem cum reverentia au-
 scultemus, & Prologum ejus tam plenum
 paterno affectu unacum annexa Regula spi-
 rituali desiderio legamus, ac pro posse ob-
 servemus.

2. S. Benedictus hic certam spem facit
 dilectis filiis suis, quòd per Regulam suam
 non aliam ipsis doctrinam velit proponere,
 quàm doctrinam Christi, & proinde ipsos
 duce-

ducere per ducatum Evangelij, per illa fundamentalia dogmata, quæ æternus DEI Filius in suo sancto Evangelio nobis reliquit. Quemadmodum igitur ipse divinam suam doctrinam fundavit in tribus capitibus, quando ad omnes dixit: *Si quis vult post me venire, 1. abneget Semetipsum, 2. & tollat crucem suam quotidie, 3. & sequatur me.* Ita & S. Benedictus Regulam suam iisdem capitibus inniti vult, dum mox ab initio Prologi sui nullum pro filio aut discipulo suo vult agnoscere, nisi qui 1. abrenuntians proprijs voluntatibus, obedientiæ fortissima atq; præclara arma assumit. 2. In eodem hoc Prologo docet nos bajulare crucem, ubi nos hortatur, ut passionibus Christi per quotidianam patientiam participemus. Et 3. docet nos sequelam Christi, dum hic etiam præscribit, ut ab eis nunquam magisterio discedentes, in ejus doctrina usq; ad mortem in monasterio perseveremus, ut hunc cælestem Regem nostrum in suo tandem Regno videre, ejusquæ felici possessione æternum frui valeamus.

3. Scopus ergo, ad quem nos Regula dirigit, est æterna beatitudo. Et per hunc ipsum securum tramitem ad tam magnam gratiam & gloriam pervenit S. Pater Benedictus. Declarat hoc pulchrè S. Bernardus sequentibus verbis : quam est via , per
B 2 quam

quam dilectus Domino Benedictus cælum, tam gloriosè conscendit, quam ipse Ordo, quem instituit, vitæq; norma, (seu Regula) quæ ab ipso trahit originem? imò hæc ipsa est via, per quam ascendit dilectus Domini: non enim potuit vir sanctus aliter docere, quàm vixit. Dein S. Bernardus ita profectitur: & hæc est maxima fiducia illorum, qui ejus vestigia (servando ejus Regulam, quantum possunt,) sequuntur.

Manet ergo indubitatum, quòd quemadmodum S. Patriarcha Benedictus, ac post ipsum tot mille, & millia utriusque sexûs per hanc Regulam à Spiritu Sancto dictam beatitudinem æternam consecuti, imò ex ipsis ultra quinquaginta millia sanctorum numero inscripti sunt, ita & deinceps omnes illi, qui sæpè dictam Regulam assument, & præ posse servant, tutam, ac suavem ad cælum viam perambulent: dicit enim: facientibus hæc regna patebunt superna. Amen. Hīs verbis majori ex parte etiam perantiqua Regulæ exemplaria finiuntur.

4. Ex dictis quælibet Persona Religiosa colligere potest, spiritum S. P. Benedicti omninò similem esse Spiritui CHRISTI, imò verò eidem conjunctissimum. Et quidem quod concernit principale fundamentum vitæ spiritualis (quod scilicet mundum debeamus relinquere) videre est, quòd sicut

aman;

amantissimus Salvator noster nullam partem cum mundo habere, nec pro illo Patrem rogare voluit, (hanc ob causam quater illa verba repetit apud S. Joannem: *Ego non sum de mundo.* Et Joan: 17. *Non pro mundo rogo. &c.*) Nec etiam discipulos suos quidquam cum mundo commune habere passus est, (*ego elegi vos de mundo. De mundo non estis. &c.*) imò vult, ut omnes sui sequaces Christiani omnem gustum, affectum, & occupationem circa mundum à se proscribant (*abnegantes sæcularia desideria.*) econtra autem benè compositam, piam, & sobriam vitam ducant, &c. Sic & similiter docet nos S. Benedictus, ut abstrahamus nos a negotijs sæculi (à sæculi actibus se facere alienum) ita quidem, ut hominum sæcularium principia, inventiones, Politicam, aulicissimos, modum loquendi, agendi, &c. Prorsus relinquamus, & econtra in simplicitate, humilitate, solitudine, paupertate, patientiâ &c. secundum Spiritum Christi vivamus. Huc quadrat: *Qui non habet Spiritum Christi, hic non est ejus.* Roman: 8. non est Religiosus, imò nec Christianus. Sed non plura de his. Cùm ergo Spiritus Christi, imò & æterna beatitudo per Regulam S. Benedicti obtinenda sit, videamus in nomine Domini, quomodo eadem legenda, intelligenda, & modernò tempore in hisce locis servanda

fit. Ad hoc nobis DEUS omnipotentem
suam Benedictionem largiatur.

**Animadversio super primum
Capitulum.**

***De quatuor Generibus, seu Vitis
Monachorum.***

QUoniam tempore S. Benedicti varj sta-
tus & species Monachorum erant, ideò
declarat in hoc suo primo capitulo, pro
quibus Regulam suam voluerit scribere.
Omnium primò adducit cænobitas. Voca-
bulum hoc illos significat, qui in Monaste-
rio aliquo sub approbata Regula, & debitè
ordinato Superiore in unum congregati vi-
vunt. S. Joannes Chrysostomus, & Cassi-
anus docent, hunc statum vivendi à sanctis
Apostolis institutum fuisse, dum nimirum
primi fideles in communitate socialiter vi-
vebant, nullus proprium aliquid possidebat,
sed cuilibet pro sua indigentia ex commu-
ni penuario distributum fuit. In tanta eti-
am charitate & unitate degebant, ut S. Lu-
cas de illis scribat, eos omnes nō nisi unum
cor, & animam unam habuisse. S. Basi-
lius tenet, hanc formam vitæ ab ipso Chri-
sto JESU introductam fuisse. Sublimis er-
go est, & sancta, & omni solatiò plena ve-

rotum

rorum cœnobarum origo. Hos cœnobitas vocat S. Benedictus fortissimum genus Monachorum; & hoc ideò, quia magnum utiquè robur Spiritus Sancti requiritur, ut homo fragilis cum alijs fragilibus totam vitam suam irreprehensibilem transigat, & sub obedientia humani & fragilis Superioris usquè ad extremum Spiritum constanter perseverare possit.

Secundò recenset S. Pater Anachoretas, qui sunt duplicis generis: primi sunt, qui postquam monasterij probatione diuturnâ multis annis sub obedientia vixerunt, satis etiam didicerunt, cum diabolo pugnare, deindè cum consensu Superiorum in eremum se conferunt, aut cellæ alicui se includi permittunt, ita tamen ut nihilominus maneant sub directione Præpositorum suorum: & hos non excludit S. P. Benedictus, sed in numerum filiorum suorum admittit. Hujusmodi olim multi erant in cœnobiis nostrarum Provinciarum, è quibus nonnulli magnam consecuti sunt sanctitatē. Secundi generis sunt, qui ex immaturo & præcoci zelo, non præmissâ Regularis disciplinæ probatione se in periculosas solitudines conferunt secundum propriam suam voluntatem vivunt, nec jugum obedientiæ benè pati possunt, &c. Et tales proprietarios homines non agnoscit S. Benedictus pro filiis suis.

Tertiò locò numerat S. Pater Sarabaitas (est vocabulum Ægyptiacum, quod idem significare potest, ac cervicosi, seu proprio iudicio affixi) hos procul à se reiecit, & meritò. Unà cum his excludit etiam alios horum similes Religiosos salutis suæ prodigos, qui etsi portent habitum, & in Monasterijs unacum alijs habitent, suos tamen, inconditos sæculares mores adhuc in se retinent, atque ita DEO meriuntur, (ut loquitur S. Pater) hominesq; decipiunt, quia pro Religiosis haberi & aestimari volunt, cum tamen interius toti mundani, & adhuc tam superbi, invidi, contentiosi, impuri, dissoluti in sermone, gulosi, irreligiosi &c. sint, ac prius, nec bonam habent voluntatem, aut studium talia vitia deponendi. Ulteriùs excludit S. Benedictus illos, quos juxta morem Sarabaitarum secundùm proprium iudicium vivere delectat, nec sibi à Superiore quidquam mandari patiuntur: quod putaverint, vel elegerint, hoc dicunt Sanctum, quod autem præcipit obedientia, hoc illis est insipidum, imprudenter ordinatum putant, &c. Tales sunt hypocritæ, non Religiosi.

Quartò refert S. Benedictus, atque è numero discipulorum suorum excludit Gyrovagos (dici possunt Vagantes) & unacum illis reprehendit quosdam inquietos Religiosos,

ofos, quibus cellæ suæ, ac Monasteria nimis angusta sunt: hi cum displicentia superiorum excurrunt ad suos amicos, ab uno Monasterio in alterum finè ulla causâ migrare volunt, delicias suas quærunt in lautis cibis ac potibus, & periculosâ libertate. Inquieti sunt non modò corpore, sed & spiritu &c. Sed nolebat S. Pater de horum, & similibus omnium miserrima conversatione multa loqui.

Scriptit ergo S. Benedictus Regulam suam pro generosis duntaxat, & veris cænobitis, qui in una congregatione cum charitate & obedientia sub ipsius Regula vivunt, priores suos malos mores successivè deponunt, cum gaudio manent in monasterio, in vocatione sua usquè ad beatum finem perseverare decreverunt.

NB.

Hic singulare aliquid advertas, velim. Mirantur multi, cur S. Benedictus in formula Professionis (quam cap: 58. præscribit) nullam mentionem faciat de voto paupertatis, & castitatis? sed hîc jam elucescit hujus ratio, & est ista: S. Pater in hoc suo primo capitulo recensitos tres abortus sceleratorum, vel imperfectorum Monachorum è Monasterijs suis adeò exclusos voluit, ut à suis discipulis exigat, quatenus eosdem solemnibûs votis quasi anathematizent,

zent, atq; à se proscribant. Ut itaq; inquieti illi Gyrovagi, seu Vagantes eliminentur, vult, ut sui coram DEO & Sanctis ejus, in Ecclesia, in præsentia Abbatis tototiusq; congregationis voveant & promittant stabilitatem. Dein ut etiam excluderentur hypocritæ Sarabaitæ, qui sub habitu religioso mores & vitia sæcularium abscondabant, vovere debebat Neoprofessus conversionem morum. Ut demùm proscriberentur, & præcaveri posset immaturis illis & proprietarijs Anachoretis, volebat Sanctus Benedictus, ut discipuli sui promitterent obedientiam. Videtur igitur, cur S. Pater voti castitatis & paupertatis in formula professionis non meminerit, hanc profatam esse causam. Verùm non exclusit hæc duo vota, sed inclusit, & præsupposuit, quia sine his tanquàm essentialibus, seu substantialibus votis nullus Ordo Religiosorum potest subsistere. Aperiamus oculos, uti debemus, & propriè nos ipsos perspiciamus, an cum hypocritis Sarabaitis, inquietis Gyrovagis, aut proprietarijs Eremitis nihil nobis commune sit? plurimùm sanè nostrâ interest, ut in extremo articulo, & coram Tribunali Christi pro veris Sancti Benedicti filijs agnoscamur.



S.

De quinque Votis.

QUoniam in priori Animadversione occasio se mihi obtulit, nonnihil de votis secundum Regulam S. Benedicti differendi, consultum mihi videtur, & novellis Religiosis admodum proficuum, ut hic loci non tantum vota substantialia, sed & duo annexa singularia vota debito Ordine pertractare incipiam, declarandò, ad quidnam obligent, quia ab his dependet æterna salus personæ religiosæ. Adducam igitur hic in compendio illa, quæ S. Benedictus diversis suæ Regulæ capitibus de hac materia scribit.

Quocircà inprimis notandum, tria esse vota essentialia, seu substantialia, cuilibet Ordini communia, & sinè quibus nullus Ordo potest subsistere: videlicet votum paupertatis, castitatis, & obedientiæ. Præter hæc tria nonnulli Ordines adhuc alia specialia habent vota. Carthusiani vovent, per totam vitam abstinere carnibus. Minimi seu Paulini promittunt insuper abſtinentiam ab ovis lacte, butyro, caseo, &c. Patres Societatis speciale votum habent in Ordine ad Summum Pontificem quoad Missiones. Qui secundum Regulam S. Benedicti vivunt,

Animadversiones super Regulam
vunt, præter tria communia vota promittunt etiam stabilitatem, & conversionem morum. De his quinque votis nonnulla hic pro tyronum commodo adducam.

Votum Paupertatis.

DE hoc scribit S. Pater in capitulis 33. 34. 54. 58. 59. & alibi. *Votum istud Religiosum obligat 1. ut nihil proprium possidere valeat, nè acum quidem. Ita, ut in hoc sensu (proprietas) de nulla re dicere possit: hoc meum est. Si tamen hujusmodi verbis nil aliud quis significare vellet, quàm, talem rem sibi, & non alteri à superiore in usum concessam esse, non adeò erraret in hoc vocabulo: meum. 2. Ut omninò promptus, ac paratus sit, quacumq; horâ Superior res concessas, v. g. cellam, vestes, libros, &c. Iteratò vellet repetere, sinè omni murmure, aut impatientia se ad hoc resignare. 3. E rebus ad usum concessis, uti sunt cibus, potus, vestes, libri, & quodcumq; demùm sit, quamvis etiam sibi ipsi subtraxerit, non habet potestatem, cuiquam alteri donandi, vel hujusmodi ab alijs, etiam proprijs confratribus, sine licentia accipiendi. 4. Officialibus Religiosis non est licitum, res sibi commissas aliter impendere, quàm Superior disposuerit. 5. Similiter nequit*

nequit Religiosus sine consensu Superiorum aliquid commodare alteri ad usum, neque pro alia re commutare. 6. Non potest Religiosus quidquam accipere ab alio in depositum. 7. Nec oportet, nec licet ei quidpiam abscondere ab oculis Superiorum. 8. Religiosus habens, vel affectans superflua, contra hoc votum peccat: & etiamsi Prælati superflua concederet, licentia talis foret invalida, quia sacri canones hujusmodi licentias annullant. 9. Bonus Religiosus, juxta gradum sextum humilitatis, paupere cellâ, viliori cibo, detritis vestimentis &c. contentus sit, viliora eligat, imò si talia ipsi obtingant, ex animo gaudeat. Tali siquidem modò pauperi Christo conformior, ac charior est. *Beati pauperes, quoniam ipsorum est Regnum Celorum.* Religiosi paupertatem professi nec paupertatis incommoda tolerare volentes, qui omnia semper ad votum, sine defectu aut penuria, aut plus insuper, quàm sufficit, habere appetunt, & quando nonnihil ipsis deest (quis enim locus, ubi nullus unquam defectus?) murmurant, impatientes fiunt, psallunt, erant, ac reliqua sua opera cum nausea peragunt, &c. Tales, inquam, & hujusmodi non sunt cōformes, nec chari pauperrimo Salvatori, nec ullam aliquando coronam expectare possunt.

Si Religiosus de rebus monasterij citrà
licen-

10 *Animadversiones super Regulam*
licentiam notabile quid accipiat, sibi què u-
surpet, vel alijs tribuat: facili negotiò vo-
cifragns fieri potest. Et si facinus ad gra-
vitatem peccati mortalis ascenderit, erit in-
super casus reservatus. DEUS omnes Re-
ligiosos à lapsu tam gravi custodiat.

Votum Castitatis.

OMnes homines vî sexti præcepti in de-
calogo castitatem suo statui congruam
servare tenentur. At verò Religiosi hanc
præcepti obligationem votò confirmant, vî
cujus 1. nunquàm contrahere possunt vali-
dum matrimonium. 2. Non tantùm ab o-
mnibus externis actibus impuris abstinere,
sed omnem etiam internam complacentiam,
delectationem, aut voluntariam cogitatio-
nem super hujusmodi rebus declinare tenen-
tur, sicut etiam obligati sunt ad seriam di-
ligentiam in evitandis omnibus, quæ vel in
ipsis, vel apud alios inordinatum amorem,
pravas cogitationes, aut quoscunq; demùm
sensuales inordinatos affectus, desideria, vel
aliam impuritatem causare possent, uti sunt
nimis tenera colloquia, aut litteræ, gestus
indecentes, vexationes parùm circumspectæ,
impudentes & audaces aspectus, non neces-
saria manuum compressio, aut aliæ incon-
venientes amoris significationes. Non pa-
titur

titur decor Angelicæ hujus virtutis, ut de rebus magis peccaminosis, quæve plus habet periculi, aliquid differam. Oportet tamen nonnihil memorare ob extremum æternæ damnationis discrimen; siquidem juxta mentem S. Augustini multum hæc res habet certaminis, sed parum victoriæ apud incautos, & juniores.

Personis religiosis, ac DEO dicatis summa hujus voti necessitas est, ne ab amore aut sollicitudine erga quamcunq; creaturam in laude, amore, perfectoque servitio DEI impediuntur. Sic enim ait vas electionis S. Paulus: *Volo autem vos sine sollicitudine esse. Qui sine uxore est, sollicitus est, quæ Domini sunt, quomodo placeat DEO; qui autem cum uxore est, sollicitus est, quæ sunt mundi & divisus est. Mulier innupta, & Virgo sollicita est, quæ Domini sunt, ut sit sancta corpore & spiritu, &c.* hucusquæ S. Apostolus 1. Cor. 7. qui igitur DEO se consecrârunt, cor indivisum habere debent. Et magna utiquæ est gratia, quòd infinita DEI Majestas cor alicujus creaturæ dignetur postulare, dicens: *Fili, præbe mihi cor tuum.* Prov: 23. Vult ergo Sponsus animarum nostrarum, ne ulla creatura per inordinatum nostrum amorem quidquam de corde nostro participet, multò minus totum possideat, sed ut ipsi soli referremus integrum & indivisum. Tenemur
qui.

quidem omnes etiam diligere proximos, sed non nimium, longè minus ex toto corde, sed charitate quadam sanctâ, discretâ, in lege DEI benè fundatâ, & ad omnes universaliſiter se extendente.

In hoc hallucinantur multi boni juvenes, ac tyrones, quando decepti à sua perverſa natura, vel fraude dæmonis ſingulariſſimam quandoquè, ac magnum concipiunt amorem certæ alicujus perſonæ, ita quidem, ut cor eorum ab eadem affectione totaliter jam occupatum ſit, priuſquàm advertant. Mirantur inſuper, unde exortus ſit amor tam ſingularis. Et quoniam in hac re nullam fortè deprehendant malam, aut impuram affectionem arbitrantur, hunc nonniſi merè ſanctum amorem eſſe (cùm tamen nonniſi naturalis, aut ſenſualis ſit) inde ſit, ut fræna laxent inordinationi huic, donec eouſquè excreſcat, ut brevi omne gaudium perdant imò nullum, quando interſunt divino officio, guſtum percipiant, niſi perſona dilecta ibi præſens ſit. Hinc frequentes non abſq; ſingularitatis nota colloctiones, inquietudines cordis, & crebrior propemodùm perſonæ amatæ, quàm DEI memoria: hinc cura, & ſollicitudo, quomodò amor reciprocus captari, aut obtineri queat. Et ſi vel unicum appareat ſignum, ex quo judicari poſſe

possit, amorem hunc mutuum cessâsse, ô quantæ turbationes, amaritudines, & anxietates in tali animo exurgunt! parùm abest, quin his impleatur illud: *Divisum est cor eorum, nunc interibunt.* Oseæ 10. Ut nihil jam memorem, quàm diversas cogitationes, quæ tædia, reliqui concipiant, dum vident duas inter hujusmodi personas tam singularem familiaritatem, sermocinationes, & quasi confidentiam intercedere, Verbô absolvam: nullibi defectus est, quàm ubiquè. Imprudentes tales homines ab hoc stulto amore, & inde consequentibus curis magis semper impediuntur in laude, amore, ac servitio DEI, plùs distracti sub oratione fiunt quàm homo quidam conjugatus in sæculo, quocircà magnam DEO rationem reddent, cò quòd cor suum tantoperè dividant, illudq; possidendum tradant miserabili creaturæ, quã tamen adeò æstimant: undè fit, ut nec velint, nec possint DEUM ex toto corde amare.

Adverte hîc magnum periculum: Anima Religiosa comparari potest pauperculæ cuidam ancillæ, quam Rex omnium Regum in die Professionis sibi desponsatam Reginam efficit, eamquè cordialiter diligit. Jam: si hujusmodi Regina cor suum ac vultum à Rege averteret, & vilissimum quendam stabularium deperiret, nonnè in perpetuum à Regis aspectu & consortio ejici mereretur?

C

quid

quid sunt creaturæ DEO comparatæ, nisi exigui terræ vermiculi? & sapè nihilominus ad has convertimus animum, DEO verò per inordinatum amorem tergum obverrimus. Nec juvat dicere, personam, quam amas, piam, aut sanctam videri: nam & S. Petrus nimio ferebatur amore ac sollicitudine in S. Joannem; sed JESUS hoc tolerare non potuit, ac propterea ipsum corripiens dixit: *quid ad te? tu me sequere.* Oporteret me hac in re testem adducere, ut eò major fides mihi adhibeatur, si hujusmodi amores periculosos, imò summè noxios esse, dixerò. Illuminatissimus Cardinalis Bona, Sacri Ordinis Cisterciensis, ita scribit: perniciofa amicitia fugienda, ac declinanda est, quæ mentem affigit Personæ amicæ: primosquè illius motus, statim ut insurrexerint eradicare, ac delere necessum est, ne animum dulci venenò suò inficiant. Hi motus facile adverti ac cognosci possunt, si omnes affectus ac cogitationes in personam dilectam tendunt, eaque totaliter occupantur, ita, ut etiam cor in his suum gaudium ac delectationem habeat. Nec obstat, si talis amicitia non appareat nociva, sed potius pura & innocens: nam successivè magis ac magis animum emollescere facit, & demùm transit in amorem carnalem. &c. Hucusq; Bona, in Princip: vitæ Christi, c. 41.

Re-

Religiosus, qui nullos hujusmodi motus inordinati & sensualis amoris in se exper-
tus est, (nil dicam de amore prorsus malo
& carnali, ne honestis animis tœdium ac
nauseam excitem) magnas DEO referat gra-
tias, oportet, humillimè divinam opem im-
plorandò, ut deinceps etiam à tam nocivo
veneno præservetur. Qui autem talibûs ten-
tationibûs nonnihil impugnatur, resistat to-
tis viribûs, dum ignis adhuc parvus est, nè
aliàs erumpat incendium difficulter extin-
guendum. Imò plerisque hominibus tam-
grave est, ac ipsa mors, si talis amor, qui
jam in ipsis radicans est, emori debet. Ul-
teriùs oportet primò: DEUM fiducialiter
rogare, ut nimium hujusmodi amorem erga
aliquam creaturam transmutet in suum amo-
rem, ipsumque rectè & ordinatè amare do-
ceat. 2. Sape coram DEO protestetur, se
neminem ex toto corde amare velle, præter
ipsum solum, cætera autem omnia secundum
DEI ordinationem. 3. Consilium & opem
querere debet ab expertis magistris spiritua-
libus, præsertim à Confessario, occultumq;
malum detegere, ut diabolus hœc modò cõ-
fundatur, tentatus autem liberetur.

S. Benedictus selectissimas nobis tradit
doctrinas & media, quæ ad hoc votum ca-
stitatis servandum conducunt, quando nos
hortatur cap. 4. Amori Christi nihil præpo-

nere, castitatem amare, corpus castigare, delicias non amplecti, jejunium amare, diem-judicii timere, & gehennam expavescere, DEUM nos respicere pro certo scire, cogitationes malas mox ad Christum allidere, & seniori spirituali patefacere, charitatem-fraternitatis casto impendere amore.

Diutius in hac materia moratus sum, idque ad instructionem & cautelam incipientium, ut videant, quid, aut quomodo ament. Quò minus habebunt de hoc sensuali amore, eò longius quoque remoti erunt à transgressione voti. Avertat DEUS ab omnibus Religiosis, ne in die illa terribili ad sinistram irati Judicis cum foetidis hircis collocentur; quòd si verò jam lapsi sint, conentur saltem, ut si in hoc judicio nullum penès S. Joannem, S. Agnatem, aliasq; sanctas Virgines locum inveniant, per veram tamen ac constantem usque in finem poenitentiam apud Davidem, Magdalenam, aliosq; veros pœnitentes collocari mereantur. JESUS dicit: *Vbi thesaurus tuus est, ibi & cor tuum erit.* Vide, ubinam sit thesaurus tuus? & mox agnosces, an cor tuum apud JESUM, vel in cœnosa palude jacer.

Votum Obedientie.

PER votum Paupertatis devotus Religiosus
DEO

DEO sacrificat temporalia bona, per votum Castitatis corpus suum, per Obedientiam, autem omnium offert præstantissimum, quod habet, videlicet animam cum præcipuis viribus intellectu & voluntate suâ. Proprietates veræ obedientiæ describit S. Benedictus cap: 5. & alibi, eleganter sanè, ac dilucidè. Cùm autem non omnes è junioribus Religiosis ista ex fundamento intelligãt, sequentia illis puncta consideranda subministrò.

Primo: homo suæ propriæ voluntatis, ac judicij tenax pro vero Religioso haberi nequit. Hinc S. Benedictus cum duntaxat pro filio ac discipulo suo vult agnoscere, qui propriam suam abnegare voluntatem, judicium proprium deponere, & Superiori in omnibus vult obtemperare. (in Prologo) Jubet insuper ad Novitios curiosè attendi, an solliciti sint ad obedientiam? cap: 58. magnum certè dedecus est, si quis interroget juniorem Religiosum, cur hoc aut illud, quod sibi jussu fuerat, non impleverit? & ille respondeat, se oblitum fuisse. An non ergo major ipsi cura est de obedientia?

Secundò: ad declarandam Obedientiæ naturam atq; præstantiam, docet S. Pater Benedictus Religiosos suos, ut Superiorem Christi vices agere credant in Monasterio. Cap: 2. item, quòd obedientia, quæ major

ribus præbetur, DEO exhibeatur. cap: 5. Attendi ergo in Superiore debet persona & potestas Christi, non autem illius defectus, aut imperfectiones. Filius est obligatus debitum Parentibus suis honorem, amorem, ac obsequium, nec non in rebus licitis obedientiam præstare, etiamsi forsitan mali, prodigi, aut omninò scelerati sint. Eòdem quoq; modò Persona religiosa Superioribus suis etiam non bonis, etiam defectuosis honorem, amorem, obedientiam exhibere tenetur. Ita nos hortatur, & docet JESUS Matt: 23. Ita S. Petrus primæ Epistolæ c. 2. Ita S. Benedictus c. 4. institum. 61. & benè hîc advertendum, honorem, amorem, & obedientiam Superiori inculto, passionato, indiscreto, ac imperfecto exhibitam longè coràm DEO pretiosorem, & subdito magis meritoriam esse, quàm quæ Superiori docto, discreto, perfecto, imò sancto exhibetur: nam in hoc posteriori casu non tam magna abnegatio ac victoria sui ipsius invenitur, ut in priori. Optandum foret, ut nonnulli Religiosi hanc fundamentalem, & infallibilem doctrinam magis cordi ducerent; sic certè tot indignationes ac murmura cessarent. Ulteriùs hîc notandum, quòd si hujusmodi imperfecto Superiori obediatur, & error aliquis intercurrat, nullò modò erret Religiosus obediens, sed Superior duntaxat.

taxat. Hinc monet nos S. Benedictus, ut sine timore (non trepidè) obediamus, nisi imperium manifestè sit contra divinum præceptum. Sit deniq; Superior, qualiscunq; velit, Religioso tamen nullatenus convenit, illud judicare, multò minùs ob suos defectus apud alios traducere. DEUS & ipsos judicabit, & nos. Adduci hòc locò meretur aurea illa S. Pauli doctrina, Hebr: 12. *Obedite Præpositis vestris, & subjacete illis, ipsi enim pervigilant, quasi rationem reddituri pro animabus vestris, ut cum gaudio hoc faciant, & non gementes, hoc enim non expedit vobis. Orate pro nobis.* Ita S. Paulus. Verba notatu planè dignissima.

Quidam Religiosi imaginantur sibi, quòd si tales haberent Superiores, quales fuère sancti Patres Benedictus, Bernardus, Franciscus, &c. sinè omni cunctatione pròptissimè vellent obedire, imò etiam perfectè sancti effici. Verùm isti se decipiunt, quia etiam sub Regimine dictorum Sanctorum quidam ex subditis ipsorum non modò inobedientes, & cervicosi fuèrunt, sed nonnulli etiam è Monasterijs profugerunt, imò ipsam Ordinem deseruerunt. Hac igitur DEO tam accepta, & perfectà obedientia (per quam teste S. Benedictò cap. 71. infallibiliter ituri sumus ad DEUM) non est sine in bonis & sanctis Superioribus, sed in ve-

ra abnegatione & cæca subjectione subditorum. S. Paulus ex toto cæcus manuduci se sinebat, paratus exequi, quodcunq; jubere-
tur, *Domine, quid me vis facere?* hic animus, hæc vox est veri Religiosi. Falsi autem longè aliter sentiunt: non potest illis Superior quidquam liberè impetrare, sed humaniter rogari debent: *quid tibi vis, faciam?* Lucæ 18. quomodò ordinare debeo, ut sit secundum genium tuum? faxit DEUS, mi lector, ne tam miser, & salutis tuæ incurio Religiosus sis.

Tertio: proponit nobis S. Pater Benedictus cap. 5. tres præcipuè rationes admodum convincentes, per quas stimulemur, ut promptè, velociter, simpliciter, & in rebus etiam duris atque contrarijs hilarem obedientiam præstemus. Primò: ne tanquam votifragi damniemur. Secundò, ut consequamur gloriam vitæ æternæ. Tertiò, ut sic imitemur Filium DEI, qui humiliavit semetipsum, factus obediens usq; ad mortem crucis. Ipse per totam vitam suam ne unicum quidem gressum extra obedientiam fecit. Obedivit non modò Patri suo æterno, MARIE, ac JOSEPHO, sed etiam Imperatori gentili, imò & carnificibus. Et nos contemptibiles terræ vermiculi Præpositis nostris subjacere recusemus? hinc sapienter admodum agunt multi ex utroque sexu Religiosi,

ligiosi, qui nec unicum scopæ ductum extra obedientiam facere præsumunt, sed Superiorem rogant, ut suam impertiri Benedictionem, atque ad omnes quasi gressus, actiones, & omissiones obedientiam imponere velit, nequidquam ex proprio arbitrio, aut voluntate, sed omnia ex obedientia fiant. Siquidem etiam parvum, sed ex obedientia factum opus longè coram DEO pretiosius, & Religioso magis meritorum est, quàm aliud quoddam sublimissimum virtuti: opus ex proprio beneplacito, aut voluntate factum. Ratio hujus notissima est, ut aded eam hic adducere non sit necessarium.

Quando Superior seriò aliquid imperat, subditus tamen illud non exequitur, vel quia suum proprium sentire voluntati Superioris pertinaciter anteponeit, nec suam vult inflectere cervicem, vel quia in Superiorem exarcebat, honorem illi, ac gaudium per executionem operis imperati exhibere detrectat, talis, inquam, graviter peccat. Qui autem imperata facit, sed cum tristitia, aut quasi invitus, existimans Superiorem in hoc casu non bene prudenter agere, nec talia impetrare debere &c. hujusmodi Religiosus meliora non expectet, quàm illa, quæ S. Benedictus ad finem cap. 5. comminatur. Ad veram, meritoriam obedientiam requiritur abnegatio & derelictio proprii judicii, una cum sincere.

ra, ac promptissima voluntate. Tandem, si quid (etiam leve) imperatum, aut prohibitum fuerit *sub virtute sancta obedientia*, Religiosus ipso opere demonstrare debet, se esse personam votò obedientiæ obligatam: si ergo in hoc casu vel imperata non exequitur, vel prohibita non vitat, votifragus efficitur, ac mortaliter delingvit. Avertat DEUS ab unoquoque Religioso lapsum adedò fatalem. Hæc breviter de hoc essentiali voto.

Votum Stabilitatis.

Votum istud non est essentialiale, seu substantiale & commune omnibus ordinibus, sed illorum duntaxat, particulare votum, qui Regulam S. Benedicti proficentur, (quamvis etiam omnes alij Ordines perseverantiam in vocatione, sinè speciali tamen voto à suis Religiosis exigant) hoc votum sub mortali obligat, ne prædicti Religiosi sub Regula S. Benedicti degentes ullū alium ordinem ex propria voluntate ingredi (nisi fortè rigidiorē magisque perfectum suò ordine, sed neque hoc sinè speciali Superiorum licentia,) neque locum Professionis ex propria potestate in perpetuum deferere valeant. Præscripsit hoc discipulis suis votum S. Benedictus specialiter idedò, ne sint gyrovagi, aut vagantes, sed ut in vocatione sua,

&

& suscepto Religionis institutō, ac locō professionis perseveranter DEO serviant usque in finem, nisi necessitas, aut mandatum legitimi Superioris aliud exigent, aut facultas debitō modō obtenta aliud permetteret. Vult proinde S. Pater ne à Magisterio & doctrina Christi discedamus, sed usque ad mortem in Monasterio perseveremus (ad finem Prologi) ulteriùs vult (gradu 4. humilitatis) ut sui Religiosi in rebus etiā duris & contrarijs, vel etiā quibūlibet irrogatis injurijs tacitā conscientia patientiam amplectantur, & sustinentes non lascescant, aut discedant vel ex loco vel ex ordine, sed constanter perseverent, quia, *qui perseveraverit usque ad in finem, hic salvus erit.* Hortatur ipsos ampliùs cap: 4. ut instrumenta bonorum operum incessabiliter adimpleant: officinam verò ad hoc esse claustra Monasterij, & stabilitatem in congregatione.

Contra hoc votum graviter quandoque tentantur nonnulli Religiosi, dum illis suggerit fallax, & malignus spiritus, se in hoc, vel illo loco, in hoc, vel illo Monasterio majori quiete DEO servire, talenta sua utiliùs impendere, item homines magis cultos ac benè moratos invenire posse, &c. propter quod nonnunquàm in anxias, inquietas, ac periculosas cogitationes incidunt, & aquid seipsos inquirunt ponderosas ratio-

44 *Animadversiones super Regulam*
nes ac media, quomodò Ordinem, aut sal-
tem locum mutare, discedere, atque ita per-
sonas sibi contrarias, aut ingratum Superio-
rem derelinquere possint. Hujusmodi tan-
toperè impugnata anima scire debent pri-
mò, se in periculo fore, ne fiant votifraga,
si talibus otiosis cogitationibus apud seipsas
assensum præberent, etiamsi has postea ipso
opere non complerent. Sicut etiam plerumq;
fit, ut hoc internum, certamen, ubi unò vel
alterò die duravit, tandem cesset, & aliquis
gaudeat, se domi manere posse. Tales eo-
dem modo interrogare quis posset, quò
Christus suos discipulos: *numquid & vos vul-
tis abire?* Joan. 6. Sed omninò cum ve-
ritate respondebunt: *Domine bonum est, nos hic
esse.* Secundò, cogitet talis Religiosus, quòd si
aliorsum migrare vellet, seipsum, ac innu-
merabiles imperfectiones suas, una cum pro-
pria miseria secumferret, neque ullibi me-
ros Angelos, sed ubique locorum fragiles
homines suis moribus, aut Naturæ contra-
rios inventurus esset. Sedeat igitur tran-
quillus, DEOq; serviat in illo Ordine, ac
loco, quem post tam morosam deliberatio-
nem elegit, quemquè illi DEUS ab æteri-
no, ut arenam certaminis destinavit, tamque
Paternè ad illum locum vocavit, ac direxit.
Discat Religiosus veram stabilitatem ab
ipso JESU. Sciebat ille, quàm inclemen-

ter in horto Gethsemani tractandus esset, nec tamen è loco discessit. Potuisset se à tam horrendis doloribus, ignominiis, & opprobriis, desolatissimam Matrem suam & lachrymantes amicos à tantâ afflictione liberare, si modò à cruce descendere voluisset; sed perseveravit in illa constans usque ad mortem. Cur ergò Religiosus ex adeò levi causa à proposito resiliat? tertio: mutatio loci aut ordinis rarò aliquid boni secum fert. Vivebat S. Bernardus cum Monachis suis in magno Rigore & Sanctitate, quare multi etiam ex alijs Monasterijs ad ipsum transmigrârunt, sed pauci evaserunt sancti. Conqueritur de hoc ipsemet sequentibus verbis: scio, quosdam ex alijs ordinibus & congregationibus ad nostrum ordinem transisse; pulsârunt, & ingressi sunt. Sed per hoc & suis reliquerunt scandalum, & nobis quoquè attulerunt. Quantum suos temerariâ discessione suâ, tantùm & nos miserabili conversatione suâ afflixerunt. Nam superbè contemplerunt ea, quæ actu jam habebant, & temerè præsumpsêrunt, quod non valebant. &c. Hucusque justa querela hujus S. Patris quoad substantiam, in Apolog. ad Guilielm. Abb. non invenientur, qui hac permutatione meliores effecti sunt. Maneamus ergo in illo Apostolico dicto S. Pauli 1. Cor. 7, ut unusquisque in

eo statu permaneat, ad quem vocatus est. Nullus utique Religiosus audebit allerere, se ab alio in hunc ordinem, in hanc congregationem, in hunc locum vocatum esse, quàm à DEO.

Quartò: promissa stabilitas excludit, ut dictum est, vagantes, seu Gyrovagos, & requirit, ut Religiosus libenter, & invitus sit in Monasterio. Verba S. Patris sunt hæc: Sciens (Professus) quòd ei ex illa die (Professionis suæ) non liceat de Monasterio egredi. &c. cap. 58. Sunt Religiosi, qui nequeunt cum veritate dicere: *Ecce, nos reliquimus omnia*. Potissimæ cogitationes & desideria eorum in eo sunt, quomodò Parentes, fratres, sorores, cognatos, & notos visitare possint. Hinc valde molestè instant, & fatigant Superiores, ut talem licentiam, extorqueant. Isti exemplo sibi ducant Juvenem illum Monachum à DEO subitanè morte punitum; cujus corpus sepultum ne terra quidem retinere potuit, sed iteratis vicibùs ejecit, quia inordinatò appetitu, & finè licentia S. Patris Benedicti Parentes suos visitavit. Irem illum Monachum, qui post molestas instantias & petitiones egrediendi è Monasterio, tandem à S. Patre cum indignatione jussus est abire, quem mox ut egressus est, horribilis draco hiantè rictu invasit. &c. ut describit sanctus ac magnus

Ec.

Ecclesiæ Doctor Gregorius. Notandum etiam de hoc posteriori Religioso, S. Benedictum non promptâ voluntate, sed solum cum fastidio permisisse huic inquieto Monacho discessionem ex cænobio, quæ tamen permissio non reddidit illum coram DEO securum, uti demonstravit eventus. Similî modò hodièdum etiam frequenter contingit, ut Superior tandem aliquid permittat, aut dissimulet, quamvis illibenter, quod promptâ voluntate nunquàm concederet, nisi majus aliquod malum ex data repulsa securum timeret. Sed qui tam importunè & violenter extorquent licentias, non suat securi in conscientia sua. Concessio, non sola permissio Superioris securitatem præstat subditis. Hoc punctum benè notandum est.

Votum Conversionis Morum.

Omnnes quidem Sacræ Religionis Ordines Conversionem morum exigunt, sinè tamen speciali voto. Ad illos proinde spectat hoc votum, qui DEO sub Regula S. Benedicti famulantur, & obligat illos sub mortali, ut scandalosos mores sæculi, malas ac peccaminosas consuetudines deponant, atque sub habitu Religioso vitam etiam Religiosam ducant. Tanti fecit S. Pater hanc morum conversionem, ut ordinem suum nō

unâ solùm vice, & specialiter c. 58. & 63. conversionem nominet. Superiùs jam insinuatum est, S. Benedictum hóc votò excludere hypocritas Sarabaitas, & hujúsmodi perverfos Religiosos, habitum quidem sacrum portantes, sed adhuc operibùs servantes sæculo fidem. Vi hujus voti Religiosus non tantùm gravia peccata ac vitia (à quibus etiam mundani se debent convertere) sed imperfectos Religiosum statum non decentes mores à se abdicare debet. Potèstque in Religioso (una cum gravi peccato ac scandalo) etiam transgressio voti esse, quod in homine sæculari tantùm levitas reparatur: uti esset, si Religiosus vellet ludere, saltare, comotationibus interesse, publicum histrionem agere, indecentes jocos, ac sales miscere, &c. equidem non dico, ad quamlibet hujusmodi levitatem commissam statim mortalem transgressionem voti resultare, sed si Religiosus hīs malis moribùs infectus emendare se nollit, quin potiùs deliberatè in illis perseverare vellet. Religiosus militans sub Regula S. Benedicti, vi hujus voti minores etiam imperfectiones emendare tenetur, quæ quidem ex natura sua venialem malitiam non excedunt, communitati tamen graves ac onerosæ sunt, uti esset, si garrulitate suâ, ac rixis, importunīs & non necessariis hinc inde discurſionibùs, superfluò cibò & potu, murmuratio-

nibùs,

nibûs, continuûs in divino officio erroribûs, &c. toti communitati molestus esset, idque non paucis duntaxat vicibûs, & ex humanâ fragilitate, sed quasi pertinaciter, sinè ullo discreto studio se emendandi. &c. An talis suo voto de conversione morum satisfaciat, quilibet cordatus Religiosus ultrò judicet. Quod me concernit, arbitror, hujusmodi hominem in manifesto versari periculo gravis transgressionis voti præter peccata illa, quæ ad similes crassissimos defectus consequuntur. Ille autem Religiosus, qui quidem ex fragilitate in pristinas veniales imperfectiones relabitur, sed tamen habet displicentiam super illis, bonamque voluntatem, se magis ac magis successivè emendandi, discretum etiam (sinè anxietate) ad hoc conatum adhibet, præscriptam temporis distributionem servat, diligenter examinat conscientiam suam, &c. talis, inquam, est extra periculum gravis peccati contra votum. De cætero scriptura dicit: *convertimini ad me in toto corde Vestro*. Joel. 2. Quò dicitur, conversionem morum ex toto corde fieri debere. Apostoli Christi venialem tantummodò ambitionem admiserant, & tamen à Christo notabilibûs hisce verbis correpti sunt: *Amen dico vobis; nisi conversi fueritis, - - non intrabitis in Regnum Cælorum*. Matth. 18. Seria utique promissio est, dum Novus Religiosus stans ante altare dicit: *promitto coram DEO conversionem*

50 *Animadversiones super Regulam*
monachorum mediorum. Et timeo sane, plurimos hu-
jusmodi Religiosos gravius experturos judici-
um, unquam credidissent. hucusque de quin-
que votis.

ANIMADVERSIO

Super Caput Secundum.

Qualis debeat esse Abbas?

QUoniam tota prosperitas & incrementum
Monasterii tam in Spiritualibus, quàm
temporalibus dependet à bonis & discretis Su-
perioribus, inde venit, quòd Spiritus Sanctus
per exemplū & doctrinam S. Patris Benedicti
tam nobilia, salutaria, ac fundamentalia cun-
ctis Superioribus documenta præscripserit (in
hoc præsertim, & 64. capite) ut iis observatis
non ipsi modò, sed & eorum subditi per viam
pacis ad æterna gaudia infallibiliter sint per-
venturi. Religiosi quidem privati Capitulum
istud Superioribus suis legendum atquè ser-
vandum relinquunt, nonnunquam tamen &
ipsi legant, unàque sequentia puncta advertant:
Primò: legendò hoc capitulum, ad singula pun-
cta non examinent secum, an Superior ipsorū
hoc aut illud observet, nec ne. DEUS
hæc omnia judicabit, prout S. Benedictus hoc
locò & per totam Regulam tam frequenter in-
sinuat. *Secundò:* Cùm S. Pater in isto capi-
tulo

tulo doceat, Abbatem Christi vices agere, oportet, ut illum subditi venerentur, ament, timeant, ei que obediunt sicut Christo. Magnum proinde periculum est illorum, qui erga Superiorem suum irreverentes, murmurosi, aut inobedientes sunt, talibus enim ita comminatur S. Benedictus: Inobedientibus huiusmodi ovibus pœna sit eis prævalens ipsa mors. *Tertio*: quidam Religiosi magis considerare deberent verba illa S. Patris, cum dicit: *Non præferatur ingenuus ex servitio convertenti* (seu nobilis ignobili) *quia sive servus, sive liber, omnes in Christo unum sumus, & sub uno Domino æqualem servitutem militiam bajulamus, quia non est personarum acceptio apud DEUM: solummodo in hac parte apud ipsum discernimur, si meliores aliis in operibus bonis, & humiles inveniamur.* Hanc Sacram, immò divinam doctrinam nonnulli Religiosi graviter transgrediuntur, dum Nobiles, aut illos, qui plura temporalia bona Monasterio intulerunt, magnificiunt, venerantur, & amant, ignobiles autem, & qui minus de temporalibus secum attulerunt, vel prorsus non, vel saltem minus amant, aut fortè omnino contemnunt. Hi adhuc fatent secundum sæculum JESUS, MARIA & JOSEPH è Regia stirpe descendebant, & nihilominus pauperem ac ignobilibus communem vitam ducere volebant. Petrus, Andreas, Jacobus, & Joannes non affluabant temporalibus, nec multa

reliquerunt, non tamen propterea in domo Christi minùs æstimati, minùsque fuerunt amati. Scies, haud dubiè, quid hic insinuare velim. *Quartò* vult S. Pater, ut Abbas non semper *pium Patris*, sed quandò res ita exigit, nonnunquàm etiam *dirum Magistri ostendat affectum*. Proinde subditi non debent appetere, tanquàm infantes semper nutriri lacte lenitatis, sed potiùs sicut strenui pugiles duriora quandòque perpeti addiscant. *Quintò*: considerandò, *quàm difficilem & arduum rem* suscepit Superior, ut *multorum* debeat *servire moribus*, subditi filialem erga ipsum compassionem habeant, Deùmque fideliter orent, ut si benè fungitur suò regimine, in bono perseverare valeat, si autem in hoc deficit, ut DEUS illi bonum spiritum largiatur, quatenùs errata sua agnoscere, ac emendare valeat. Hoc longè plus efficiet omnì murmuratiõne, ac frustraciõis querelìs apud illos, qui mederi non possunt.

ANIMADVERSIO

Super Caput Tertium.

De adhibendis ad Consilium,

Fratribus.

TExtus hujus Capitis magnam habet claritatem, ac utilitatem. Si Conventus Religiosus post seriam & humilem invocationem Spiritùs Sancti de aliquibus rebus consultare, dici-

decidere, pertractare, vult aut & Capitulares, quilibet mentem suam sine passione, humiliter, & cum modestia edisserant, reliquum committentes DEO ac Superioribus, quidquid deinde ex plurium vocibus sequatur, aut eveniat, tibi, inquam, tali modò res agitur, malum eventum sortiri nequit. Si autem aliquis uni parti nimium adhæreat, suamque sententiam pertinaciter defendere, atque ità temerariè aliorum opinionibùs Superior esse voluerit, talis sibi ipsi magnam conciliabit inquietudinem, Dominum DEUM offendet, alios scandalizabit, magnasque in communitate animorum diffidentias, ac deplorandas suscitabit discordias. Talibus in aurem dici potest: *Vae homini illi, per quem scandalum venit!* Matth: 18. S. Pater in hoc Capitulo clarè docet, & vult, ut nullus proprii cordis sequatur voluntatem. Libenter cedere, meritorium est: acquiescere bonum est, & securitatem affert conscientiae. Ambigua negotia DEO, Superioribus, totique communitati relinquere, signum est mortificati ac sapientis animi.

ANIMADVERSIO

Super Caput quartum.

*Quæ sint Instrumenta bonorum
Operum?*

Sanctus Pater Benedictus suos in Spiritu
Dⁱ filios

filios præprimis bonos vult esse Christianos, & tunc de die in diem ad vitæ spiritualis perfectionem progredi. Quapropter in hoc capitulo proponit ipsis decem præcepta Decalogi: cavendum monet à gravibus peccatis ex recordatione quatuor novissimorum; docet ipsos exercere corporalia ac spiritualia opera Misericordiæ: hortatur, à minoribus etiam, imperfectioribus desistere: manuducit illos ad veram perfectamque charitatem DEI & Proximi: æterna gaudia promittit illis, qui hæc instrumenta die noctûque incessabiliter adimpleverint. Sensus litteralis clarus est.

Laudabilis est illa quorundam Religiosorum consuetudo, dum sibi per singulos dies unum ex his instrumentis specialiter servandum proponunt; scribunt in seperatas schedulas omnia septuaginta tria instrumenta: hæc dein schedulas includunt scriniolo, & post matutinum sorte extrahunt unam, quæ ipsis obtigerit, ac per diem solerter incumbunt ad observationem illius instrumenti. Hoc exercitium est admodum salutare; si placet, expectare: sin minus, aliàs saltem hoc capitulum, tibi curæ sit, ne tam paterna S. Patris instructio in te suo fructu careat.



S. BENEDICTI.
ANIMADVERSIO

55

Super Caput quintum.

De Obedientia.

MIrari fortè possent simplices Religiosi, cur S. Benedictus hōc locō primum humilitatis gradum dicat esse obedientiam, cū tamen nec secundus, nec tertius gradus sequatur. Imò ipse S. Pater sequenti capite septimō primum humilitatis gradum ait esse timorem DEI. Sciendum ergo, quòd hīc primus gradus idem significet, ac præcipuus.

Notandum insuper, S. Benedictum docere, quòd ubi est obedientia, ibi & charitas Christi inveniatur, & quòd obediens angustiam, sed securam ad cœlum viam arripiat. Sic proinde concludendum est: ergo ubi non est obedientia, ibi nec charitas Christi est, nec ad cœlum itur: sed potius ibi est superbia &c.

Vult etiam S. Pater, ut ubi aliquid imperatum à majore fuerit, ac si divinitus imperetur, moram pati nesciamus in faciendo. Si JESUS immediatè per seipsum tibi aliquid imperare dignaretur, ô quanta cum Reverentia imperium istud acceptares, quàm seriò in opus deduceres?

Tandem asserit S. Benedictus, quòd veri

Religiosi Abbatem sibi præesse desiderent, seu optent semper esse sub obedientiæ jugo: sed tepidi ac languidi Religiosi gaudent, quando extra conspectum Superiorum se esse vident. De voto obedientiæ plurâ superiùs dixi.

ANIMADVERSIO

Supra Caput sextum.

De Taciturnitate.

Capitulum istud, licet tantî mōmenti sit, non ab omnibus Religiosis observatur, sed non absque evidentî ac magno periculo. Dicit enim S. Jacobus: *Si quî putat se Religiosum (verûm Christianum, ac DEI servum) esse, non refranans linguam suam, sed seducens cor suum, hujus vana est Religio.* Jacobi 1. Talis ergo nec verus Christianus est, & multo minùs verus Religiosus: quid ergo? Amantissimus Salvator noster seriò nos præmonet Matthæi 12. *Dico autem vobis, quoniam omne verbum otiosum, quod locuti fuerint homines, reddent rationē de eo in die judicii. Ex verbû animi tui justificaberis, & ex verbû tui condemnaberis.* Hoc idem docet nos hōc locō S. Benedictus, ex ipsa S. Scriptura asserens, quòd mors & vita in manibus linguæ sit. Et etiamsi omnia hæc divina veritas sint, quosdam nihilominùs Religiosos videre est, qui hoc non curant, nec sibi cordi ducunt,

ducunt, si inutili multiloquiô tempus terant. Et licet sæpè verbis suis alios contristent, calumnientur, scandalizent, &c. non tamen anguntur, neque se examinant super hoc, neque etiam confitentur: sed, ô quàm timendum de talibus! si placet consilium meum, assume aliquo tempore pro materia quotidiani examinis particularis, quomodò lingua tua constituta sit, ne in periculum animæ tuæ incidās.

Et si addiscere cupis, quibûsnam gradibus ad tam excellentem virtutem S. Silentii perveniatur; insinuat hoc breviter S. Pater Benedictus tam in isto, quàm in aliis capitulis tali modò: *Primò*: abstinendum tibi est à malis verbis; uti sunt verba aculeata, impatientia; murmurosa, litigiosa, ambitiosa, detractoria; item sermones leves, ac nugæ sæculares (de impuris, aut magis scandalosis nil memorare volo) *Secundò*: si cum Superiore loqui velis, facias id cum reverentia, & paucis verbis. *Tertiò*: tam parcus sis in loquendo, quantum possibile est. *Quartò*: si autem loquendum tibi est, non fiat hoc altâ voce, neque verbis pomposis, sed mansuetis, modestis, ac rationalibus. *Quintò*: ut propter taciturnitatis gravitatem etiam in bonis & Sanctis ad ædificationem eloquiis nonnunquàm te modereris.

JESUS triginta annis in mero propemodum

dùm silentio vixit. In sacro etiam Evangelio non invenimus, **MARIAM** amplius quam septies locutam fuisse. De Sancto **JOSEPHO** omnino ne verbum quidem legimus. O quàm dulciter aliquandò laudabunt **DEUM** in cœlo linguæ illæ, quæ in hac terra se ad alium utrum moveri vel audiri non sunt passæ, nisi in laudem & obsequium **DEI**, & in necessitate.

ANIMADVERSIO

Super conclusionem Capitis sexti.

Concludit hoc Capitulum S. Pater Benedictus verbis admodum severis ac consideratione dignis, quæ ita sonant: scurrilitates verò, vel verba otiosa & risum moventia æternâ clausura in omnibus locis damnamus, & ad tale eloquium discipulum aperire os non permittimus.

Hæc seria S. Benedicti voluntas & imperium graves & anxias in nonnullis Religiosis cogitationes excitat. Disputant illi, & quarunt, an ergo nunquàm licitum sit, aliqua animi exhilaratione frui? an neque tempore permixtæ recreationis? an neque in phlebothomia? &c. Sincerrè fateor, difficile mihi accidere ut meam in hoc puncto mentem declarem, idque ex justo timore, ne fortè quidquam mihi veniat in calamum, quod S. Patri displic-

spliceret. Ex filiali tamen confidentia in ejus Sanctam, & summè laudatam discretionem, humillimâ Reverentiâ me illi submittens, hæc sequentia desuper noranda propono.

Primò: verba S. Scripturæ ad risum & per modum recreationis jocosè applicare, grave, immò facilè mortale peccatum est, quod tamen quidam temerarii, etiam Religiosi, non Benè advertunt. Sed opus omninò est, ut aliè hoc sibi imprimant, & cordi insculpant non tantùm hujusmodi irreligiosi blatterones, sed & illi, qui cum risu & complacentia impios hosce sermones auscultant. *Secundò:* dantur quædam verba & discursus, in seipsis quidem non multùm utiles, sed potiùs jocosì, non, necessarii, aut ridiculì; in certis tamen casibus & circumstantiis sine peccato, imò cum merito etiam à Religiosis usurpari possunt; uti v. g. si quis vehementem aliquam contentionem, aut aliud scandalosum colloquiũ narratione alicujus ridiculi facti, vel joci interrumpere, aut impedire velit. Item si aliquis valde afflictus, melancholicus, aut ægrotus jucundis & ridiculìs (sed tamen honestis) verbis exhilarandus est. In his & similibus casibus tales discreti joci, ac verba ridicula non sunt pro illicitis aut peccaminosis habenda, tunc siquidem ex S. Intentione, verâ charitate, & aliqua etiam necessitate promanant.

Persepe etiam sit, ut Religiosus inopinato

natò in bonum aliquem amicum incidat; si autem hunc (pro circumstantiis temporis, & voluntate Superiorum) salutare, aut colloqui cum ipso nollit, aliter fieri non posset, quàm ut alterum per hoc scandalizaret, contristaret, aut in suspicionem conjiceret, quasi malè erga ipsum affectus esset: proinde & mutua confidentia, & charitas laderetur. Ne igitur hoc eveniat, loquitur cum ipso eò meliori modò, quò potest, & prout ipsi in mentem venit: intercurrunt autem multa non necessaria verba & complementa, quia non habet aliquid magni momenti, aut necessariū, quod loquatur. Nihilominus hujusmodi verba non audeo pro inutilibus, aut vituperiò dignis habere, cum proferantur ex bona intentione ad conservandam debitam confidentiam mutuamque charitatem.

Præterea certis horis conceditur Religiosis ad conservationem sanitatis recreatio aliqua, (quamquàm ego in tota Regula nihil de ulla recreatione inveniam) quæ specialiter illis quandòque est necessaria, qui multis occupationibus cerebrum fatigantibus distenti sunt. Si autem Religiosus in tali communi conversatione non vellet quidquam loqui, certè aliis molestus foret, ansamque daret credendi, quòd malè contentus, passionatus, aut murmurosus sit; proinde in aliis magnam displicentiam, tadium, indignationem causar.

rer. Ergo prout occasio petit, etiam loquitur. Et licet talia ipsius verba in se appareant non necessaria, otiosa, vel inutilia, immò quandoque etiam ridicula sint, existimo tamen illa esse bona, nec S. Regulæ contraria, quia finis, ob quem proferuntur, videlicet charitatis conservatio, valde bonus est.

Quidam econtra dissoluti Religiosi directè agunt contra seriā prohibitionem S. Benedicti, & magnopere peccant, qui ex nugis & jociis quasi mercaturam faciunt, ingeniosè etiam speculantur, quomodò semper fabulis, & histrionicis verbis benè instructi esse possint: nulli loco aut tempori parcunt, nullam personam verentur, hominesque simplices non unā tantum vice scandalizant. Insuper etiam non ducunt sibi conscientiam, verba inhonesta, pungentia, impudica proferre, quæ etiam homo secularis loqui non auderet. Imò nonnunquam sub ipso divino officio clandestinas tractant nugas aliosque ad risum movent. Et ne quidem sacri silentii curam habent. Verbò: Quicumque ipsos aspicit, ridere debet. Magno insuper sibi honori ducunt, si ubique de ipsis prædicetur, quòd omnibùs numeris absoluti nugones sint. Egregia profectò laus personæ Religiosæ! interea manet irrevocabilis Christi sententia, quòd tales & omnes de quocunque verbo otioso rationem reddent in die judicii. Quomodò ergo tunc subsistent?

simeo

timeo, ne quidam eorum pro blasphemis habendi & puniendi sint. Sanctus Bernardus ait: consecrasti os tuum Evangelio: aperire illud joci, illicitum: assuescere sacrilegium est. Alibi dicit, nugas in ore secularium nugas esse, in ore autem Religiosi blasphemias. Proinde hi duo Sancti Patres, Benedictus & Bernardus admodum strictè hac in materia sentiunt, atque loquuntur.

Sed percipe tremendam historiam, quomodo DEUS hujusmodi effrænes & incautas lingvas puniat in altero sæculo. Vincentius Belluacensis celebris Historicus lib: 26. c. 5. narrat, virum quendam simplicem, Duramum de Predon, primò Monachum, postea Abbatem, tandem etiam Episcopum Tolosanum evasisse. Hic aliàs prudentissimus, pius, ac zelosus Prælatus hòc vitiò laborat, quòd sæpè verba ridicula proferre consueverit. Et quia post repetitas dehortationes Hugonis Abbatis Cluniacensis emendare se noluit, apparuit post mortem Capellano Siguino, exhibens illi os suum sædis pustulis deformatum, ab eoque enixissimè rogavit auxilium. Tandem indictò ab Hugone septem Religiosis quatuordecim dierum silentiò, liberatus fuit. Avertat à nobis DEUS tam terribilem pœnam in alterò sæculo.

Manet ergo verum, DEO summè displicere, S. Regulæ contrarium, & Religioso admo-

admodum perniciosum esse, tot verba otiosa, ridicula, aut alias inutilia proferre. Quod tamen non ita intelligendum est, quasi non liceret Religioso, quandoque amicabile ac recreativum colloquium instituere, ad conservandum valetudinem, aut charitatem fraternam, &c. Docet enim S. Bonaventura: exhibe te cuilibet amicabilem, obsequiosum, ac serenum, sed absque dissolutione.

ANIMADVERSI O

Super Caput Septimum.

De Humilitate.

SANCTUS Benedictus ex singulari instinctu Spiritus Sancti tam præclare ac luculenter scripsit de virtute humilitatis DEO tam acceptæ, quia in lumine prophætico, & per Divinam revelationem præcognovit, multos ex suo ordine ad sublimes dignitatum apices, videlicet ad Episcopales, Cardinalitios, imò Summi Pontificatus honores elevandos esse; præterquam, quòd in ipso etiam Ordine diversi statuum, ac officiorum gradus reperiantur, scilicet Principum, Prælatorum, Præpositorum, Decanorum, Priorum, Subpriorum, Cellerariorum, &c. ne ergo vel isti se extollerent, vel privati Religiosi honores ambitiosè quærerent, sed potiùs juxta gradum sextum hu-

humilitatis ad hujusmodi officia operarios malos & indignos se judicarent, hinc tam seriò, & amplè S. Pater ipsis humilitatem commendat, finè qua coram DEO cetera omnia nullius sunt pretii. Docet autem S. Benedictus veram in & externam humilitatem non tantùm verbis, sed opere. Nunquid enim admiranda est humilitas, dum hic à DEO tot privilegii auctus, tot prodigiis glorificatus vir in hac sua Regula seipsum inter desidiosos, & malè viventes, atque negligentes annumerat, idque publicò librè usque ad finem mundi coram omnibus fatetur? uti videre est capite 73. & ultimò. Si quis me aut reproclamarer tepidum, desidiosum, male viventem, atque negligentem, quomodò exandesceremus? ergo nondum sumus humiles, sed oportet, ut discamus esse, in quo quidem usque ad finem vitæ nostræ discendum erit: si autem tunc verè humiles inveniamur, à damnatione securi erimus: nullus enim humilis in infernum descendit, nullus superbus ascendit in cælum. Christus amator est humilium, diabolus verò Rex superborum. Cujusnam partes tu sequeris?

Humilis Pater Benedictus duodecim gradus humilitatis ex doctrina S. Pinuphij, qui unus erat ex antiquis Patribus, Regulæ suæ inseruit, eosque adductis congruis textibus S. Scripturæ mirificè exornavit: Cum autem per
hoc

hoc nonnihil longiores facti sint, idèò quidā simplices & juniores Religiosi non advertunt, in quo consistat medulla horum 12. graduum: quapropter appono illos succinctis verbis, ut facilius memoriæ imprimi & nonnunquā etiam pro speculo servire valeant, ut quis videat, quousque in humilitate profecerit.

Primus gradus: DEUM omnia inspicientem ex toto corde timere.

2. Propriam voluntatem derelinquere, aliorum judicium sequi, & desiderijs suis non adhærere.

3. Superioribus ad minimum nutum perfectissimè obedire.

4. Sub jugo & difficultatibus obedientiæ non lassescere, aut tædium concipere, sed in illa usque ad mortem perseverare.

5. Peccata sua per humilem confessionem delere, & culpam suam libenter fateri Superioribus.

6. Contentum esse infimò locò, viliori cibo, potu, vestitu, cellâ, &c. & ad omne officium se inutilem judicare.

7. Non solùm linguâ pronuntiare, sed etiam intimò cordis affectu credere, se inter omnes homines vilissimum & infimum esse. Quàm lublimis hic gradus!

8. Secundùm communem Regulam & Ordinem temporis vivere, nec extraordinaria opera publicè (præsertim sinè licentia) peragere.

9. Libenter tacere usque ad interrogationem.

10. Non esse promptum ad risus dissolutos.

11. Pauca, rationabilia, & modesta verba proferre, sinè clamore, pompâ, aut cachinno.

12. In omnibus gestibus, in omni loco demissis oculis, & inclinatio capite veram humilitatem omnibus testatam facere.

Multa bona S. Benedictus illis promittit, qui se in his gradibus studiosè exercuerint. Quò humilior hîc fueris, eò altior ibi eris. Hoc principium non fallit. Consultum est, ut Religiosus semel saltem in hebdomada hos gradus brevî consideratione pertranseat, & ad quemlibet videat, an illum assecutus sit. O humilitas, virtus Christi, quando corda nostra penitus occupabis?

ANIMADVERSI O

Super Capita 8. 9. 10. 11. 12. 13.

14. 15. 16. 17. 18.

*De tempore & ordine divini officii,
sive septem horarum canonicarum.*

EX omnibus Regulæ capitibus hæc undecim supra posita vix non perfectissimè observantur, quandoquidem dispositio Psalmorum, hymnorum, lectionum, &c. à S. Benedicto ordinata in breviario quàm exactissimè continet.

cinetur. Et licet in aliquibus diebus frequentius decantetur Alleluja, aut etiam in uno, vel alio loco fortasse aliquam diversitatem reperire sit, id tamen Regulæ contrarium non est, cum Ipse S. Pater cap: 18. expressè concedat, ut si hæc dispositio Psalmorum forte displicuerit, Superiores illam mutare possint.

Ulteriùs insuper notandum est 1. quod concernit tempus & horas, quibùs Religiosi ad Matutinum surgere, aut aliis horis canonicis vacare debent, inferiùs explicabitur, ad caput 48. de distributione temporis diurni. 2. S. Benedictus *Laudes* appellat *Matutinas*, *Nocturnas* autem vocat *Nocturnam laudem*, aut *opus DEI*. Modernò tempore *Nocturni* una cum laudibus *Matutinum* appellantur. 3. In *Regula* quilibet hymnus *Ambrosianum* vocatur, quia hymni feriales à S. Ambrosio fuerunt compositi. 4. Cùm S. P. bis admoneat, ut ad *Gloria Patri*, quod ad finem ultimi *Responsorii* cantatur, omnes cum reverentia surgant ob honorem SS. TRINITATIS, conveniens esse videtur, ne sedilia cum indecenti strepitu moveantur, sed primùm finitò *Gloria Patri* modestè complicantur. 5. Dicit *Regula*, quòd in choro aliqua capitula, aut lectiones breves memoriter (*ex corde*) sine libro dicantur, quod tamen *Regulare* statutum non est: Quare illi, qui suæ memoriæ non fidunt, omninò illas ex libro legere possunt, ne aliqua consu-

sio suboriat. 6. Ex præcepto S. Benedicti Sacrosanctum *Pater noster* bis de die clarâ voce integrè cantandum, aut dicendum est, ut si fortè inter unum & alterum Religiosum indignatio aliqua, cogitationes amarulentæ, vel etiam dissensiones exorta fuerint, audiendô illam seriam petitionem: *dimitte nobis debita nostra, sicut & nos dimittimus &c.* revertantur in seipso, omnemq; amaritudinem depellant. Sed deplorandum, immò tremendum est, quòd multi ex Religiosis penitè negligant, & sæpiùs longo tempore in huiusmodi acerbis & vindicativis cogitationibus perseverant: proinde dum DEUM orant, ipsimet in causa sunt, quòd veniam à DEO non obtineant, sicut nec ipsi proximis suis ignoscunt &c. 7. S. Pater, dum horas canonicas recenset, primò locò tantùm laudes ponit, hodie autem annumerantur etiam Nocturni. 8. A tempore S. Benedicti Ecclesia præter horas canonicas ordinavit insuper alias preces publicas, quales sunt: cursus B. V. officium defunctorum, Psalmi Pœnitentiales & graduales &c. Sperandum omninò est, quòd per plures huiusmodi orationes, si cum bona voluntate, ac devotione peragantur, nonnulli defectus quoad observationem Regularium statutorum apud DEUM ex parte resarciantur. 9. Ubi in Latinis Regulæ exemplaribus sæpiùs repetitur: *& missa sunt*, juxta communem interpretum

hic sensus est: & sic finiatur divinum officium,
 seu qualibet hora canonica.

ANIMADVERSIO

De Cantu Ecclesiastico.

Sanctus Benedictus varias partes divini officii cantari jubet, nimirum Psalmum *venite, exultemus*, Responsorialia in nocturnis, & alia, prout in Regula videre est: concedit tamen, quod si congregatio parva est, minores horæ sine cantu celebrari possint.

Videtur, quod tempore S. Patris Religiosi ipsius etiam Sacrosanctum Missæ officium cantaverint; nam in Regula, cap: 60. ordinatur, ut Sacerdoti in Monasterium suscepto concedatur post Abbatem stare, benedicere, &, (ut habent aliqua exemplaria) missas canere. Quàm devotus, simplex, & licet parum artificialis, summopere tamen DEO acceptus fuerit Cantus Primorum Patrum Ordinis nostri, facile potest expendi. Ipsorum musicam illi comparandam esse arbitror, cujus usum habent venerabiles PP. Cartusiani.

De cætero cantus Ecclesiasticus jam diu ante tempora S. Benedicti in usu fuit, testaturque S. Augustinus, se audiendò lacrymas continere non potuisse. Scribit insuper, arbitrari se *pœnaliter* peccasse, si à naturali sùavitæ melodix abductus, in illa potiùs, quàm

in attentione ad S. Textum moratus ac delectatus fuisset. Notabilis planè sententia tam Sancti Patris atque Doctoris, quam nimii musicæ amatores meritò observent, sibi que ex illa metuant.

Cùm modernò tempore musica in Nostriis Provinciis in omnibus penè Monasteriis introducta sit, (Cassinensis Congregatio, & quædam alia Monasteria illius usum non habent, nisi in hebdomada majori apud Sancti Sepulchri, idque perextraneos cantores) ideo non est improbanda, nec in dubium vocanda. Cùm que Guido Abbas Ordinis S. Benedicti notis illas musicales: ut, re, mi, fa, sol, la, primus invenerit, clarum videtur, Religiosos nostros jam longò tempore musicæ notitiam habuisse. Hæc omnia multùm declarari non indigerent, si modò aliqui abusus non subintrarent, nec in aliquibus locis tantam temporis consumeretur in addiscenda & practicandâ musicâ, ut studia & aliæ magis necessariae occupationes damnum pati debeant.

Oporteret insuper, ut major nonnunquàm selectus haberetur. Sunt aliqua instrumenta musicalia, nec non cantilenæ, quæ plus conveniunt sæcularibus, quàm Religiosis. Dantur harmoniæ magis ad theatrum, vel recreationem, quàm ad Ecclesiam (præsertim Religiosorum) pertinentes. Reperiuntur nunc homines curiosissimi ingenii, qui componunt melo-

melodias & cantus finè ulla bona aut Sancta intentione, ut DEUS per hoc glorificetur, & audientes ad devotionem excitentur, sed suam propriam duntaxat gloriam quærunt, dummodò rarum aliquid ac novum in publicum proferre possit. Tot insuper falsas svavitates immiscent, ut propemodùm canes ex Ecclesia fugere compellant, adeò neque decor, nec sapor in tali musica invenitur; & nisi adsint cantores omnibûs planè muneris absoluti, errores cumulantur erroribus: tantum abest, ut ædificentur audientes, quod tamen S. Benedictus ita seriò inculcat.

Melius quandoque est, Musicos auscultare, quàm aspicere, & sapiùs opus esset, ut densa cortina intercederet, ne populus videat, quomodò hic inflandò tubam vultum transformet; ille cum cheli sua ab una parte in alteram se gyrat & regyrat, ut eò elegantius modi musicales exprimantur. Alius præparandò instrumentum suum occupatur penè usque ad finem. Prætereà nonnunquàm contingit, quòd ex negligentia non omnia priùs ordinentur ac disponantur, & quando Regens Chori jam deberet tactum incipere, tunc primùm fiunt contentiones expositulationes, dissensiones eò quòd libri musicales, primùm debeant distribui, & unicuique suū instrumētum porrigi; & ubi cantum jam media ex parte oporteret esse finitum, cantores necdum dispositi, nec

dum in ordine stant. Subitò deinde chorda rumpitur, & novæ discurſiones fiunt pro alio instrumento.

Hic jam auditores hianti ore aſſiſtunt, parùm, & indevotè orant, nec verificatur illud: *ut adificentur audientes*. Timendum inſuper, ne etiam muſici ſæpiùs bonæ intentionis obliſcantur. Cæterùm valde metuo, ne ad talem muſicam, quæ cum tam exiguo ſelectu, & diſcretionem ſit, olim ſletus & ejaculatus conſequatur, præſertim quando ſolùm ex intentione placendi hominibus, aut quaſi recreationis gratiâ inſtituitur. Utinam reperiendi non eſſent, qui cum rædio chorum accedunt, dum ſolus cantus choralis adhibetur.

Hæc tamen omnia non ita intelligas, velim, lector benigne, quaſi DEUS in majoribus ſolemnitatibus non etiam laudari & honorari poſſit ac debeat in clangore tubarum, in Pſalterio & cithara, in tympano, in chordis & organo, in cymbalis benesonantibus (prout S. Davit Pſal: 150. faciendum hortatur) ſed hoc duntaxat inſinuo, ut hoc tam providè, diſcretè, atque decenter fiat, *ut adificentur audientes*, ut omnis diſformitas, conſuſio, ac diſtractiones evitentur, præſentes autem ad veram devotionem alliciantur. Huc pertinet etiam hiſtoria illa, cujus mentionem faciam infra ſuper caput 66. Regulæ.

Muſica benè ordinata planè Angelicum
opus

opus est: DEUM siquidem honorat, Angelos lætificat, eorum, qui cum vera devotione assistunt, animas ac sensus exhilarat, & quidam prægustus est gaudiorum æternorum. S. Bernardus ita loquitur: nihil est, quod in hac terra magis propriè repræsentet statum cœlestis tabernaculi, quàm si DEUS cum iubilo cordis laudatur. Serm; 9. in Cant. talis cantus, talis musica duplici orationi æquivalet. Hoc proprium est omnibus bonam intentionem habentibus musicis. Oppositum autem, de quo priùs mentionem feci, ad illos pertinet, qui suis abusibûs dehonestant artem suam. Ergo, DEO nostro sit jucunda decoræque laudatio, talémque in hoc exilio musicam instituamus, ut cum SS. Angelis, Electisque omnibûs digni habeamur ad decantandas DEO nostro laudes sempiternas. Amen. Tu ex his collige, quod tibi fructum & utilitatem afferre potest, Reliqua Superioribus & Chorum Regentibus committe.

A N I M A D V E R S I O

Super Caput decimum nonum.

De disciplina Psallendi.

Quidam Theologi docent, quòd si Persona Religiosa ad horas canonicas obligata
in

in earundem persolutione debitam externam Reverentiam observet, studeátque omnia benè & articulatè pronunciare, quòd, inquam, talis obligationi suæ jam satisfecerit, nec mortaliter peccet, etiamsi interim cogitationes distractivas deliberatè admitteret. &c. At verò S. Benedictus hóc locò à suis Religiosis exigit, ut non tantùm cum externa reverentia Horas persolvant, sed etiam cum vera interna devotione, ita, ut mens & cogitationes concordent voci, in quantum humanæ fragilitati possibile est. Ille, cui sub Psalmodia contra voluntatem suam cogitationes impertinentes recurrunt, sicque ipsi laborem faciunt in resistendo, multùm meretur apud DEUM, & non peccat. Sed de hoc pluribus agam inferiùs in annexo *spirituali cymbalo*, ad solatium scrupulosorum.

A N I M A D V E R S I O

Super Caput vigesimum.

De Reverentia Orationis.

IN præcedenti capitulo S. Pater majori ex parte locutus fuit de publico divino officio. Hic autem præclarè admodùm docet, quomodò etiam privata oratio, quæ neminem obligat, sed cuilibet libera relinquitur, peragi debeat. Rectè & attentè orare, labor

bor est omni aliô labore major, ad quem omnes animi vires applicari debent: nec potest fragilis natura nostra ordinariè loquendô in hoc exercitio diu perseverare: & ideò vult S. Benedictus, quòd brevis debeat esse, sed pura & devota oratio. Multa sinè attentione deblatterare, non placet DEO & Sanctis ejus, exiguâque homini utilitatem affert. Item, sinè consilio & assensu superiorum aut Patris Spiritualis multas extraordinarias preces assumere, temeritas est, juxta Regulæ caput 49.

ANIMADVERSI O

Super Caput vigesimum primum.

De Decanis Monasterii.

VI hujus Capituli non debent constitui Decani, nisi in illis Monasteriis, ubi major est numerus Monachorum. Cùm igitur in Nostreis Provinciis non sint adeò numerosæ congregationes aut conventus, sicut olim, ubi persæpè in uno Monasterio plusquàm ducenti aut trecenti Religiosi vivebant, hinc modò constituuntur Priores, quibus incumbit directio & gubernatio fratrum in spiritualibus. (isti Priores in Monasteriis Principalibus vocantur Decani) item Subpriores, Directores seu Magistri disciplinæ, quos adeò benè in virtute fundatos esse oportet, ut Abbas partem oneris sui securè ipsis communicare possit.

Hi per verum spiritum & zelum Regularis observantiæ cæteris Religiosis exemplò suò præluere debent. Maxima ipsis cura sit, ne ulla ex animabus sibi commissis per ipsorum culpam detrimentum aliquod patiatur. Specialiter autem Paternam exhibeant sollicitudinem erga tentatos, Passionibus deditos, & imperfectos Religiosos, ut istos conservent incolumes, & à periculo, in quo versantur, liberent. Sani enim non indigent medicò.

Singulari studiò hîc inculcat S. Pater, ne Præpositi Monasterii sint superbi, aut inflati, sed humiles. Et ab hoc puncto salus totius Monasterii dependet. Superiores humiles aptissima vasa sunt, quibus DEUS liberaliter infundit spiritum suum, ut tam seipsos, quàm subditos per viam pacis ad cælum dirigere possint. Tales ergo suum Regimen, dispositiones, adhortationes, correctiones & omnia secundùm Spiritum Christi cum mansuetudine, discretionem, & ubi opus fuerit, etiam cum severitate, sinè ulla tamen amaritudine, aut passione perficiunt. Verbò: ubi humilitas, ibi omn. bonum adest, vel certè aderit: ubi autem hæc deficit, omnia deficiunt.

A N I M A D V E R S I O

Super Caput vigesimum secundum.

Quomodo dormiant Monachi?

M Agnam profectò gratitudinem Superioribus

bus exhibere tenemur, quòd cuilibet Religioso privatum cubiculum, seu cellam concedant. Non arbitror hoc esse contra mentem S. Patris Benedicti, cùm ipsemet dispositionem talium rerum externarum tot repetitis vicibus in potestate Superioris relinquat. Si omnes in uno hypocaulo dormire deberent admodum gravarentur multi Religiosi ob tussim, sternutationes, & alios quorundam defectus naturales, qui nonnunquam evitari nequeunt; proinde cæteri boni Confratres in suo somno impedirentur non sine magno tædio ac molestiâ. At verò in cella separata non modò necessaria quies melius obtinetur, sed insuper oratio, lectio spiritualis, & discretæ mortificationes majori tranquillitate exerceri possunt. Nunquam magis exornata est cella Religiosi, quòd ubi nihil in ea superfluum, sed illa solummodò, quæ pura necessitas & Sancta simplicitas exigat, reperiuntur. Hujusmodi cellæ similes sunt pauperi habitaculo illi, quod JESUS, MARIA, & JOSEPH in Bethlèém & Nazareth incoluerunt.

Primi Patres Ordinis nostri tempore quietis nocturnæ ita vestiti dormiebant, ut mox è lectis suis absque omni ulteriori vestitu chorum & laudes matutinas accedere potuerint. Cùm autem nos frigidiorē Regionem incolamus, ea certè non permetteret, ut similimodò tam tenuiter vestiti chorum nocturnum
fre.

frequentaremus. Sollicitus tamen sit Religiosus, ne vel noctu etiam sine sacro suo habitu dormiat, siquidem periculo gravis peccati se exponeret, si notabili tempore ex propria incuria habitum non gestaret. Bene attendendum est Paternum monitum S. Benedicti, ut quilibet studeat alterum prævenire ad opus DEI. Qui enim primus in choro, primus etiam apud eum est.

A N I M A D V E R S I O

Super Caput vigesimum tertium.

De Excommunicatione culparum.

EA, quæ Sanctus Benedictus in hoc capitulo quasi obiter tantum tractat, amplius declarat in capitulo sequenti.

A N I M A D V E R S I O

Super Caput vigesimum quartum.

Qualis debeat esse modus excommunicationis?

IN hoc capitulo præscribit Sanctus Benedictus, quomodo leviores culpæ & errores sine incurfione veræ ac Majoris, ut vocant, Excommunicationis puniri debeant: videlicet per sequestrationem pœnitentis à communi mensa. Et vult S. Pater, ut tali Religioso durante hac pœnitentia non liceat in choro

Psal-

Psalmum, aut Antiphonam intonare, neque
lectionem legere; & ut tunc primùm come-
dat, quando communis mensa conventualis
jam finita est. Pro declaratione & per mo-
dum exempli hoc tempus adducit, ut si v. g.
Conventus hora sexta (quæ apud nos est duo-
decima meridiana) refectionēumat, ille frater
pœnitens primū horā, nonā (est apud nos tertia
pomeridiana) se reficiat. Et quando conven-
tus primū horā tertiā pomeridianā reficitur,
tūc pœnitens vespere primū, id est, circa
horam quintam, cibum accipiat. Cæterū
S. Pater & horam & mensuram cibi pro tali
pœnitente Superiori relinquit. Cū igitur
horæ refectionis (de quibus infra, cap: 48.)
moderno tempore non ita ampliùs servantur,
idē in nostris Provinciis talis ordō cum pœ-
nitentibus observatur, ut quidem unacum-
aliis ad refectōrium admittantur, non autem
ad mensam, sed humi sedere debeant: & post-
quā reliqui de conventu cibos suos accepe-
runt, ultimō demū & ipsis ex licentia Su-
periorum aliquid porrigitur. Et per hoc sa-
tisfit menti Regulæ, quia Sanctus Benedictus
hanc pœnitentiam quoad tempus & modum
arbitrio Superiorum relinquit. Hæcquē
separatio à mensa non est excommu-
nicatio propriē dicta, se Regularis
duntaxat.

ANI:

ANIMADVERSI O

Super Caput vigesimum quintum.

De gravioribus culpis.

Circa has ordinat S. Benedictus, ut si fortè Religiosus graviter deliquerit per superbiam, inobedientiam, contemptum Regulæ aut Superiorum, &c. talis primò benignè admoneatur, ut se emendare velit: postea etiam (si emendatio non fuerit secuta) publicè coràm omnibus increpetur. Si verò in sua malitia perseveraverit, taliter excommunicetur, & à communitate segregetur, ut neque ad divinum officium, neque ad mensam, neque ad ullius hominis consortium admittatur. Et si istis omnibùs jam adhibitis adhuc obstinatus manserit, verberibùs castigari debeat. Hic loquitur S. Pater (ut quidam opinantur) de vero & terribili Anathemate Ecclesiastico. DEUS autem ab omnibus Religiosis tam enorme delictum, tamque gravem avertat pœnam, quæ tempore Sancti Benedicti frequentius quam modò infligi consuevit.

ANIMADVERSI O

Super Caput vigesimum sextum.

*De hù, qui sine jussione (aut licentiâ) Abbatis
junguntur Excommunicatis.*

Textus hõc locò quoad litteram clarus est:
Sciendum tamen, hujusmodi transgressio-
nem.

rem non majori, sed minori Excommunicationi obnoxium fore. Qualis autem utraque harum Excommunicationum sit, necessum non est hic declarare.

ANIMADVERSI O

Super Caput vigesimum septimum.

*Qualiter debeat esse sollicitus Abbas
circa Excommunicatos?*

IN nostris Monasteriis (DEO sit laus) non adeò scimus contingere tam graves lapsus, ac pœnas. Si tamen ex permissione divina huiusmodi quid fortè accideret, clarè ante oculos & manus habemus salutarem doctrinam & instructionem S. Benedicti, quomodò cum his errantibus oviculis procedendum sit, ne animæ pretioso JESU Sanguine tam rarò redemptæ in interitum eant.

ANIMADVERSI O

Super Caput vigesimum octavum.

*De iis, qui sæpiùs correcti non
emendantur.*

Presens capitulum non de minoribus Regularibus delictis ac transgressionib⁹ intelligendum venit, quales sunt: violatio silentii, ultra tempus dormire &c. Sed de gravibus &

F. planè

planè intolerabilibus excessibus. Si autem Religiosus in similibus emendare se noller, non ejiceretur è Monasterio (ut aliàs Regula quoad literam indicat, hodie tamen non amplius permissum est) sed talis ovicula de sano grege abscinderetur, & vel temporali, vel perpetuo carcere clauderetur, ut neque in Monasterio, neque in sæculo lapidem offensionis invenire posset.

ANIMADVERSIO

Super Caput vigesimum nonum.

Si debeant iterum recipi fratres exeuntes de Monasterio?

MAlè viventes, aut inquieti Monachi non expelluntur è Monasterio, ut suprà dictum, si autem perfidus aliquis Religiosus ultrò è Monasterio fugeret, intercipi deberet, & retrahi à fuga, atque exemplariter castigari, vel perpetuo carceri mancipari. Proinde capitulum hoc quoad literam in omnibus servari nequit, eùm canones Ecclesiastici non tolerant, ut Religiosus aliquis in sæculo circumvagetur, aut juxta proprium sensum & gustum aliò migrare permittatur.



ANIMADVERSI O

Super Caput trigesimum.

*De pueris minori etate, qualiter
corripiantur ?*

Nemo arbitretur Sanctum Benedictum tam
rigidum Patrem, fuisse, ut teneros pue-
ros instructionis gratiâ in Monasteriis susceptos
ob quemlibet errorem severis jejuniis aut acri-
bûs virgîs castigari voluerit; sed istud capitu-
lum de gravibus solummodò defectibus ac de-
lictis intelligi debet, de quibus egit in capi-
tulo præcedenti, & ob quæ Religiosus adultus
excommunicari mereretur. Immodò expressè
ordinat Sanctus Pater, cap: 70. ut si aliquis
contra ipsos pueros sinè discretionè exarserit,
Regulari disciplinæ subjiçiat.

ANIMADVERSI O

Super Caput trigesimum primum.

De cellerario Monasterii, qualis sit ?

Illi Religiosi, quibus à Superioribus admi-
nistratio temporalium commissa est, in ma-
ximo periculo versantur, ne aut nimium se
immergant, aut nimis parùm satisfaciant suo
officio. Sæpè enim impediuntur, ne horas
Canonicas, meditationes, examina, lectiones
spirituales debito tempore peragere possint.
Cum variis insuper hominibus ipsis agendum

84 *Animadversiones super Regulam.*

est non sine distractione cordis, & periculò incidendi in malas cogitationes ac desideria: hinc facillimè spiritus fervorem amittere, & tepiditatem DEO tam displicentem possunt incurrere. Sed Sanctus Benedictus præavere volens tanto malo, aliisque gravibus animarum periculis, ex singulari instinctu Spiritus Sancti hoc præclarum & doctrinis plenum capitulum ipsis servandum proposuit, in quo certè omnia ad ipsos spectantia comprehenduntur. Si cum industria & attentione illud legerint, & pro viribus observaverint, magnos gratiæ & gloriæ gradus sibi comparare poterunt. Si autem tam insignia Paterna monita neglexerint, timeant, ne per administrationem temporalium infelicem vitæ exitum, cum iugo gravissimæ rationis reddendæ sibi ultrò consciscant. Neque hoc capitulum concernit solos Cellerarios, Oeconomos, sed etiam Præfectos culinæ, item Granarios, & particulares coadministratores cellæ vinariæ conventualis. Hi omnes sedulò invigilent, ut si exercitia sua spiritualia debito tempore non potuerunt persolvere, alio tempore illa peragant, & nunquàm penitus intermittant; aliàs in magna conscientiæ gravamina incident.

ANIMADVERSI O

Super Caput trigesimum secundum.

De ferramentis vel rebus Monasterii.

IN hoc Capitulo S. Pater noster omnes illos instruit, quibus aliquid custodiendum aut tractandum comittitur, quales sunt: Sacristanus, Archiviarius, Bibliothecarius, Vestiarus, Hortulanus, Bibliopégus, Distillator, &c. & admonet illos, ut cum diligentia ac sollicitudine invigilent, ne aliqua ex rebus sibi commissis destruat, frangatur, perdat, negligatur, aut lædatur. Immo in præcedenti capitulo hortatur, ut omnia vasa, omnemque substantiam Monasterii tam sollicitè custodiant, uti vasa sacra altaribus. Votum paupertatis hujusmodi officialibus sufficiens stimulus ad diligentiam esse deberet.

ANIMADVERSI O

Super Caput trigesimum tertium.

Si quid debeant Monachi proprium habere ?

Hic nihil ultra mihi notandum occurrit, præter ea, quæ suprà de voto paupertatis asserui. Quamquàm autem tam perfecta paupertas à nobis exigatur, ut nec mortalia corpora nostra in potestate propria habere possimus, admittunt tamen Theologi, Religiosam

Personam sua bona opera & orationes aliquas ex parte habere in propria potestate, ita, ut possit illa, quamvis non omnia, ad libitum, etiam pro aliis applicare, quod tamen sine inordinato affectu, sed Sanctè fieri debet.

ANIMADVERSIO

Super Caput trigesimum quartum;

*Si omnes aequaliter debeant necessa-
ria accipere?*

Constat, non omnes Religiosos unius complexionis, aut sanitatis esse, nec aequalibus corporis viribus pollere; necessum proinde est, ut Superiores uni plus indulgeant, quam alteri. Sed apud imperfectos Religiosos oriuntur exinde inquietudines & invidiæ; sic enim judicant & dicunt: alii infirmiores se simulant, quam reverà sint, & plus ipsis à Superioribus connivetur, quam oporteret. Hinc sæpius indignationem & displicentiam super utrumque concipiunt, in eaque constanter persistunt, immò etiam clandestinè hinc inde murmurant, sed non sinè gravi peccato & transgressione hujus capituli. Verus Religiosus omnem curam & sollicitudinem harum rerum Superioribus debet relinquere, qui & rationem DEO reddere obligantur. Tolerabilius est, si fortè ultra necessitatem alicui condescendatur in mediis temporalibus, quam ut

Re-

Religiosus in tali displicentia & inquietis cogitationibus vivat. Quod S. Pater ad finem hujus capitali omne murmur tam levere, & cum intentatione gravis ac districtioris disciplinæ prohibeat, est juxta doctrinam Spiritûs Sancti, Sap: 1. dicentis: *Qui loquitur iniqua non potest latere, nec præteriret illum corripiciens judicium.* In cogitationibus enim impii interrogatio erit, & sermonum illius auditio ad DEVM veniet ad correctionem iniquitatum illius. Quoniam auris zeli audit omnia, & tumultus murmurationum non absconditur. Custodite ergo vos à murmuratione, quæ nihil prodest, &c. hucusque S. Scriptura. Si unquam murmurasti, detestare hoc per veram pœnitentiam, & cave deinceps. Accommoda te omni eventui, & dispositioni Superiorum, & attende tibi soli, tunc extra periculum versa beris. Qui murmurat, contra obedientiam, contra charitatem, immò contra ipsum DEVM peccat.

ANIMADVERSI O

Super Caput trigesimum quintum.

De Septimanarijs Coquina.

Capitulum istud anxias olim cogitationes in me excitavit; siquidem mihi videbatur, nos moderno tempore contra expressam voluntatem Divi Patris Benedicti tam longè ab illius observatione recedere. Cùm autem at-

tentiùs legissem, inveni, non adeò malè rem constitutam esse, sed quòd hīs temporibùs sine omni displicentia Sancti Patris à literalī sensu hujus capituli recedamus.

Et primò quidem, cum tempore S. Benedicti in unoquoque monasterio vix unus sacerdos, ceteri autem Religiosi solummodò fratres Laici, seu conversi fuerint, omninò conveniens erat, ut in culinæ Ministerio mutuas vices subirent. *Secundò*: cum S. Pater non modò infirmos, debiles, & Cellerarium, sed etiam, omnes alios, qui majoribùs & utilioribùs negotiis occupantur, à culina excipiant: moderno autem tempore cœnobīa majori ex parte Sacerdotibùs, clericis talibùsque professis abundant, qui suo tempore ad dignitatem Sacerdotalem assumendi sunt; his autem incumbat persolutio divinorum officiorum, missas legere, concionari, confessiones excipere, curæ animarum invigilare, Philosophiam, Theologiam docere, aut studere, quæ occupationes utique longè majoris momenti sunt, quàm coquum agere; hinc clarè inferitur, tales Personas vī hujus capituli à culinæ ministeriis exemptas esse ac liberas, *Tertio*: Quinimò etiam Fratres conversi non, omnes ad culinam destinari possunt, cum à Superioribus ad magis necessaria & meliora servitia deputati sint, videlicet ad officium sacristani, pistoris, sartoris, alisque necessarias

occu;

occupationes domesticas, cum quibus servitia culinæ peragere non possent. *Quartò*, non audeo hæc mentionem facere, quòd Religiosi moderno tempore contenti non ampliùs essent unò vel alterò simpliciter coctò ferculò, sicut aureis illis temporibùs Primorum Ordinis nostri Parentum; sed benè expertos & omnibùs numeris absolutos coquos advocare necessum est. Si omnes secundùm ordinem culinam administrare deberemus, parùm saporis esset in cibis, multùm autem murmuris in ore & corde. His proinde fatemur & prodimus fragilitatem nostram: defectum autem servitii culinarij ex parte supplemus, dum singuli per unam hebdomadam secundùm ordinem ad mensam inservimus, quod summè meritorium opus est, si cum bona voluntate, industriâ, & verâ humilique charitate fiat.

Publica pedum lotio, de qua in hoc capitulo fit mentio, ex priùs adductis, aliisque notabilibùs rationibùs, & ut speramus, sinè displicentia S. Patris Benedicti hodie communiter intermittitur. Sicut etiam alia hujusmodi externa statuta Regularia sub nullo peccato obligantia propter diuturnitatem temporis & mutationem consuetudinum sinè detrimento Regulæ Principalis possunt, immò quandoque debent intermitteri, cùm etiam utiles & Sanctæ ceremoniæ (utì olim præter alia fuit osculum pacis inter Christianos usitatum,

atum, de quo S. Benedictus cap: 53. & hæc ipsa publica pedum lotio) aliquibûs temporibûs bonæ & ædificatoriæ, brevi post autem inutiles, immò prohibitæ esse potuerint.

A N I M A D V E R S I O

Super Caput trigessimum sextum.

De infirmis Fratribus.

TAm dilucidè in hoc capitulo Paternum suum animum veramque compassionem erga infirmos ostendit S. Benedictus, & tam exactam de ipsis curam haberi mandavit, ut nihil ultra in hac materia notandum occurrat. Præterea tam sollicitè instruit infirmos, eorumque servitores, immò & Abbatem omnesque Officiales, ut penitus nihil hõc locò intermissum sit. Si suspicio venit, hunc vel illum Religiosum plus fortè exaggerare infirmitatem suam, ac in re ipsa est, non malè fiet, si nihilominus ipsi fides detur, ne aliquid ad curam infirmi pertineans negligatur. Infirmus autem securè procedet, si factâ manifestatione morbi filialiter se relinquat curæ & ordinationi Superiorum.

Quod concernit punctum de comedendis carnibus, inferiùs discutiemus.

ANIMADVERSIO

Super Caput trigesimum septimum.
De Senibus, vel infantibus.

Capitulum hoc itidem quoad litteram clarum est, plenumque affectu paternò, quòd videlicet senibus, & pueris ad scholam, vel ad victum susceptis ante consuetum tempus mentis aliquid refectionis dari possit. Quando dubium occurrit an Religiosus aliquis ratione senii vel infirmitatis ad jejunia Ecclesiastica teneatur, hoc periculum & dubium per dispensationem Superiorum amovebitur.

ANIMADVERSIO

Super Caput trigesimum octavum.
De hebdomadario Lectore.

Istud capitulum in nostris Provinciis. DEO sit laus, ordinatè servatur, quòd autem nolit S. Benedictus, ut omnes & singuli secundum ordinem legant aut cantent, ratio est, quia videlicet Religiosi illo tempore penè omnes erant Laici, seu conversi, quorum nonnulli aut malè, aut fortè omninò non potuerunt legere.

ANIMADVERSIO

Super Caput trigessimum nonum.

De Mensura ciborum.

Super hoc capitulum, (quod in pluribus Sbonis Religiosis anxias cogitationes excitat) sequentia adverto: *Primo*, quod concernit numerum ciborum, S. Pater duos cibos coctos permittit, & etiam tertium, ex pomis leguminibus, & hujusmodi confectum. Hi cibi more veterum Monachorum communiter ex levibus duntaxat terræ fructibus constabant, ita, ut quilibet Monachus (vi Regulæ) illos coquere posset. Ut mihi tamen videtur, etiam pisces, ova, & similia non excluderint, si fortè ex Divina Benedicti-
one, aut liberalitate piorum hominum talia ipsis oblata fuerunt. Non tamen ad quotidianum esum sibi talia comparabant, idque ad imitationem Salvatoris nostri, qui plerùmque pane hordeaceo contentus erat. Quoad numerum autem ciborum in nostris Provinciis in mensa Regulari ab antiquo more nō multum recedimus; nam ordinariè duo tantummodò fercula cum aliquo intermedio apponuntur. Solum jusculum (cujus non erat usus in Italia, ubi Sanctus Benedictus degebat, nobis autem Germanis ob frigidam locorum naturam admodum utile, immò necessarium est) statu-

statutum numerum excedit, & videtur omnino, illud sine omni transgressione hujus capituli adhiberi posse.

Secundo: S. Pater Superioribus relinquit, ut exigentibus causis plures etiam cibos indulgere possint. Hanc Paternam discretionem Superiores nostri usurpant, dum in diebus festivis, & quibusdam aliis temporibus plures cibos apponi permittunt, de quibus singuli Religiosi pro sua necessitate accipere possunt, ita tamen, ut recordentur seriae admonitionis Sancti Benedicti, nec ultra comedant, quam necessitas exigit, ut nunquam subrepat indigeries. Gula Religiosum dedecorat. Quando in refectioe cibi & potus non necessitas, sed sensualis oblectatio quaeritur, peccatum est. Qui ob defectum alicujus delicati obsonii murmurare praesumunt, cum tamen ad satietatem jam comederint, non sunt Religiosi, sed &c.

Tertio: In libro 1. de Doctrinis & Viris Patrum, (de Praeventia, num: 35.) narratur, quod cum aliquando Sanctus quidam senex Prophetiae spiritu donatus unacum aliis Religiosis cibum sumeret, in spiritu viderit, alios ex ipsis mel, alios panem, alios autem sterco manducare. Haec senex attonitus ob tantam diversitatem, cum sciret omnibus eundem cibum apponi; postquam autem DEUM pro intelligentia hujus visionis rogavit,

reve-

revelatum ipsi est, quod illi, qui cibos appositos cum timore, tremore, & gratiarum actione, manducantes interea cor suum per orationem ad DEUM crebrius elevabant, melle reficiebantur. Alios autem, qui cum gratitudine cibis sibi à DEO missis fruebantur, pane pastos fuisse. Tercios denique, quia super cibos murmurabant, quasi essent insipidi, & malè cocti, &c. immundam illam materiam devorasse. Prò pudor! Quid tu comedis?

Quarto: quod concernit esum carniū, non penitus excludit illas Sanctus Benedictus, sed infirmis omninò debilibus pro reparatione concedit. Sanis autem prohibet illarum comestitionem: & hoc in multis nostri ordinis congregationibus diligenter adhucdum observatur. Apud nos autem Benedictinos in Germania hæc consuetudo quoad esum carniū jam à multis retrò temporibus, (quæ nec memorari valent) cum permissione supremæ potestatis ad certos dies introducta fuit. Contra hanc consuetudinem quidam allegare volunt seriam illam DEI comminationem, Isaia 22. *Vocabit Dominus DEVS exercituum in die illa (Religiosos) ad fletum, & ad plañctum, ad calvitiū, & ad cingulum sacci, & ecce gaudium & latitia: occidere vitulos, & jugulare arietes, comedere carnes, & bibere vinum. Comedamus & bibamus, tras enim moriemur. Et revelata est in auribus meis vox Domini Exercituum: si dimittetur*
iniqui-

iniquitas hac vobis, donec moriamini: dicit Dominus DEVS Exercituum. Profectò metuenda verba: quæ tamen ad nostros Religiosos reduci nequeunt, quia non ex propria voluntate, sed cum rationabili Superiorum consensu certis diebùs carne vescuntur.

Sed ut magis ad nostrum Scopum veniamus, ita meam mentem declaro quoad hoc punctum: prohibitio carnum in nostro casu Regulare statutum est, quod, sicut & cætera in Regula contenta, (illis exceptis, quæ ad vota Religiosa pertinent) sub nullo mortali obligat: sequitur ergò, Ecclesiam aut Superiores ex urgenti ac notabili causa hac in re, sicut & in cæteris similibus, dispensare posse, quod etiam factum est in nostris Regionibus. Circa quod omninò non convenit, privatum Religiosum disputare secum, aut anxari, ne fortè Regula quoad litteram hoc in puncto non observetur; quin potius octavum humilitatis gradum sibi servandum sciat, neque ex proprii iudicii tenacitate aliud sequi velit, quam quod tota communitas ex majorum ordinatione in hac re observat. Id solum ergo manducet, quod in mensa apponitur, quidquid demùm illud sit, de cætero omnem curam Superioribus relinques, num licita sit huiusmodi dispensatio, & quomodò olim DEO & Sancto Benedicto rationem reddituri sint. Licebit tamèn interea optare, Deumque precari,

carl, suam ut gratiam largiri dignetur, quatenus in hoc casu Regula secundum litteram, servari queat.

Addit in hoc capitulo S. Benedictus pauca quædam verba, quæ tamen multis Religiosis adeò observatu difficilia esse videntur, ut ea potius è Regula eliminata vellent: videlicet: *servata in omnibus parcitate*. Non displiceant tibi verba hæc, qui paupertatem adeò generosè vovisti. Exulta & lætare imminenti-
bus quandòque occasionibus pauperem JESUM in rerum penuria imitandi. Officiales tamen Monasterii non ita textum intelligant, quasi nõ oporteat ipsos Conventui omnia necessaria sollicitè & ad sufficientiam ministrare.

Demum, cùm mensura panis à S. Patre præscripta (*panis libra una*) nõ satis cognita sit, benè admodum agunt Superiores, quandò cuius suorum Religiosorum eam panis quantitatem, quæ ad necessitatem sufficere potest attribuant.

ANIMADVERSIO Super Caput quadragesimum. *De Mensura potus.*

Vix, arbitror, ex toto cognosci aut divinari posse, quæ & quanta propriè sit *Hemina* nobis à S. Patre pro mensura potus præscripta. Quapropter omninò incumbit Superioribus,

bus, ut eam vini quantitatem Religiosis suis permittant, quæ necessitatem expleat, vitatâ omni superfluitate. Et quamvis S. Pater discretioni Superiorum relinquat, quatenûs ex rationabili causa nonnihil amplius super statutam Regularē mensuram indulgere possint, vult tamen insuper, & quidem seriò, *ut non usque ad satietatem bibamus, sed parcius.* Vult præterea, ut filii sui, si fortè non adeò multum vinum, neque tam generosum, ut vellent, inveniri possit, à murmuratione caveant.

Non vulgare donum DEI est temperantia in cibo & potu. Hæc sanitatem hominis conservat, eumque ad vigilias, meditationes, studia, orationem, cæterasque omnes in & externas occupationes aptum efficit, & specialem in cælo coronam atque mercedem promeretur. Contrarium horum omnium præstat superfluus cibus ac potus. Tibi autem, mi lector, id opto ex animo, ne hoc aliquandò vel hîc, vel ibi actualiter experiri cogaris &c.

ANIMADVERSI O

Super Caput 41.

Quibûs horis oporteat reficere fratres?

DEclarat hîc Sanctus Benedictus, quando-
nam & quotiès Religiosos suos jejunare oporteat. Et primò quidem per totum tem-

G

pus

pus Paschale nullum præscribit jejunium; vultque, ut ad sextam horam, (quæ apud nos est duodecima meridiana, ut infra dicetur in distributione diei super caput 48.) reficiant, seu prandium sumant, & ad seram, id est, vespere, cænent. A Pentecoste singulis hebdomadis binos ad jejunandum dies assignat, Relinquens tamen Superioribus, ut etiam hic, si videbitur, dispensare possint. Ab Idibus, seu 13. die Septembris usque ad quadragesimam quotidie jejunare debebant usque ad nonam, (quæ apud nos est hora tertia pomeridiana) exceptis procul dubiò diebùs dominicis. Mirum itaque non est, S. Patrem de jejunio adventûs nullam mentionem facere, cùm aliundè eo tempore ipsius discipuli usque ad tertiam post meridiem jejunare consueverint. In jejunio autem quadragesimæ refectionem omninò differebant usque ad vesperam, id est, ad horam quintam vespertinam: prout dicemus inferiùs super cap: 49.

Hic probè notandum est, Primos Patres Ordinis nostri usque post tempora S. Bernardi multò majori rigore jejunasse, ac nos moderno tempore solemus: quandoquidem juxta hoc capitulū in diebus jejunii Regularis horâ tertiâ primùm post meridiē refectiōē sumpserūt, nec ante hoc tempus, nec postea quidquam cibi aut potûs degustantes, exceptis solummodò infirmis sensibùs, & pueris junioribùs scholæ aut mensæ alumnis.

In.

In nostris quidē Provinciis à Pērecoſte ul-
 que ad 13. Septembris juxtā tenorem Regulæ
 in omni hebdomadā bis jejunare conſuevimus, à
 t. 13. autem Septembris ex Superiorum diſpen-
 ſatione unum tantūm jejunium ſingulis heb-
 domadis ſervamus, nihilominus ſperantes,
 t. S. Patrem Benediſtum pro paterna ſua bene-
 dic. volentia plus à nobis non exigere partim,
 ſ. quia hoc tempore plura nobis occurrunt jeju-
 m nia tum Eccleſiaſtica, tum ſpontē accepta par-
 tim, quia officium Divinum noſtris tempori-
 bus multò longiùs, quàm olim, durat, ut
 ſuperiùs inſinuatum eſt. Sed præcipuè, quia
 d. S. Pater expreſſè in hoc capitulo ſuperiorum
 n. diſcretioni relinquit, ut ſic omnia temperent at-
 que diſponant, qualiter & anima ſalventur, & quod
 in faciunt fratres, abſque ulla murmuratione faciant.

Præterquàm, quòd hodiè tot jejunia Re-
 gularia non obeamus, ut ſupra dictum, inſu-
 per jejunia noſtra longè non ſunt tanti rigo-
 ris, ac olim fuerunt. Tempore ſiquidem S.
 es Benediſti in diebus jejuniorum Regularium
 di Nona ex officio Canonico, & Miſſa conventu-
 er. alis primūm poſt meridiem circā horam terti-
 oc. am celebrari conſueverant, iſſque demūm ſi-
 n. nitis Monachi reſectionem ſumpſerunt. Cūm
 ec. autem S. Eccleſia moderno tempore haud ad-
 ut. mittat ampliùs, ut tam ſerò miſſæ celebren-
 ir. tur, hinc nona adhuc ante meridiem cantatur,
 ut. quam in diebus jejunii Eccleſiaſtici mox ſubſe-

quitur officium conventuale, & prout hodiè consuetudo est, refectio sumitur in diebus jejunii circà horam undecimam, aut seriùs: & insuper ad Vesperum circà horam quintam, aut sextam refocillatio aliqua permittitur; quam communi nomine collationem vocamus, quæ tamen ne quidem cognita, multò minùs in usu erat antiquis Patribus Ordinis nostri, sed potiùs eo tempore: juxtà tenorem capituli sequentis, ad Lectionem spiritualem publicam, sive *collationem* convenerunt.

Cùm igitur tam numerus, quàm rigor juniorum Regularium hoc nostro tempore adeò notabiliter diminutus sit, ut vix comparatio fieri possit ad priora tempora, & insuper vespertina collatio nobis admittatur, hinc admodùm malè & periculosè agunt nonnulli ex junioribus Religiosis, qui etsi cæteroquin sanitate ac robore corporis polleant, nihilominùs quandòque etiam in diebus jejunii Ecclesiastici manè tot dulciaria confortativa sinè necessitate sumunt, sèque etiam Vespere absque urgenti causa ità reficiunt, ut molestiam jejunii nullam sentiant. An tales præcepto Ecclesiæ, & obligationi statûs sui satisfaciant, ipsorum conscientiis relictum esto. Religiosus sani corporis sinè vero jejunio hypocrita est. Quod S. Benedictus ad calcem hujus capituli præscribit, ut videlicèt *lucè adhuc diei omnia consummentur* id in Regionibus nostris Aquilonari-
ribus

ribus fieri nequit, sed quandoque lucernis opus habemus, in hyeme præsertim.

ANIMADVERSI O

Super Caput 42.

Vt post completorium nemo loquatur.

Multum reverà interest salutis Religiosorum in Monasterio benè ordinato vivere, ut capitulum hoc ad amissim observent. Ubi nulla, vel exigua disciplina, aut bonus spiritus. Perfectum silentium tunc servatur, quando nihil omninò loquimur: silentium autem claustrale, seu discreta quies Monastica requirit, ut ea, quæ per diem nobis loquenda, aut disponenda sunt, eò moderamine ac discretione faciamus ut ne ullum inquietemus, eive impedimento simus. Silentium claustrale non loquendò tantùm, sed etiam inurbanis cursibus, plaudendò pedibus terram, aperiendò aut claudendò cum strepitu januas, excitandò tumultum in cella, &c. violatur.

Quod jam concernit silentium nocturnum, ea S. Benedicti voluntas est, ut Monachi omnes, nullò penitus demptò, exiguâ post coenam morâ interpositâ, vel diebus jejuniorum brevî spatiò post vespervas, destinatò in locò convenient, ibidémque vitæ, aut collationes seu colloquia & doctrinæ Sanctorum Patrum, vel alia ad ædificationem pertinentia

G;

legant.

légantur, quantum hora permittit, seu quantum tempus adhuc reliquum ante completorium patitur. Finita lectione incipiendum esse mandat completorium, eoque tractatō per totam noctem exactissimum servari silentium districtè præcipit, transgressoribus illius severè omninò punitis. Sacræ legis hujus observantia in Reformatis cænobiis magnoperè viget; vult insuper S. Pater, ut etiam conversatio cum hospitibus sub hoc tempus magis moderata sit, majorique compositione cum iisdem agatur. Quod punctum defactò solertius observandum esset.

ANIMADVERSI O

Super Caput 43.

De iis ad opus DEI, vel ad mensam, tardè occurrunt.

ID exigit S. Benedictus à Religiosis suis, ut mox auditō signō sinè mora ad Divinum officium festinanter occurrant, cum modestia tamen, & absq̃e indecenti cursu. Qui ordinariè tardant venire, & primùm post initium divini officii occurrunt, hi clarè demonstrant, se negotiorum suorum & occupationum longè majorem habere curam, quàm divinæ laudis ac servitii: cum tamen S. Pater ità efficaciter jubeat, ut nihil operi DEI proponatur. Sed timeo, ne ille

ne ille puer Ætiops, qui olim, (teste S. Gregoriô) Monachum quendam reperitis vicibûs e choro extraxit, adhuc hodiè se nostris carib⁹ immisceat, cùm tot Religiosi absque urgèti causa nimium facilè à choro se subducunt, exemptiones à divino officio persæpè affectant, sub prætextu, ut cæteris negotiis sibi commissis ed meliùs vacare possint. Ubi tamen experientia probat, quòd, si Religiosus (quantùm est possibile) divino officio unacum aliis devotè interesse conetur, reliqua deindè negotia, quæ ex officio ipsi incûbunt, multò feliciùs ei succedât, ac alteri, qui ex quavis causa se indè abstrahit. Ubi non negamus, exemptionem à choro sæpè justam, immò necessariam esse posse.

De cætero capitulum istud in nostris provinciis circà hujûsmodi negligentes rectè servatur, ubi non licet ipsis occupare statim sua loca, sed coràm omnibus in medio chori stare compelluntur, donec datô signô à Superiore ad loca sua accedere permittantur. Verùm his nondum contentus est S. Benedictus, sed vult, ut *satisfaciat reus ex hoc*, sive, ut talis, qui ex mera negligentia seriùs occurrit, insuper aliquâ pœnitentiâ mulctetur.

Quod illos concernit, qui tardiùs ad mensam veniunt, per hoc apud nos sufficienter adimpletur Regula, quòd talis publicè in refectorio se prosternere, & signum, seu licentiam accumbendi ad mensam expectare debeat.

Quòd autem S. Pater æqualem pœnam & illi diceret, qui ad illum versum non fuerit præsens, qui post cibum dicitur, ratio esse potest, quòd jam ipsius tempore quædam monasteria ultrà centum Monachos numeraverint, ex quibus nonnulli parcissimâ refectiōe contenti erant, quibus tamen è refectorio abire non licuit, donec reliqui pro necessitate sua comedisent, ut ità simul omnes surgentes à mensa debitas Domino DEO gratias junctis vocibus reddere potuerint.

Non sinè fastidio quandòque videre est, nonnullos, etiam Religiosos, antè & post mensam tam languidè, & ut ita dicam, ore quasi semî apertò, solitas orationes depromere. Hi profectò mererentur, ut nonnisi ore mediò cibum degustarent. Dominicus de S. Geminiano, pro mortali peccato censere videtur, si quis antè & post mensam orare neglexerit. Cajetanus, Sylvester, Angelus, Navarrus id veniale esse judicant. Sit tamen res, utcùmque voluerit, tu sequere Salvatorem, qui accepit panem, & Gratias agens, fregit: cœnâque absolutâ Deo Patri suo Hymnum dixit.

Salutaris illa constitutio, ne quisquam presumat, ante statutam horam vel postea quicquam cibi vel potûs percipere (absque necessitate & licentiâ) à multis neglectui ducitur, ac non sinè damno sanitatis tum corporalis, tum spiritualis.

Ultimò demùm adverte, ordinationem illam S. Benedicti (si cui offertur aliquid) cibi vel potûs à Superiore, & accipere renuerit, talem propterea hujusmodi res aliâ vice non debere accipere, immò etiam puniendum esse, &c.) intelligendam esse de tali recusatione, quæ malô animô, cum pertinacia, sinè debita reverentia, aut absque ulla ratione fit: aliud foret, si subditus rem oblatam sibi non modò non necessariam aut utilem, sed & superfluum, ac nocivam esse, deprehenderet, ubi omninò cum reverentia & gratô animô illam recusare potest, ac debet. In talibus siquidem casibus id solum quærunt Superiores, ut paternum suum affectum subdito exhibeant, non autem, ut superflua aliqua aut nociva eisdem procurent.

ANIMADVERSI O

Super Caput 44.

De iis, qui excommunicantur, quomodò satisfaciant?

Videtur hîc locô S. Pater sermonem instituere de terribili illo Anathemate Ecclesiastico. Avertat Benignissimus DEUS ab omni Religioso tam gravem lapsum ac peccatam. Si autem permittente Justissimô DEO hujusmodi quid contingeret, nôssent omninò Superiores, quâ ratione capitulum hoc observan-

servandum esset: quamquàm moderno tempore non adeò congruum foret, ut pœnitentes ad januam Ecclesiæ, vel simili in loco prostrati jacerent, cùm etiam sæculares homines eò conveniant, ac proinde magnum scandalum & diffamatio non tantum pœnitentis, sed & totius congregationis exindè sequi possit.

Peraçtâ autem leviori quâdam pœnitentiâ Religiosus cum consveta benedictione Superioris absolvitur, uti notum ac usitatum est.

A N I M A D V E R S I O

Super Caput 45.

De iis, qui falluntur in Oratorio.

Capite 58. præscribit Sanctus Benedictus, *ut omninò curiosè attendatur ad Novitium, si sollicitus est ad opus DEI*, hoc est, ut non tantum alacriter & cum S. Intentione ad laudes Divinas occurrant, sed etiam antecederet omnia sollicitè exquirant, relegant, ac prævideant. Quod non modò in pueris scholaribus, aut novitiis, sed in omnibus Religiosis admodum laudabile atque conveniens est. Quòd si nihilominus ex infirmitate quandòque hallucinentur aut errent, id longè minùs ipsis imputabitur, oportebit tamen, ut conventi inclinatione se humilient, ac pro commisso errore

rore secundum litteram Regulæ satisfaciant. Aliter de illis sentiendum, qui ex mera incuria & negligentia (ut hic præsupponit S. Pater) in hoc puncto exorbitant, quod profecto peccatum haud leve est, talisque Religiosus notabilem omnino poenitentiam promeretur: pueri autem negligentes ad mentem Regulæ Virgis subjiciantur.

ANIMADVERSI O

Super Caput 46.

De iis, qui in aliis quibuscumque rebus delinquant.

Religiosus culpam suam humiliter agnoscat, animoque prompto confitens, injunctamque sibi poenitentiam ferventer exsolvens, actum exercet humilitatis DEO acceptissimæ, nullumquæ, aut certè exiguum subibit purgatorium. Econtra Religiosus, cui grave accidit humiliari, quique injunctas poenitentias contemnit, aut fortassis se excusare, negare, culpamque aliis inique imputare præsumit, &c. talis in ipso fundamento nutat, ruinamque minatur, & in altero sæculo terribiles poenas dabit.

Ad finem capitis hujus S. Pater de Sacramentali Confessione loquitur, de qua hoc loco nihil memorandum occurrit, cum omnibus

bus Religiosis abundè constet, quantum solatium ac fructum afferat hoc Sacramentum debite susceptum: & quàm econtrà puriculosum sit ac noxium, si dolor supernaturalis cum efficaci propositio deficiat. Si ergò confiteri intendis, aut seriò rem aggredere, aut pœnitùs intermitte.

A N I M A D V E R S I O

Super Caput 47.

De significanda hora operis DEI.

TEmpore S. Patris Benedicti necdum adinventata erant horologia rotis instructa, & ære campanò sonantia; unde non aliter horæ discerni poterant, nisi à cursu solis, lunæ, atque stellarum, cœlò autem nubilò ab horologiis hydraulicis, aut cantu galli. Quapropter magnum onus ac cura Superioribus incubuit, ut omnia horis cōpetentibùs fierèt. Hodierno autem tempore satisfat præcepto Regulæ, si Superiores eò diligenter invigilent, ut horologium accuratè directum sit, & signum ad divinum officium, aliàsque Religiosas functiones debito tempore fiat: præterquàm, quòd in choro ipsimet Superiores signum faciant ad incipiendas horas canonicas, dumque illis finitis à choro discedendum est.

Quod hîc ordinat Sanctus Benedictus,

ut

ut non omnes intonent in choro Psalmos aut Antiphonas, ea est ratio, ut sæpiùs jam in-
finuavimus, quòd videlicet eo tempore vix ul-
lus Sacerdos aut Clericus, sed à potiori non-
nisi conversi seu laici fuerint in Monasteriis,
quorum plurimì talem cantandi peritiam non
habebant, ut exinde ædificatio aliqua audien-
tium sequi potuisset. Nostro autem tempore
nullus è conventu ab hoc munere exceptus
est, cùm omnes oporteat in cantu choralì &
psalmodiâ ita instructos esse, ut magna DEO
gloria exindè resulet. Intonare siquidem
Psalmos aut antiphonas in choro, publicè,
legere, aut singulatim cantare angelicum mu-
nus est, idque vel maximè, si ad mentem.
S. Benedicti peragatur, primò scilicet cum
humilitate, 2. cum attentione, 3. cum tremore,
aut S. timore, 4. cum S. intentione, ad DEI
gloriam, ut audientes ædificentur, & ad lau-
dandum DEUM excitentur. Mens & litte-
ra Regulæ in hoc hoc puncto perspicua est,
nullatenùs igitur oblivioni tradenda.

ANIMADVERSI O

Super Caput 48.

De opere manuum quotidiano.

Religiosus otio deditus in maximo salutis
suz periculo constitutus est, præterea sibi
ipsi totique monasterio onerosus est, indi-
gnus.

gnus, qui panem foundationis ità goatis consummat, & denique inter hypocritas numeratur. Oporteret, Religiosum omnes diei horas ità ordinare, ut, quid in qualibet sibi agendum sit, noverit: ubi verò agendum nil ampliùs restat, rogandus est Superior, ut opus aliquod perficiendum ipsi determinet. In cœnôbiis ritè ordinatis omnes Monachorum gressus non ex proprio arbitrio, sed ex obedientia fieri oportet. Vult hîc Sanctus Benedictus, omne tempus à suis Discipulis in tribus præcipuè occupationibus transigi; primò in oratione & cantu apud Divinum officium, secundò Lëctione librorum spiritualium (ubi & meditatio includitur, velut Ipsemet in præsentî capitulo insinuat, ubi ordinat, ut *Si quis ità negligens aut desidiosus fuerit, ut non velit, aut non possit meditari, aut legere, injungatur ei opus, quod faciat, ut non vacet*) tertio labore manuum. Hôc locò igitur in bonum rudium nonnihil ampliùs declarabimus ordinem diei à S. Patre præscriptum. Ubi tam ad hujus, quàm aliorum capitulorum intelligentiam norandum venit, S. Patrem horas diei ac noctis non juxtà moder-nam Italicam, nec juxtà nostram Germanicam temporis distributionem ordinâsse, sed juxtà illam formam, quâ Salvator noster in Evangelio utitur: prima igitur diei ac noctis hora per Regulam indigitata juxtà nostram temporis ordinationem est hora septima; secunda
hora

hora Regularis est apud nos octava, & sic deinceps, ut in sequenti schemate videre est:

Hora juxta Regulam | Nostra est.

Hora prima	- - -	7ma.
2da.	- - -	8va.
3tia.	- - -	9na.
4ta.	- - -	10ma.
5ta.	- - -	11ma.
6ta.	- - -	12ma.
7ma.	- - -	1ma.
8va.	- - -	2da.
9na.	- - -	3tia.
10ma.	- - -	4ta.
11ma.	- - -	5ta.
12ma.	- - -	6ta.

Hæc qui observaverit, non modò Sacram Regulam, sed & historiam Evangelicam clariùs intelligere poterit, illam præsertim parabolam, quæ est de operariis in vinea: item, quandò dicitur, JESUM ab itinere fatigatum circa horam sextam apud fontem in Samaria consedisse, nec non, quòd circà horam sextam Crucifixus, circà Nonam expiraverit; & quòd Spiritus S. circa horam diei tertiam ad venerit. &c.

Deinceps autem ad clariorem intelligentiam.

tiam, in hac præsertim distributione temporis explicandâ, horarum intervalla ad morem nostrum Germanicum computabo.

S. I.

Regularis distributio temporis in æstate.

A Palchate usque ad initium Novembris Religiosi ad Chorum Nocturnum, seu, ut nunc vocamus, ad Matutinum, circa horam seuundam post mediam noctem surgebant, uti capitulô 8. præscribitur: diebûs autem Dominicis, & in festis duodecim Lectionum maturius surgendum erat, & tunc laudes (quæ in S. Regula matutini vocantur) immediate post nocturnos celebrabant, quemadmodum hodiè etiam tota propemodum Ecclesia observat; reliquis autem diebûs non festivis parvô mediante intervallô inter matutinum & laudes necessariis naturæ vacabant, quô elapsô mox cantabant vel psallebant laudes supra dictas ingruente jam die, sicut & Psalmi hymnique feriales in laudibus ad auroram seu ingruentem diem accomodati sunt.

Quid operis autem reliquo die usque ad Primam Canonicam persolverint, non memorat Regula: dubium tamen non est, ipsos tunc meditationi, orationi, aut lectioni vacasse. Finitâ Primâ operibus manuum incumbabant usque ad horam 10. circiter (tertiam autem canonicam horâ nonâ vel in oratorio, vel

vel in loco, ubi laborabant, juxta præscriptum capituli 50. peragebant) ab hora decima vespere usque ad meridianam circiter duodecimam lectioni spirituali vacabant, eaque absolutâ sextam canonicam celebrabant, hacque finitâ sobriâ prandiô se reficiebant.

Finitôprandiô concessum erat, in lectis modicam quietem capere, tum, quod ætivo tempore minus spatii ad somnum habuerint, tum quod eâ horâ maximi in Italia calores sint: ne ergò hac occasione morbum fortè contraherent, ideò, ut dictum ætivo tempore (non autem per totum annum) hanc ipsis piissimus Pater pomeridianâ quietem indulset, quâ autem sub id tempus lectioni se volebant impendere, licebat ipsis, cum silentio in tantum sibi vacare, ne, quia omnes tunc in una cella, seu conclavi morabantur, aliâ in sua quiere impediri possent.

Dicta quies nonnisi ad mediam circiter horam se extendebat: cum enim primùm hora 12mâ vel postea ad mensam se refecerint, eaque adhuc antè horam primam fuerit finita, hinc mox ad mediam secundam nona canonica celebrari debeat, quâ completâ rursùm laborabant usque ad vespem, postea decantatis vespers (post horam quintam circiter) cœnabant, finitâ cœnâ convenerunt ad lectionem spirituales in capitulo, quam collationem vocabant, capit. 42. ac tum demùm celebra-

lebratō completoriō cum summo silentio cubitum concessēre.

S. 2.

Regularis distributio temporis in hyeme.

AD matutinum in hyeme surgendum erat horā 2. post mediam noctem (cap: 8.) quando incidebat officium duodecim lectionum, laudes sicut in æstate cum nocturnis conjungebantur, in officio verò trium lectionum ingruente primū die laudes celebrari consuevère, & quoniam in hyeme inter matutinum & laudes longè majus temporis spatium, quàm in æstate intercedebat, ideo tunc Monachi orationi, lectioni, meditationi, vel ad discēdæ Psalmodiæ incūbere debebant cap: 8.

Post Primam canonicam itidem lectioni vacabant usque ad horam octavam, quā celebrabatur Tertia ex officio, post quam operi manuum ad horam usque tertiam pomeridianam insudabant, (Sexta autem canonica debito tempore, horā videlicet duodecimā, celebrabatur) & tunc primum dabatur signum ad nonam cap: 48. quā finitā primū frugali mensā reficiebantur. Post mensam vespers decantabant, & parvō temporis spatiō intercedente ad publicam lectionem vespertinam conveniebant (cap: 42.) post hanc sequebatur completorium, &c.

S. 3.

*Ordo diei in nostris Regionibus moder-
no tempore per totum annum
servari consuetus.*

IN Nostris Germaniæ partibus diversæ ordinis
S. Benedicti congregationes ac Monasteria
diversum quóque ordinem diei tenent, de
quo hic disserere supervacaneum est: unice
duntaxat ac breviter hóc locò agam de illa
temporis diurni partione, quam congregatio
nostra Helvetica hodie dùm observat:

Ad matutinum mediâ nocte surgitur,
(exceptò Principali Monasteriò Einsidlensi
ob notam Peregrinationem) matutino imme-
diatè annectuntur laudes: post has concessum
Religiosis est, ut vel orare, vel legere, vel
ad meditationem se præparare possint usque
ad horam secundam: horâ quintâ rursus à so-
mno excitantur, & peractis precibus matuti-
nis, &c. mediâ sextâ in loco destinato conve-
niunt, & per mediam horam meditantur.
Ab hora sextâ usque ad septimâ aut legendum
est, studendum, aut missæ celebrandæ &c.
postea celebratur Prima, quâ finitâ iterum
hora est lectionis spiritualis, studiorum &c.
mediâ nonâ cantatur tertia, quam sequitur
missa conventualis, & post illam sexta; (die-
bus jejunii Ecclesiastici tertia & sexta celebra-

tur horâ octavâ; nona autem cum officio conventuali tertio quadrante ad decimam) quando non est jejunium, post sextam fit examen particulare super aliquam certam virtutem in singulari, ad eam implantandam, vel super aliquod vitium, ad illud extirpandum, &c. de in horâ decimâ itur ad prandium, eoque finitâ ad nonam in choro cantandam. Si dies est jejunii Regularis, celebratur nona mediâ undecimâ, postea fit examen prædictum, & horâ undecimâ cœnatur.

Post comestitionem per horam est conversatio, aut recreatio aliqua: certis etiam diebûs deambulatio est concessa. Postea vel studiis, vel aliis laboribûs occupamur usque ad vespervas, quæ horâ tertiâ cantantur. Post has rursûm sequitur hora lectionis usque ad quintam, & tunc cœna, vel diebûs juniorum collatio sumitur, quod nomen à sæpè dicta lectione publica *collationum Patrum* &c. suam traxit originem, quæ lectio hic locorum vespere ad horam sextam, vel quadrante post instituitur. Finitâ illâ cantatur completorium: sequitur examen generale conscientiæ, in quo Religiosus omnes suas per totum diem præteritum actiones, cogitationes &c. explorat: horâ octavâ omnes ad somnum composci esse debeant.

Hanc temporis distributionem breviter duntaxat, & in compendio, non autem ex toto

to toto hic apponere placuit, cum satis constet
 praxis illius. Aliæ inclycæ congregationes
 ac Monasteria aliter quoque, ut dictum est,
 Regulam explicant in illis, quæ de die ac de
 nocte agenda sunt, omnesque confidunt, se
 voluntati Sanctissimi Patris Benedicti satista-
 cere, quamquam ex gravibus causis de literali
 sensu Regulæ nonnihil recedant; Siquidem S.
 Pater cap. 41. providentiæ Superiorum expres-
 sè relinquit, ut sic omnia temperent atque dispo-
 nant, qualiter & anima salventur, & quod faci-
 unt fratres, absque ulla murmuratione faciant. In
 præsentem autem capite 48. vult, ut omnia men-
 suratè fiant propter pusillanimes. Ubi rursus no-
 tandum, quod, cum moderno tempore ma-
 jor pars Religiosorum ad Sacerdotum assuma-
 tur, idcirco præscripti à Regula labores ma-
 nuum à potiori in studia mutati fuerint; quam-
 quàm & in nostris Monasteriis non modò à
 fratribus conversis, seu laicis, sed & ab aliis
 conventualibus statutis horis diversa opera
 manuum exercentur.

§. 4.

Distributio temporis pro S. Quadragesimâ, simulque

ANIMADVERSI O

Super Caput quadragesimum nonum.

Sanctæ Regule.

Arcum semper summè intensum esse, haud
 expedit, & similiter, in summo gradu ri-
 goris

goris semper persistere non omnibus possibile, sed paucorum est virtus, ut hinc innuit Sanctus Benedictus, nos simul Paternè cohortans, ut saltē istis dieb⁹ quadragesimæ omni possibili puritate vitam nostram custodiamus, eaque mortificatione tempus hoc acceptabile transigamus, quæ veros deceat Religiosos. Sed considerandum paulisper, quomodò prisci ordinis nostri parentes quadragesimam observârint. Et quidem juxta Regulam is erat ordo dierum hæc sacro tempore: primò: à manè usque ad horam nonam lectioni vacabant: dein usque ad plenam horam quartam pomeridianam operari manuum insudabant. (Exceptis horis statutis, quibus officium Canonicum celebrabāt) Post horam quartam decantabant vespers, sicque primùm horā quintā, vel circiter refectionem sumebant, nec antè, nec postea quidquam degustantes (exceptis iterùm senibus, infirmis, & pueris scholaribus ac mensalibus, vñ capitis 36ti) cœnam sequebatur lectio vespertina collationum, postea completorim, & demum nocturna quies.

2. Præscribit & ordinat Sanctus Benedictus, ut *in capite quadragesimæ accipiant omnes singulos codices (spirituales) de Bibliothecâ, quos per ordinem ex integro legant*, quod hodiè adhuc in benè regulatis Monasteriis usuvenit.

De cætero S. Pater in hoc cap: 49. ità penetrantibus verbis adeoque eleganter de quadragesimâ

dragenario jejunio scribit, ut plura addere velle, temerarium esse videretur: essetque negligentia multum culpabilis, ne dicam, inexpicabilis, si filii ipsius hoc capitulum studiosè non legerent, neque pro viribus observarent.

Religiosi juniores; parumque in historia versati hinc in insuper animadvertant, primos Patres Ordinis nostri magno cum rigore quadragesimam traduxisse; quidam enim eorum integris illis quadraginta diebus nullum calidum sumpsere cibum, alii omni Vinò sibi interdixere, quidam secundò primùm, aut tertio die se reficiebant, aliqui non utebantur lectò, sed paucis horis super nudam humum somnum capiebant. Nec deerant, qui ab omni hominum consortio sequestrati eo tempore in desertis habitarent, aut angusti-ori cella se incluserunt. Alii continuò & nunquam interrupto usu cilicii membra domabant, aliisque id genus gravissimis mortificationibus corpus suum discruciabant. Ne autem in hujusmodi austeritatibus aut indiscretio, aut propria voluntas locum habere posset, hinc ordinavit S. Pater, nullus ut Religiosus in similibus extraordinariis se exercere præsumeret, absque præscitu, consensu, ac Benedictione Superioris. Indè ortum suum habent schedæ, ut vocamus, quadragesimales, quæ etiamnum in benè regulatis Monasteris in usu habentur. Sed jam hoc tempore alia

in medium non afferimus, niſi paucas orationuculas & exiguas mortificationes, ubi ſimul ſateri cogimur, nos à rigore primorum Ordinis noſtri Parentum longè admodum deſpectere: bonum tamen eſt, arque ſalubre, quòd hæc noſtra licèt exigua opera extraordinaria Pœnitentiæ tam per decurſum quadrageſimæ, quàm nonnullis etiam anni diebus cum voluntate ac benedictione Superiorum, peragenda ſuſcipiamus: ea ſiquidem, quæ Religioſus ex proprio facit arbitrio, nullatenus in comparationem veniunt cum illis, quæ ex obedientia ſunt.

Diſtributio temporis per quadrageſimam hodiè apud nos eſt ſermè eadem, quæ per annum in diebus jejunii Eccleſiaſtici ſervatur, exceptò, quòd vespere adhuc antè meridiem, immediatè poſt officium conventuale celebretur: cujus hæc poteſt eſſe ratio: antiquitus, immò etiam nùm annò 1160. is erat mos, ut illis diebus, in quibus per anni decurſum nullum incidebat jejunium Eccleſiaſticum, finitâ Miſſâ & ſextâ canonicâ prandium horâ duodecima ſumeretur. Diebus autem jejunii Regularis Miſſa conventualis poſt decantatam, nonam primùm ad horam tertiam pomeridianam celebrabatur, quò demùm finitò coenabant. In quadrageſima Summum Officium uſque poſt horam tertiam vespertinam differebatur; poſtea decantabat vesperas, & circa quin-

quintam cœnæ accumbebant, nec prius, nec postea quidquam degustantes: & idcirco hæc erat mensæ benedictio: *ad sanam vitam aeternam perducas nos Rex aeterna gloria*: ubi præterea benè notandum, non modò Religiosos, sed & Clericos cum Laicis in quadragesima ad vespèram primùm, ut diximus, refecisse, idque adhuc tempore Sancti Bernardi, qui Serm. 5. Quadrag. ita suos alloquitur Religiosos: hactenùs per annum ad horam usque nonam duntaxat (quæ apud nos est tertia Vespertina) jejunavimus: nunc autem (in quadragesima) nobiscum jejunabunt usque ad vespèrum omnes Reges ac Principes, Clerici cum populo, nobiles & ignobiles, omnesque pariter, divites æque ac pauperes, &c. ita loquitur hic Sanctus Pater. Ubi rursus observanda infirmitas (verius dicam: miseria) nostrorum temporum; cò usque enim deventum jam est, ut nequidem Religiosi ad refectionem lumen- dam plenè expectare possint (vel certè non nisi ægerrimè) usque ad meridiem, seu horam 12. & quamquàm diebùs jejunii nunc temporis adeò maturè ad mensam accumbamus, consveta tamen ciborù benedictio hæc est: *ad sanam vitam aeternam &c.* Quod ferè nonnunquam ruborem inducere deberet ingenuo Religioso: verumtamen non multùm hac super re disputandum est, cùm hodiè per totam ferè Ecclesiam hæc consuetudo observetur, quæ

ex eo fortè suam duxit originem, quòd Ecclesia non ampliùs permittat, post meridiem, saltem post horam tertiam vespertinam celebrari missas: cùm itaque hodiè missa conventualis adhuc antè prandium celebrari debeat, antiquo autem more immediatè post illam vespers decantaverint, iisque finitis cœnæ accubuerint, hinc ea consuetudo ad nos usquè dimanavit & officio Conventuali mox anneximus vespers, iisdemque completis cœnam sumimus. Cùm igitur jejunia nostra etiam quadragesimali tempore adedò mitigata sint, admodùm benè & laudabiliter illi faciunt Religiosi, qui in collatione, ut vocamus, vespertinâ strictè procedunt, exiguâque refocillatione contenti sunt, ne jejunium penitus exolevisse videatur.

ANIMADVERSIO

Super Caput 50.

De fratribus, qui longè ab oratorio laborant, aut in via sunt.

PRæter illas rationes, quas hîc locò Sanctus Benedictus insinuat, plures adhuc emergunt, ob quas nonnunquàm unus aut alter ex Religiosis à choro eximitur. Talis autem recitationem Breviarii sui omnibus aliis anteponat negotiis. Præ cunctis enim aliis suum

suum sibi pensum DEUS exhiberi postulat, utpotè qui primò & maximò ad id jure gaudet: ubi hoc ordinat S. Pater, ut talis *cum tremore divino flectat genua, & sacræ servitutis sue pensum extra chorum cum vera devotione DEO reddat.* Ratio tamen aliqua occurrere posset, ob quam Religiosus hujusmodi standò, aut ex notabili omninò causa etiam ambulandò horas suas canonicas cum magna tamen Reverentia erga præsentem Divinam Majestatem exolvere posset. Defatigatis, infirmis, aut Senioribus Religiosis vitio verti nequit, si sedendo brevium recitent. Antiqui Parentes nostri, quando ex necessitate itineris ad horas canonicas genuflectere non poterant, eum defectum postea recitandò Psalmum *Miserere* supplebant.

ANIMADVERSIO

Super Caput **SI.**

De fratribus, qui non satis longè proficiscuntur.

MAGnum piaculum reputat Sanctus Benedictus, & inter notabiliora delicta reputat, si quisquam è suis Religiosis negotii ve deambulationis gratia extra Monasterium constitutus, ibidem absque necessitate aut licentiâ cibum potumve accipiat: idque etiam DEO magnoperè displicet, in tantum, ut etiam

tiam Sancti Patri occulta hujusmodi discipulorum suorum delicta nonnunquam revelaverit, ut Sanctus Gregorius Papa lib. 2. Dialog. in Eius vita commemorat. Quod tamen Religiosi quidam parvi pendunt. Et quamvis domi in Monasterio sufficienti ac delicatô cibô & potu nutriantur, exiguum tamen illud, quod in locis extra Monasterium percipiunt, multò suavius ipsis videtur, conformiter ad illud Proverb: 9. *Aque furtiva dulciores sunt, & panis absconditus suavior.* Stulta sanè ac pernicioiosa apprehensio! & certè hoc sapientis dictum sæpenumerò verificatur inter Religiosos. Existimamus quandoque, nos gratificari hominibus, si ad compotandum &c. ipsos conveniamus; *Et incipimus magis displicere ex morum improbitate in nobis consideratâ.* Imit. Christi lib. 1. cap. 8. cujus rei multa testimonia mihi suppeterent. Denique communi proverbio ad stipulandum est, quòd nullibi major in oratione devotio, nullibi dulcior in cibo ac potu sapor, nullibi securior in somno quies, ac domi, reperiri possit, cùm ibi divina sit Benedictio, & conscientia tranquilla; ergò faciamus similiter. &c.

A N I M A D V E R S I O

Super Caput 52.

De Oratorio Monasterii.

Capitulum hoc quoad litteram clarum est, salutaria omninò monita continens: nec
alia

alia animadversione opus est, quàm, ut seriò illud observare conemur.

ANIMADVERSIO

Super Caput 53.

De Hospitibus suscipiendis.

IN hoc capitulo quædam puncta necessariò advertenda, ac declaranda sunt: F. primò quidem notandam, s. Patrem expressè hóc locò cavere, ne conventus Religiosus quolibet incertis temporibùs advenientes hospites inquietetur (secùs enim nec Divina officia quietè ac commodè celebrari, neque ullus ordo aut distributio temporis constanter servari posset) cùm igitur, ut hic loquitur S. Pater, ipsaque docet experientia, *hospites nunquàm desint monasterio*, clarum est, non velle S. Patrem, ut cæremoniæ hic præscriptæ cuilibet hospiti exhibeantur. Secundò inter ipsos hospites discernendum est: quidam enim majores sunt dignitatis, ut Cardinales, Nuntii Apostolici, Episcopi, Visitatores, Principes, Comites, &c. quidam minoris sunt dignitatis, & in medio statu constituti. Tertiæ demùm classis sunt peregrini & pauperes. In his omnibus Christus considerandus & suscipiendus est, non tamen æqualis honor omnibus tribuendus. Cardinales, Nuntii Apostolici, Episcopi, ab Abbate totòque Conventu profunda inclinatione, osculò manuum, aliisque

isque præscriptis cæremoniis excipiendi, postea honorificè ad Ecclesiam deducendi, ac de reliquo omni possibili humanitate tractandi sunt. Lotionem pedum (tempore Sancti Benedicti pro majori hospitem commodo apud Religiosos usitatam) procul dubiò nec isti, nec alii hospites admitterent. Personis mediis statùs tantus honor non impenditur, ut jam dictum: sed tamen ab officialibus ad id munus constitutis cum honore ac charitate excipiuntur, eisque pro ratione statùs inservitur. Osculum pacis, cujus usus olim tam Sanctus in primitiva Ecclesia, totaliter jam sublatum est, neque moderno tempore citrà malam interpretationem ac scandalum adhiberi posset. Neque cuilibet hospiti gratum foret aut commodum, si mox in primo adventu ad orationem in Ecclesiam deducerentur: quare ex gravibus causis hoc intermittitur. Lectio Sacra Scripturæ coràm hospitibus à principio mensæ variis adhuc in locis laudabiliter viget, & oprandum omninò, ut in omnibus nostris Monasteriis hæc consuetudo denuò vigere inciperet. Peregrini ac pauperes, in quibus eò certius Christus suscipitur, cum sint ex fratribus ejus minimis, internò tamen eorum constitutione DEO relictà) à janitore cum omni charitate ac patientia audiendi sunt: postea verò ipsorum petitio ac necessitas cum omni promptitudine voluntatis ad officiales deferenda,

renda, ipsique pro viribus adjuvandi sunt. Et tali demùm modò voluntatem S. Benedicti adimpletum iri speramus. Præterea ad mentem Regulæ faciunt illi, qui prætereuntes coram se hospites salutant, eisque inclinatione capitis debitam exhibent reverentiam, prout ad finem hujus capitis præscribitur. Magna quies est Monasterio, quamdiu desunt hospites: at verò illis cum charitate, patientia, atque obediendi studiò inservire, res cœlò digna est, secundùm æternæ veritatis eloquium.

ANIMADVERSIO

Super Caput 54.

Quòd non debeat Monachus litteras vel eulogia accipere sinè jussu Abbatis.

ARgumentum hujus capitis supra declaravimus, ubi de voto paupertatis. Hic solum advertè, nomine hujus vocabuli: *eulogia*, quò utitur S. Pater, non tantùm intelligi panem benedictum, (qualem olim fideles in signum Christianæ unitatis, aut fraterni amoris sibi invicem mittere consueverant) sed etiam alia munuscula, aut salutationes certis donis expressas. Talia quidem & his similia cum facultate Superiorum mitti & acceptari possunt; attamen, si amor aut familiaritas his rebus in tantum affixa esset, ut iis cessantibus

hīs refrigeraret affectus, & amicitia penitus
suttolleretur, tales homines demeriores pu-
eris essent, majorque periculo obnoxii: nec
veram charitatem habentes, nec Religioso
nomine digni. Sed piet, his ineptiis diuti-
us immorari.

ANIMADVERSIO

Super Caput SS.

De Vestimentis & calceamentis

Fratrum.

CUM Sanctus Benedictus omnem modum
disponendi de vestibus necessariis iudicio
ac voluntati Superiorum expressis verbis re-
linquat, opus non est, ut Persona Religiosa
multum disputare velit, quidnam sint, aut
significant *pedules, caliga, brabile, &c.* quæ in
hoc capitulo nominantur, sed tunc illis omnibus
uti poterit, quæ superiores pro necessariis uti-
bus concesserint. Et cum in frigidis regionibus
degamus, hinc pro tunicis villotis in Regula
præscriptis pelliceæ vestes nobis conceduntur.
Vult hoc loco Sanctus Pater, materiam ve-
stium non debere esse pretiosam, aut ex seri-
co, &c. sed talem, quæ in quibuscumque locis mi-
nimò pretio comparari queat. De quo terri-
bilem historiam iuvat adducere, ex qua digno-
sci poterit, quanta transgressores Regulæ hu-
jus poena maneat.

Præ-

Prælatus quidam in Saxonia, non contentus iis pannis pro vestitu suo, qui in illa Regione inveniri poterant, quotannis sibi ex Flandria rarioris ac pretiosioris materiae pannos afferri curabat. Eò demùm mortuò, Religiosi vestes ab eo relictas inter se partiuntur, Prior autem Monasterii tunicam unam sibi reservavit, quam cum in festo aliquo sollemniori induisset, mox horrendum cœpit vociferari ac ejulare, quasi candentibûs ex ære laminis ureretur. Mox verò ut vestem detestabilem procul abiecit, hæc ad instar ferri candentis ignitas scintillas evomit. Quod cum cæteri contuerentur, pavore magno exterriti, sinè mora, quidquid de abominandis illis vestibus sibi vendicârant, in unum cumulum projecerunt, unde etiam, tanquam ex fornace succensa innumerabiles scintillæ profilierunt, idque tamdiu, quousque vicini Prælati convenientes, terribile hoc DEI iudicium fuisset oculis conspexissent. Ex lib. de Viris Illust. Ord. Cisterc. Si vestes istæ usque adeò conflagraverunt, quantis in ardoribus misera contabescet anima! avertat à nobis DEUS, ne molles hujusmodi vestes appetamus, multò minùs procuremus.

Simili modò & calcei Religiosorum simplici opere, absque omni sæculari fastu confectioni sint, oportet, non altis soleis, non sericis ligaturis, aut hujusmodi vanitatibûs in-

structi. Colorem quod attinet, fieri equidem potest, quòd tempore Sancti Benedicti in ipsis etiam externis vestibus diversi colores admissi fuerint, aut tolerati, nunc autem jam ab aliquot sæculis Ecclesia DEI, & sacer Ordo constituit, ut nos Benedictini universim non alio habitu, quàm nigrò uteremur, propter quod etiam in Jure Canonico Monachi nigri compellamur. Vestes autem interiores diversi coloris esse possunt, de quibus, uti nec de asperitate vestium, Monachi nullatenus causari debent. Docet præterea S. Regula, & votum paupertatis exigit, ne Religiosus vestes suas antiquas aut detritas ex proprio arbitrio pauperibus dare possit; quod jam concernit lotionem vestium, sciendum, Monachos nostros antiquos eatenus in vestibus dormivisse quatenus de nocte mox surgentes sine aliis vestibus ad matutinum occurrere potuerint. Illucescente autem die majori ex parte honestioribus vestimentis induebantur; unde etiam à S. Patre permixtae ipsis erant *duæ tunicæ, & duæ cucullæ, propter noctes, & propter lavare ipsas res &c.* quando præscribit Regula, ut omnia necessaria Religiosis ab Abbate subministrantur, id intelligendum non est, quasi hæc immediatè ab ipsius Abbatis manibus recipienda essent, sed sufficit, si fiat ab officialibus ad hoc constitutis. Tandem, quòd S. Benedictus tam seriò præcipiat Abbati, ut

ti, ut lectos Religiosorum sapiùs perscrutetur, hæc ratio est: quia videlicet eo tempore Monachi non in separatis cellis, sed in communi loco tam de die, quàm de nocte morabantur: & hinc, si quis furtivè aliquid retinere voluisset, haud ullibi commodiùs, quàm in lectulo suo abscondere poterat. Hinc frequens sollicitudo Superioribus incumbibat, ut suorum lectos iteratis vicibùs excuterent, ne fortè ullus quidquàm absque licentia ibidem reservaret, aut absconderet. Moderno tempore expediret, cellas nonnunquàm visitari à Superioribus, ad explorandum, si fortè res aliquæ prohibitæ, superfluç, aut furtivæ ibi contineantur.

Quemadmodum igitur omnia necessaria in vestibis, lectorum stramentis (quæ etiam in frigidis nostris Regionibus paulò plura, quàm in Regula assignantur, esse debent) aliæque suppellectili conceduntur, ita omnis superfluitas paupertatis voto adversatur. Tu paucis, iisquæ necessariis duntaxat, contentus esto, ut pauperem Christi decet. Nec in omni re abundare velis, quod proprium est divitibus sæculi.

ANIMADVERSIO

Super Caput 56.

De Mensa Abbatis.

DUbitant nonnulli, an Sanctus Benedictus in communi refectorio cum fratribus,

vel in Abbazia sua mensam privatam habuerit? sed parùm profectò rei hujus interest, si modò capitulum istud ad litteram benè observetur. Notandum tamen, mensam Abbatiss ipsius esse mensam, omnemque hospitalitatem, quæ ibi exhibetur, ad ipsum referri debere, quamquàm in propria persona non, semper præsens sit Abbazia, sed alibi, quàm in Refectorio, mensam habeat.

A N I M A D V E R S I O

Super Caput 57.

De Artificibus Monasterii.

TExtus, & mens SS. Patris in hoc capitulo satis clara sunt & salubria, fiat itaque, ut per omnes artes, operas, scientias, emptiones, & venditiones Religiosorum nostrorum DEUS glorificetur, & proximus ædificetur.

A N I M A D V E R S I O

Super Caput 58.

De Disciplina suscipiendorum fratrum.

Cum à susceptione Novitiorum, præsertim ad professionem, salus & incrementum spirituale Monasterii, immò totius Ordinis dependeat, hinc adeò luculenter hæc de re tractat hòc locò Sanctus Benedictus. Et primò

modò quidem vult, ne mox præbeatur assensus illis, qui suscipi rogant in Monasterio. Si persona aliqua ob spem divitiarum, vel ob talenta naturalia ad Monasterium allicitur, rarò felicem exitum sortitur: quod tristibùs exemplis confirmari possit. Secundò vult Sanctus Pater, magnoperè attendendum esse, quâ intentione talis suscipi petat, nam scilicèt verè DEUM quærat. Experiendas insuper esse inclinationes ipsius, ac spiritum, & invigilandum, an promptè accuratè ac sollicitè ad Divinum officium occurrat, illudque peragat: an velox ad obediendum, an patiens sit? hæc si reperiantur in supplicante, absque periculo suscipi potest, etsi cæteroquin adhuc incultus sit, & ut ita loquar dolabra indigeat. Imprudentia foret haud exigua, si neminem velle-
mus suscipere, nisi jam perfectum. Si pluri-
mi ex veteranis adhuc perfecti non sunt, qua-
ratione id in novitio desiderari poterit? Si
modò sit bonæ voluntatis, & spes affulgeat,
cum aliquandò in bonum Religiosum evade-
re posse, ad ulteriorem probationem tutò ad-
mitti poterit. 3. Regula quidem constituit,
ut Novitiî una cum Magistro suo in cella, seu
cubiculò separatò degant, ibidémque legant,
meditentur, comedant, dormiant, &c. mo-
derno autem tempore, & his in locis non
tantùm cum cæteris in Chorum ad Divinum
officium, & ad Refectorium, sed etiam ad o-

omnes alias communes ordinis functiones admittuntur, ut sic maturè discant portare onera communia, & faciliùs ab aliis observari possint. Neque existimandum, nos hoc in puncto contraire voluntati Sancti Benedicti. 4. Tempore Sancti Patris Novitii vestes suas sæculares ad diem professionis usque retinebant, (prout patet ex hoc capitulo) hodiè autem ex constitutione ordinis, immò etiam Ecclesiæ, habitu sibi conveniente induuntur, cum æque, ac ceteri, privilegiorum Canonis & fori participes sint. 5. Cum tēpore S. Benedicti nondum inventa fuerit ars Typographica, videtur, quòd à principio Ordinis non cuilibet novitio traditus fuerit libellus aliquis Sanctam Regulam continens, unde etiam à S. Patre præscriptum fuit, ut per annum probationis tribùs vicibùs integra ipsis Regula cum suis septuaginta tribus capitibus prælegeretur, ut scirent, ad quem finem in Monasterium venissent. Hodie autem, ubi cuilibet Novitio libellus aliquis Regulæ traditur, faciliè ipsimet ex lectione illius intelligere possunt, quales obligationes in se contineat. Quapropter prælectio illa Regulæ ternis vicibus repetenda haud quaquàm ampliùs necessaria est: non tamen intermittitur in nostris locis hæc observatio, ut tyronibus durante Novitiatu sacra Regula ad tres vices successivè tamen, prælegatur & explicetur, quâ ratione

gione procul dubiô satisfat voluntati Sancti Patris, Benedicti. 6. Cur Sanctus Pater hâc locô in formula professionis nullam paupertatis ac castitatis mentionem faciat, initiô diximus super Caput primum. 7. Nec sacer Ordo, nec Ecclesia permittunt ampliùs, ut vestimenta sæcularia Religiosorum eum in finem asserventur, ut si successu temporis perversos mores induerent, iisdem vestibûs reinduti è Monasterio pellantur. Sed locò hujus tales inquieti ac perversi Monachi carceribus includuntur, ne quemquam vel intrâ, vel extrâ Monasterium scandalizare aut inquietare possint.

Id denique bonus DEUS efficiat, ut omnes, quotquot ab Ipso in Ordinem nostrum præordinati sunt, tales inveniant Patres spirituales, qui apti sint ad luerandas ipsorum animas. Res ardua est atque difficilis, susceptio tyronum in Ordinem, æquè enim felicem, ac infelicem exitum sortiri potest. Ejusdem difficultatis atque periculi est, aliquem quacunquè ex causa repellere. Si unquàm aliàs, certè hac in re summopere necessaria est gratia Divina.

A N I M A D V E R S I O

Super Caput . . . 59.

De filiis nobilium, vel pauperum, qui offeruntur.

IAm ante tempora Sancti Benedicti permissum erat, ut Parentes filios suos adhuc tenellos, septimô videlicet, aut octavô ætatis annô

Monasteriis offerre possent, non tantum ad scholas, pro addiscendis artibus, sed etiam ad suscipiendum mox Ordinem, ita, ut tales pueri vel puellæ non amplius deinceps ad sacculum regredi potuerint. Deque similibus multa leguntur exempla. His autem nostris temporibus constituit Ecclesia, ne ullus unquam ad Novitiatum, admittatur: nisi completò ætatis annò decimò quintò, neque ad professionem, nisi completò annò decimò sextò. Hinc nullus amplius locus est cæremoniis in hoc Capite præscriptis. Quod concernit bona temporalia, standum est voto paupertatis, vñ cujus cuilibet Religiosorum omni proprietaria etiam unius obuli possessione, & inordinatò ad quamcunq; rem affectu interdum est.

ANIMADVERSIO

Super Caput 60.

*De Sacerdotibus, qui voluerint in
Monasterio habitare.*

PAtet ex hoc Capite, in principio Ordinis nostri complura Monasteria vix unum habuisse Sacerdotem, sed solos inibi Conversos habitasse: concedit siquidem Sanctus Pater, ut, si quis de Sacerdotibus Ordinem ingrediatur, primò post Abbatē locò honoris gratia collocari possit, quod certè incòveniens fuisse,

sec.

set, si jam antea plures è Religiosis Sacerdotes inibi extitissent, & tamen adveniēti de novo Sacerdoti locum honoratoriē cedere debuissent. Videtur etiam colligi, primis temporibûs Ordinis non quovis die, sed Dominicis duntaxat atque festivis Missas fuisse celebratas. Sic enim elucescit ex Capite 35. ubi præcipitur hebdomadariis culinæ, ut concessum jentaculum differant, donec Missa finiat. Et Capite 48. de opere manuum, & distributione temporis nulla fit mentio missæ quotidianæ, &c. De reliquo, quamvis concessum fuerit Sacerdoti hujusmodi, post Abbatem stare, certis tamen casibûs locum possessionis suæ tenere debebat. Alias textus hujus Capituli sat clarus est.

ANIMADVERSIO

Super Caput 61.

De Monachis peregrinis, qualiter suscipiantur.

OLim non omnes Monachi, ad eò strictè ad locum professionis suæ alligati erant, quò minus ipsis aliò transire licuerit. Hinc non rarò factum, ut quidam ipsorum majoris perfectionis adipiscendæ studiò ad alia severioris disciplinæ Monasteria commigrarent, quamquam non fuerint, qui quadam vertigine Spiritûs acti (ut Gyrovagi) ab uno Monasterio

rio in aliud liberè digrediebantur. Omnibus his saluberrimè hōc locō providit Sanctus Benedictus; hodie vix alios peregrinos Religiosos reperire est, præter illos, qui fortè bellorum incurribūs, incendiis, aliisvè necessitatibūs è suis Monasteriis fugere coacti alibi asylum quærunt, vel denique aliàs in itinere constituti sunt. His meritò omne auxilium, ac charitas præstanda est, eâ tamen discretionē, quàm Sanctus Pater hic innuit, ac præscribit.

ANIMADVERSIO

Super Caput 62.

De Sacerdotibus Monasterii.

CUM à principio Ordinis nostri, ut sæpè jam insinuavimus in unoquoque Monasterio vix unus fuerit Sacerdos, hinc magno subjacebant tales periculo, ne ob ipsam statūs sui eminentiam super alios se extollerent. Unde hōc locō Sanctus Pater tam seriò ipsos adhortatur, & humilitatem inculcat; in qua ut persisterent, ordinavit, ut in loco Professionis suæ etiam inter conversos seu Laicos tamdiu permanerent, quoadusq̃ ab Abbate ad altiorem locum eveherentur. Cùm autem moderno tempore Religiosi si non omnes, saltem plerique ad Sacerdotium assumantur, minorem

norem utique causam ob hanc dignitatem superbiendi habent.

De cætero, cùm juxta Sanctum Joannem Chrysostomum, quo major Sacerdotum dignitas, eò majus sit etiam periculum, hinc optimum omninò Consilium Religiosus ille sequitur, qui totum DEO ac Superioribus committit, an, & quodocunque ad Ordines ipsum mittere voluerint. Qui verò hac in re nimidum præservidus ultro se insinuat, aut omninò forsitan importunis instantiis quasi extorquet, ut à Superioribus ad Ordines dimittatur, talis suo tempore angores conscientiae in se experietur. L. 1. Codicis, tit. 3. L. si quemquam. Notabilis hæc reperitur sententia: nullus profectò dignus est Sacerdotiò, quàm qui ad illud suscipiendū cogi debet S. Hieronymus suum ad Heliodorum scribit: Si Confratres tui ob pietatem & benignitatem suam te Sacerdotiò initiari volunt, congratulabor equidem honori tuo, sed tuam pariter timebo ruinam. Omnia hæc satis appositè ad rem præsentem dicta sunt. Cætera huc pertinentia pro Sacerdotibus nostris, in hoc Capitulo reperire dabitur.

A N I M A D V E R S I O

Super Caput 63.

De Ordine Congregationis.

Capitulum hoc nostris in locis satis exactè servatur, nisi quòd Clerici Laicos sem-

per antecedant. Suus etiam cuilibet Professo locus deputatus est, non computando à die vel horâ primi ingressûs in Monasterium, sed à die Professionis; tunc enim, & non antea inter membra Congregationis numerandus est, juxta Caput 58.

Non permittit Sanctus Pater Benedictus, ut Religiosi ipsius alterutrû se puro nomine compellent; & quid de illis sensurum puramus, qui incuriosis ac fœdis cognominibus se mutuo de honestate non dubitant?

Petitio Benedictionis, facienda, dum junior antè seniore transiit, potius in humili reverentia per inclinationem exhibenda, quàm in verbis consistit. Tandem pueri scholares aut mensales à quolibet corrigi & admoneri possunt; sed punire ipsos, nemini, præterquam eorum Magistris convenit.

ANIMADVERSIO

Super Caput 64.

De Ordinando (seu eligendo) Abbate.

DUbiô procul quidam hœc locô scire expetrent, utrûm Electio Abbatis per quâlibet, etiam minimâ cōventûs Partē facta pro ratâ ac validâ haberi possit? sed cùm hanc materiã pro simpliciorû duntaxat bono tractare intenderî, hinc supersedeo tam huic, quàm alijs modis ac for-
mis

mis eligendi Prælatum; id tamen juniores Religiosos velim admonitos, magnum ipsos animarum periculum subire posse, si in simili Electione non digniores, sed personam aliquam magis charam: sed minus dignam, minusque aptam (contrà Sanctum Juramentum) eligerent. Nolo ego ad has nobilissimas atque Sanctissimas doctrinas, quas hoc in Capitulo S. Benedictus cuius Abbati observandas proponit, quidquam de meo addere, sed magnam cum reverentia illas ut donum spiritus Sancti exosculor, Deumque animitus precor, suam ut gratiam omnibus nostri Ordinis Præpositis impertiri dignetur, quatenus hæc saluberrima documenta attente simul & reverenter legere, suumque Regimen illorum normam conformare queant: quò factò tam ipsorum, quàm subditorum animæ, immò totius S. Ordinis Flos ac Salus in tuto collocabuntur.

ANIMADVERSIO

Super Caput 65.

De Præposito Monasterii.

Cum hic locorum in Nostri Monasteriis non amplius eligi soleant tales Præpositi, quales in hoc Capitulo memorantur, hinc non jam metuenda illa damna ac incommoda, quæ olim fortassis indè sequebâtur. Fieri tamen

po-

potest, ut *invidia, rixa, detractiones, amulationes, diffensiones ac exordinationes*, quæ hic memorantur, ex aliis fontibus, instigante dæmone oriuntur. Tale autem Monasterium, in quo hæc dominantur, non jam Monasterium, sed infernus est, & ex mente Sancti Benedicti, animæ Religiosorum his malis infectæ *cum in perditionem æternam*. Ubi charitas & concordia, ibi DEUS, ibi larga Benedictio Divina; ubi autem invidia, odium, ac discordia, ibi plenum dæmon exercet dominium. Vera charitas ac concordia non nisi per patientiam Christianam conservari possunt. Tu cave, ne talibus animorum dissensionibus unquam te immisceas; & si jam es implicatus, rumpe laqueos, teque extricare ne differas; secus decipieris, quamquam te rectè sentire existimes. Sed jam abudè satis dictum de amaritudinibus hisce amarissimis.

Nominè Præpositorum adhuc quidem insigniti sunt Religiosi nonnulli extrà Monasteria in quibusdam dominiis, seu, ut vocant, Præposituris constituti. Sed circà hos non est tale periculū, cum ab Abbate promoti, denuò ad nutum in Monasterium revocari queant. Verba S. Patris sunt hæc: *ideoque nos prævidemus expedire, propter pacis charitatissq; custodiam, in Abbatis pendere arbitrio ordinationem Monasterij sui.*

ANIMADVERGIO

Super Caput 66.

De Ostiario Monasterii.

OMnia propemodùm canobia duplicem habent portam: unam exteriorem, alteram interiorem, versùs conventum, à qua incipit clausura. Exteriori portæ nostris in locis non præponitur Religiosus, sed sæcularis, discretus tamen, prudens, promptus, ac sollicitus. Quod, ut speramus, omninò non est contra mentem Sancti Benedicti. Siquidem circa portam exteriorem tales nonnunquàm occupationes, in stabulis, & alibi occurrunt, quæ Religiosum prorsùs dedecèrent. Præterquàm, quòd ex utroque sexu incauti homines non raro ad portam Monasterii satùs importunè accurrant, ut adeò Religiosi in conscientia, vel bonà famà periclitari possent. Circa portam interiorem, seu clausuram Regula ad litteram accuratè servari potest. Pretiosum illud: *DEO gratias*, (quod Beatissima VIRGO Deipara jugiter in corde & ore ferebat, ut de illa testantur Sanctus Bonaventura, & Antonius) non tantùm ex cella ostiarii, sed etiam ex cellis Religiosorum auditur, dum aliquis ostium pulsat. Vel etiam ad mentem Regulæ: (*DEO gratias respondeat, aut benedicat*) ab intròeunte personà, si specialibùs instructa sit qualitatibùs,

bûs, benedictio postulari poterit. Si autem is, qui ingreditur, inferioris conditionis sit, ipsimet benedictio impertiri poterit.

Cùm S. Benedictus mentionem hîc faciat de structura Monasteriî, constituens, ut, si fieri possit, Monasterium ita construatur, ut omnia necessaria, horti, fontes, artes diversæ, &c. intrâ Monasterium sint & exerceantur; præterire non possum, Majores nostros commodè quidem, id est, cum necessariis supradictis, extruxisse sua Monasteria, rudi tamen ac simplici opere, sine splendore aliquo externo. Ecclesiæ erant tenebosæ, atria humilia ac depressa, cellæ angustæ: verbô, omnia Sanctam paupertatem ac simplicitatem loquebantur. Hodie non æstimantur nisi structuræ sublimes, amplæ, perlucidæ, splendidæ, amænæ, pretiosæ, ac commodæ: an autem hac ratione perfectiùs DEO serviamus, ac placeamus, ignoro. Existimarem sanè, operæ pretium facturum illum, qui in uno Catalogo eos omnes Religiosos consignaret, qui ex hujusmodi splendidis ac sumptuosis ædificiis in Sanctorum numerum fortè pervenerunt: timerem autem, ne vel paucos, vel plenè nullos esset reperire. Ubi è contrâ multæ centuriæ, imò multa millia eorum recenseri possunt, qui ex paupere, angustâ, ac humili cellâ, imò ex cavernis, & abjectis angulis in cœlum, & insuper in Sanctorum numerum canonici

monicè relati sunt. Non est necessum, procul digredi in Bethlèem ad vile stabulum, non in Nazareth ad parvum illud tugurium, non in Ægyptum ad speluncas solitudinum, nec etiam in sublacum, ad angustissimam specum Sancti Patris nostri; sed tantùm modò in viciniam convertamus oculos, & dispiciamus, qualia Palatia incoluerint Sancti Patres nostri antiqui, qui Ordinem nostrum in has Provincias, in hæc loca invexerunt, atque plantarunt. De S. Gallo cantatur:

*Et Cella Galli parvula
Vicina cœlo jungitur.*

De Sancto Martyre Meinrado, & his; qui proximè post illum vivere, pariter constat, quàm exiguas cellulas inhabitaverint. Simile quid legitur etiam depotissimis Monasteriorum nostrorum Fundatoribus, qui ex Eremiticis, exiguisque tuguriis, Divinæ benedictionis auxiliò tam arduum opus aggressi feliciter consummârunt. Et altero sexu Sanctæ Virgines ac Viragines nostri Ordinis penè omnes ex angustis suis cellulis, (uti S. Wiborada, Ita &c.) ad tantam Sanctitatem pervenerunt:

Non tamen hæc scribens improbare intendo, si ad honorem DEI speciosæ, amplæque construântur Ecclesiæ, splendida ac sumptuosa Monasteria, commodiores ad refrigerationem

cellarum ædificentur, &c. Sed hoc duntaxat intendendo, ne juniores Religiosi humiles ac simplices cellas facile contempnant, neque inordinatè affectent, aut nimium æstiment structuras pretiosas, multò minùs alia Monasteria non adeò splendida despiciant.

Huc pertinet historia aliqua, quam in libro illo celebri *de Viris Illust. Ord. Cisterc.* hòc ferè modò descriptam invenies: Cùm Reverendissimus Dominus Abbas Cisterciensis, qui Generalis, & quodammodò Archimandrita est totius hujus celeberrimi Ordinis sub Regula Sancti Benedicti militantis, die quodam Sanctam aliquam Virginem magnæ abstinentiæ ac corporis rigoribus assuetam in visisset, cùm eâque de rebus spiritualibus sermones varios miscuisset, ultimò demùm multis precibus apud eam institit, quatenùs à DEO impetrare vellet, ut sibi revelaret, qualesnam defectus in Ordinem Cisterciensem ex negligentia vel incuria forsitan subintraverint, magisque perfectioni statùs Religiosi obessent. Petiit S. Virgo inducias, factâque oratione hoc Abbati responsum dedit: Domine, hoc vobis notum sit, tria esse, quæ oculis Supremæ Majestatis in Ordine vestro singulariter displicent, videlicèt copia bonorum temporalium, superfluus splendor ædificiorum, & lascivia vocum in Laude Divina. Hucusque revelatio ista. DEUS omnia nobis necessaria
beni:

benignus impertiatur, & quidquid Divinos
iplius oculos offendere posset, avertat.

Verbis illis, quæ Sanctus Pater hîc aded
notanter, ponit, quòd scilicet vagari extra
Monasterium omninò non expediat animabus
Religiosorum, quidam non priùs habere fidem
volunt, quàm eorum veritatem damno suò
experiantur. Sæpenumerò enim contingit,
quòd Religiosus importunitate sua vel astutiâ
Superioribus extorqueat, ut amicos suos vi-
sitare permittatur. Quod ubi factum, & de-
nuò in Monasterium revertitur, læsam & in-
quietam secum fert conscientiam, ob ea, quæ
vidit, audivit, fecit &c. unde longo tempore
distractus ac desolatus manet, multùmque opus
est, ut quietem pristinam iteratò recuperet.
Tunc primùm talis repetitis singultibùs inge-
minat: ô! si nunquàm è Monasterio digressus
fuissem! magnòque suò detrimentò veri-
tatem horum verborum S. Patris experitur.

Tandem præscribit hîc locò Sanctus Be-
nedictus, Regulam sæpiùs in congregatione
legendam esse, *ne quis fratrum de ignorantia se
excuset.* Quare conformiter ad mentem San-
cti Patris, in his locis nostris quotidie bis
legitur aliquid publicè ex Regula, omninò
autem congruit, ut Religiosus privatus his
non contentus, insuper in cella sua quotidie
ad unam vel alteram vicem legat aliquid ex
Regula; siquidem Spiritus S. Patris haud a-

libi majori plenitudine hauriri poterit, quam ex attenta lectione S. Regulæ ipsius. Cùmque aliquot capitula inibi contineantur, quæ privatos Religiosos aut parùm aut nihil concernunt, selectus fieri poterit in lectione, & quandoq; talia capitula præteriri. Ubi tamen conveniens est, ut Religiosus suis temporibus integram Regulam de verbo ad verbum perfecte revolvat.

A N I M A D V E R S I O

Super Caput 67.

De Fratribus in via directis.

SANCTUS Pater noster hujus semper mentis fuit, Religiosum etiam obedientiæ causâ extra Monasterium degentem, in magno semper periculo versari. Indè est, quòd præceperit. 1. Ut itinerantes orationibus Abbatis atque conventûs se commendent. 2. Ut ad finem Divinæ Psalmodiæ illorum semper commemoratio fiat. 3. Ut in die reversionis suæ ad omnes horas Canonicas in Choro prostratus humi, à Confratribus pro se orari postulet, ut si fortè vel auditu, vel linguâ, vel quocunquẽmodò in itinere deliquerit, veniam à DEO impetrare mereatur. In hoc puncto multùm à Spiritu Sancti Patris Benedicti deficiamus: plerique enim cum gaudio itineri se committunt, & absque præmissa devota recom-

recommendatione Monasterio digrediuntur, de nullo sibi timentes periculo (cùm tamen haud incognitum nobis sit, piscem extrà aquam non diu vivere posse) videmus præterea, & audimus sinè ullo discrimine, quæ nobis occurrunt, neque desuper multùm angimur; tandem ubi domum repetimus, ea nobis cura in postremis est, quæ meritò deberet esse prima, ut scilicet DEO nos reconciliemus, &c. majori profectò solertiâ nobis ipsis invigilandum esset.

Cæterùm in his locis nostris tali ratione Capitulum istud observatur: 1. Nulli Religiosorum sinè benedictione Superioris è Monasterio digredi licet. 2. Ad finem Divini Officii semper subnectitur illud: cum fratribus nostris *absentibus*: quamquàm non semper attentè. 3. Domum rediens mox iterùm genuflexus benedictionem à Superiore percipit. Hodie commodum haud ampliùs foret, ut revertentes ex itinere in choro se prosternerent, cùm sæpenuerò præsentès adsint Sæculares. Quando Religiosus negotiorum causâ, & procul dimittitur, ferventiùs commendandus est, pluribùs indiget precibùs, majorique cautelâ.

De reliquo vix credo, ullum punctum S. Regulæ faciliùs observari posse, ac debere, quod tamen minori præiò habeatur, quàm dum vult Sanctus Benedictus, ut *non presumat quisquam aliis referre, quæcunque foris Monasterium*

Animadversiones super Regulam
 viderit, vel audierit, quia plurima destructio est.
 Vult insuper, ut transgressor præcepti hujus
 disciplinæ regulari subjaceat. Hæc tam severâ
 inhibitione non obstante, vix dum aliquis do-
 mum rediit, nullô habitô respectu narrare
 incipit, quæcunque contigisse novit, quæcun-
 que vidit, vel audivit. Hic nullus verborum
 finis de cibis illis atque conviviiis delica-
 tis, quàm pretiosa illis in locis vina reperire
 sit, & (quod pejus est) quâ ratione inter
 hunc & illum inimicitia vel discordia inter-
 cedant, quomodò hic aut ille vitam scanda-
 losam ducat, &c.

Si Religiosus domum redux, ea, quæ aliis
 in locis bona vidit vel audivit, referat,
 uti v. g. quòd hic vel illic exacta religiosæ
 disciplinæ custodia magna concordia ac cha-
 ritas, accurata statutorum observantia sit &c.
 non arbitror, talem contrâ prohibitionem S.
 Patris acturum. Si quid referat, quod in se
 neque bonum sit, neque malum, defectus for-
 tæ aliquis non adeò magnus subesse poterit,
 sermo tamen inutilis ac otiosus erit. Si quid
 autem scandalosum referat, id certè omni ma-
 lô pejus erit, magnæque olim rationis red-
 dendæ onus tali destructori irreligioso incum-
 bet. Tandem hoc locò ordinat Sanctus Be-
 nedictus, ut disciplinæ regulari similiter & il-
 le subjaceat, qui præsumpserit, claustra Monasteriî
 egredi, vel quocunque ire, vel quidpiam, quamvis
 par-

parvum, sine Abbatis jussione (licentiâ) facere.
Vult nimirum propriam voluntatem penitus
à suorum animis extirpatum iri.

ANIMADVERSI O

Super Caput 68.

Si Fratri impossibilia injungantur.

Capitulum hoc præstantissimum altè im-
primendum est animis nostris cujus utpo-
tè observatio multa impedit inutilia murmu-
ra, neque levia peccata. Hic autem adver-
tendum, nomine Prioris, quod in hoc capitu-
lo, & alibi sæpiùs usurpatur, tam Abbatem,
quàm alios etiam Præpositos intelligendos
esse. Cæterum hoc præcipuè mens est & do-
ctrina Sancti Patris, quòd si Religioso quid-
quam præciperetur, cui exequendo vires suas
impares aut ineptas esse deprehenderet, talis
quidem impotentiam suam cum fiducia & hu-
militate Superiori manifestare possit, si tamen
is, hòc non obstante, in sententiâ suâ ac im-
perio perstiterit, subditum Divino, fretum
auxilio oporteat obedire, remque præceptam
quò meliori poteri modò exequi. Si jam de-
fectus aliquis intercurrerit, is non subdito, sed
superiori imputabitur, cumque ad rationem
aliquandò reddendam DEUS adstringet. Me-
ritò hæc doctrina Religioso obedienti ma-

gnum afferat solatium. Præviderat Salvator noster amantissimus, se grave pondus crucis suæ naturalibus ac ordinariis corporibus usque ad summitatem mortis portare non posse, obedivit tamen, sublatâ in humeros suos vulneratos ac debiles cruce, eousque illam bajulans, quousque poterat. Sequere & tu vestigia Salvatoris tui, & in similes ausus generosus assurge.

ANIMADVERSIO

Super Caput 69.

Vt in Monasterio non præsumat alter alterum defendere.

SI quispiam Religiosorum adverteret, quâ ratione unus suorum confratrum falsò ad Superiorem delatus fuerit, eaque de causâ in magnam pusillanimitatem, tristitiam, aliudve damnum inciderit, talis citrà omnem capituli hujus transgressionem, innocentiam confratris sui opportunè ac simpliciter Superiori manifestare posset. Imò id facere tenetur; neque ullò modò hoc prohibet Sanctus Pater, sed quosdam duntaxat maleseriatos è Religiosis perstringit, qui suâ scandalosa familiaritate, & inordinatò erga singulares quosdam personas affectu eò deveniunt, ut tales defendere, & cohonestare, imò etiam defectus illorum

lòrum ac imperfectiones publicè approbare ac
justificare non erubescant, non sinè stomacho
ac scandalo cæterorum. Tales duplo plus,
quàm alii delingventes, puniri merentur (*a-
criùs còdèceantur*) verus Religiosus nullas hu-
jusmodi particulares amicitias, nec singula-
rem quendam affectum ergà certas personas,
sed in communi ergà omnes confratres suos
veram Sanctam, ac sinceram charitatem pro-
dat, necessum est.

ANIMADVERSI O

Super Caput 70.

*Ne non præsumat quisquam, aliquem
passim cadere, aut excommunicare.*

Quia tempore Sancti Benedicti defectus
Religiosorum publici ac notabiles com-
muniter Regulari excommunicatione, vel o-
mninò verberibùs (præcipuè in pueris) mul-
tari consueùe, noluit tamen Sanctus Pater,
quemlibet talem sibi potestatem super delin-
quentes arrogare posse, sed Superioribus eam
esse relinquendam.

Prohibet etiam hòc locò superfluum illam
imperiositatem, quam quidam passionati &
inquieta Religiosi exercent, dum omnia, quæ
fortè in Monasterio non ad amissum sunt,
corrige, carpere, verbisque asperis impeter

re præ-

re præsumunt, cum tamen id ipsis commissum aut præceptum non sit. Hi tales & seipsos & alios inquietant sine fructu, imò cum ingenti damno. Præterea sibi ipsis magnam indignationem aliorum conquirunt; gaudendum foret potius omni Religioso, qui tam molesto onere alienis defectibus invigilandi liber est. Tales mastiges illud Christi Domini sibi dictum putent: *Quid ad te? tu me sequere.* Joann. 21. hujusmodi fursuris homines plerumque omnium imperfectissimi sunt in Monasterio, non considerantes trabeam in oculis suis, sed exiguas solum festucas aliorum.

Si autem Religiosus quispiam sapè repetitas, & præcipuè occultas transgressiones Regulæ aut statutorum bona intentione ac opportunè Superioribus indicet, benè ac laudabiliter agit neque hoc prohibet præsens capitulum, sicut neque fraternam correctionem, dum scilicet unus Religiosus alterum bonò animò, & in occulto verbis charitativis hortatur ac rogat, quatenus hoc vel illud emendare, vitam magis Religiosam instituere, à iurgiis &c. cessare velit.

Discretionem in castigandis pueris, quam Sanctus Benedictus hoc locò tam tonanter inculcat, quidam magis sibi cordi ducere, ac observare deberent; recogitent tales serìò ac sapius textum illum Sacrae Scripturae à S. Patre adductum: *Quod tibi non vis fieri, alii ne feceris.*

ANIMADVERSI O

Super Cput 71.

Vt obedientes sint sibi invicem fratres.

SANCTUS Pater Benedictus in hoc capitulo
 viam nobis rectissimam & infallibilem ad
 Cælum indigitat, veram scilicet non fictam, &
 humilem charitatem ad invicem. Ubi notan-
 dum est, obedientiam, quam unus Confrater
 alteri exhibet, fraternum potius obsequium,
 quam formalem obedientiam dici debere. O-
 mne illud obsequium, quod sine detrimento
 communis distributionis temporis aut statuto-
 rum ex vera charitate confratri tuo præstas,
 Filius DEI tanquam sibi in propria persona
 factum suscipit, inque illius vicem aternam
 tibi mercedem dare constituit. An non hoc
 potens tibi stimulus sit, quò exciteris, ad cha-
 ritativa fratribus tuis servitia cum gaudio ex-
 hibenda? si quæ in præstandis huiusmodi acti-
 onibus molestia se tibi ferendam offerat, tale
 opus coràm oculis Divinis eò, majori pretiò
 æstimabitur: tunc præsertim, cum animò
 promptò, vultu hilari, conatu impigro illo-
 rum te obsequiis impendes, qui id de te non
 meriti, aut omninò forsan genio tuo contra-
 riū sunt.

Per vocabulum illud: *Prior*, quod sæpius
 reperitur in hoc capitulo, rursum intelligenda
 d.

156 *Animadversiones super Regulam*
dus est quilibet præpositus. Prostrationem corporis in terram coram irato Superiore tantum æstimet Sanctus Pater, ut Religiosum aliquem hoc negligentem, aut omnino forsitan contemnentem verberibus castigandum, vel etiam de Monasterio ejiciendum esse decernat: quia autem hodie multos è Religiosis reperire est, qui parùm hoc cordi ducant, apparet etiam inde, raros jam esse nostro tempore, in quibus Spiritus S. Benedicti vivat. Videat Dominus, & judicet!

ANIMADVERSIO

Super Caput 72.

De zelo bono, quem debent habere Monachi.

HOc capitulum totius S. Regulæ compendium est, magnumque miraculum gratiæ Spiritûs Sancti, in quo Sanctus Benedictus ad salutem atque solatium tot millium, imò innumerabilium filiorum suorum paterni cordis sui affectum conclusit. Hunc autem thesaurum, hocque solatium non omnes, qui istud capitulum obiter duntaxat percurrunt, sed qui verè dignos se exhibent, percipere merentur. Quod si Religiosus bonæ cæteroquin voluntatis, statum animi sui cognoscere cupiat, hæc octo puncta à S. Patre hic recensita, in quibus

bus consistit zelus bonus, sibi ob oculos ponat, uti & octo contraria puncta zeli mali, seu amaritudinis, unde colligere poterit, an gaudere, vel metuere, quidve emendare debeat.

Placet hic pro simpliciorem bono hæc omnia puncta tam boni, quàm mali zeli non-nihil clarius exponere. In his igitur bonus zelus consistit: 1. Ne Religiosus quemquam, præsertim nullum ex confratribus suis contemnat, sed congruum cuique honorem animò sincerò exhibeat. 2. Ut constatum suorum fragilitatis, defectus, ac imperfectiones tam corporales & Physicas, quàm morales, ore silenti, & cum Christiana patientia toleret. 3. Aut omnibus se obedientem ac obsequiosum exhibeat. 4. Ut aliis se libenter accomodet & acquiescat, atque ità potius omnia agat & ordinet, prout aliis bonum ac utile esse videbit, quàm ut proprium suum in illis commodum quærat. 5. Ut omnes confratres suos castò, purò, fraternò amore prosequatur, omnia ipsis bona ex animo optandò, & quacunque ratione poterit, etiam bona faciendo. 6. Ut omni tempore S. timore DEUM timeat, atque ideò Divinum officium solerter ac ferventer exsolvat, propriæ conscientie magnam curam habeat &c. 7. Ut in Superiore potestatem ac Personam Christi considerans, vero illum, & humili, ac reverentiali amore prosequatur. *Octavò* tandem, ne amorem ullius creaturæ a-

mori

mori Christi anteponat. Gradus isti octo admodum salutare sunt, quorum unus sublimior altero securam ad DEUM scalam constituunt. Vultque Sanctus Benedictus, ut omnes ipsius filii Sanctum hunc zelum ferventissimo amore exercent.

E diametro zelus amaritudinis pessimus est, suamque à damone trahit originem, hominem separat à DEO, & ducit ad infernum. Hunc non ita describit Sanctus Pater Benedictus, sicuti alterum, neque id necessum fuit, cum per se manifestus sit, ut potè directè oppositus zelo bono. Pro majori autem cautela simpliciorum, adduco hic breviter abominabiles illius gradus, itidem octo. Ille ergo zelum amaritudinis malum habere convincitur. 1. Qui quosdam ex confratribus suis contemnit, eisque debitum honorem exhibere dedignatur. 2. Qui nihil in & ab aliis tolerare vult, sed defectus illorum, ac fragilitates in malam partem interpretatur. 3. Qui nemini cum promptitudine obedire, vel quidquam obsequi bono animo præstare potest. 4. Qui omnia ad suum iudicium ac commodum habere vult, sive deinde hoc in bonum, sive in detrimentum aliorum cedat. 5. Qui aliquem è confratribus odio habet, ad damnum ipsius lætatur, ei que prosperos successus invidet. 6. Qui temerariam habet conscientiam, sine timore DEI vivens, qui nullò ad laudes Divi.

divinas gustu afficitur, Sacramenta Ecclesiæ irreverenter tractat ac suscipit, & regularem disciplinam averfatur. 7. Qui aut parvipendit, aut omninò contemnit Superiores suos, eisdem neque amorem, neque honorem ac gaudium per promptam obedientiam exhibere paratus. 8. Qui cor suum alicujus creaturæ affigit, adeoque DEUM non amat ex toto corde. Hæc utique sunt amarissima zeli diabolici germina, æternæque damnationis prodromi; avertat DEUS benignissimus, ne aliquandò in illo Religioso pullulare incipiant.

Concludit hic Sanctus Benedictus Regulam suam per finale vocabulum: *Amen*: sequens autem capitulum Epilogi locò se habet. Ubi notatū dignum est, quòd quemadmodum Salvator Noster Amantissimus septuaginta duos Discipulos antè se præmisit *in omnem locum*, quòd erat ipse venturus, ut hominum corda ad exoptatissimum adventum suum præpararent, ita & Sanctus Benedictus imprimis septuaginta duo instrumenta honorum operum (ut habent nonnullæ editiones) capite 4. collocaverit, tum etiam septuaginta duobus capitibus Regulam suam absolverit, per quæ certò dispositi ac digni efficeremur visitationis Divinæ hic per gratiam, ac tandem post ultimam vitæ periodum per lumen gloriæ in beata æternitate. *Amen.*

ANL

ANIMADVERSI O

Super Caput 73.

De eo, quòd non omnis observatio justitiæ in hac sit Regula constituta.

Non aliter Sanctus Benedictus Regulam suam à Spiritu Sancto dictatam terminat, nisi magna cum humilitate: & primò quidem fateretur, non omnem perfectionem in illa comprehensam esse, cum tamen universo Orbi factis contet, quòd multa perfectorum, imò ab Ecclesia Canonizatorum hæc Regula genuerit. Tantæ autem fertilitatis & incrementi radix & causa est profunda Sancti Patris humilitas, quâ illam conscripsit. 2. Ait, *ut eam observantes non aliud se assecuturos existiment, quàm honestatem morum, aut initium veræ conversationis Religiosæ.* 3. Seipsum Divus Pater inter desidiosos, & malè viventes, atque negligentes connumerat. 4. Vocat Regulam suam minimam inchoationem vitæ melioris. Quanta humilitas viri tanti, tot gratus à Deo dotati, & in universa Ecclesia celeberrimis verè itaque parvum illud & benedictum *granum sinapis* suas in corde Sanctissimi Patris hujus radices egit, unde & in tam magnam atque frugiferam arborem excrevit. Si in nostris hisce malefaustis temporibus (utpotè, in quibus charitas multorum jamiam refriguit) arbor

arbor hæc Regulæ Benedictinæ tot, tamque
eximios fructus non ampliùs, ut olim, pro-
ferat, alia vix causa mihi assignari posse vi-
detur, quàm; quòd priscæ illius simplicita-
tis atque humilitatis Benedictinæ nullum ul-
tra appareat vestigium: & quia hodie in tot
punctis ab hujus Regulæ observantia recessi-
mus; quò pensarò fateamur necessum est, no-
bis desidiis, & malè viventibus, atque negligen-
tibus nil præter ruborem confusionis relictum esse.
Quodsi ut par est, ex intimo corde agnosci-
mus, jam unum gradum vitæ melioris assecu-
ti sumus.

Demùm Sanctus Pater his suam Regu-
lam verbis concludit: *facientibus hæc, Regna pa-
tebunt æterna*: ergò illis Religiosis occlusa ma-
nent, quibus Regulæ observantia cordi non est.



A P P E N D I X.

S. I.

Qua ratione Religiosus omne periculum
antevertere debeat, ne in tremendo Chri-
sti tribunali quoad observantiam S.
Regulæ causâ cadat?

AD hanc quæstionem respondeo primò: si
Religiosus in tali Monasterio degat, in quo
vota solemnia, Regula, statuta, ac disciplina

L

Regu.

Regularis Sanctè & accuratè servantur, ipseque pariter pro virib⁹ ad id collaboret, semper in melius proficere desiderans, talis, etiam si aliquibus adhuc imperfectionibus foret obnoxius, mortem tamen bono in statu constitutus exciperet, utpotè in vera tendentia ad perfectionem: non enim Religiosus perfectus jam esse tenetur, (cùm veræ perfectionis culmen adeò facilè non sit assequibile) sed ad eam continuò tendere; quod sufficienter præstat ille, qui pacem conscientia suæ servare studet; qui in vera concordia ac patientia cum aliis conversatur; qui præscriptam temporis distributionem pro posse suo conatur observare; quòd si aliquandò labi contingat, firmum de novo propositum concipit; nulli unquàm creaturæ cor affigit; &c. talis multùm progreditur in via perfectionis, quin ipsemet advertat, neque quoad observantiam Regulæ suæ periculosum timebit iudicium, sed coronam decoris de manu Domini cum gaudio expectare poterit.

2. Quòd si contingat, Religiosum in tali degere Monasterio, ubi Regula cum statutis, imò ipsamet fortasse vota ac Regularis disciplina exiguo in pretio sunt, ipse autem pro sua parte hæc omnia, quantum scit, ac potest, observet, talis hòc modò satis benè consulat salutis suæ; ipsius enim non interest, quòd Regula in Monasterio tanto neglectui ducatur.

3. Si

3. Si Religiosus hujusmodi ita animò comparatus sit, ut lubens ac promptus acceptare vellet, si suo tempore reformatio aliqua fieret, aut exactior Regulæ observantia introduceretur, talis adhuc securiori in statu degit.

Tandem, si præter hæc omnia Religiosus ex animo desideret, & ferventibus etiam apud DEUM precibus instet, ut perfectam in omnibus Regulæ observantiam, etiam quantum fieri potest, quoad litteram, in congregatione sua, vel Monasterio denuò restituere dignetur, talem post obitum suum benignò prorsus oculò DEUS respiciet, hancque ipsius bonam voluntatem ità grater acceptabit, quasi ipsemet Regulam in omnibus quoad litteram perfectissimè observasset. *Desiderium pauperum exaudivit Dominus; preparationem cordis eorum audivit auris tua. Psal. 9.*

S. 2.

INDULGENTIÆ,

A Paulo V. omnibus & singulis cujuscunq; ordinis ex utroque sexu Religiosis An: 1606. 23. Maji in perpetuū concessæ: Revocatis tamen, & abrogatis quibûsvis aliis cuicunque Ordini ante hæc concessis.

ITaque Plenariam indulgentiam quivis Religiosus consequitur, imprimis illo die, quò Novitatum exorditur, si præmisso peccato-

rum dolore ac Exomologeli Sacram Eucharistiam suscepit.

2. In die Professionis, post suscepta, quæ diximus, SS. Sacramenta.

3. In principali festo Ordinis, si facta confessione ac Communione, preces suas ad DEUM pro concordia Christianorum Principum, extirpatione hæresum, salute & incolumitate Summi Pontificis, & pro Exaltatione S. Matris Ecclesiæ effuderint.

4. In extremo agone, si confessi fuerint, sacramque Eucharistiam susceperint, vel si hoc non potuerint, saltem contritò corde Sanctissimum Nomen JESU devotè invocaverint.

5. Quando Religiosus Sacerdotiò ininitatus confessione factà primùm DEO sacrificium offert. Similiter & omnes alii Religiosi, qui factà confessione & communionem eidem præsentibus assistunt.

6. Quoties Religiosus Spiritualibus exercitiis (ut vocant) per decem dies vacat, & sub eorundem decursu vel sine sæpe dicta SS. Sacramenta suscipit.

7. Quoties Religiosus Ecclesiā Monasteriū sui, vel chorum invisit, ibidemque DEUM precatus eò modò, quò suprà punctò 3. insinuatum est, talis cōsequitur indulgentias omnium stationum (omniñò præstantissimas) haud aliter, quàm si ipsemet Romæ Ecclesias stationales actu & personaliter inviseret.

Quan-

Quandò Religiosus coram altari, quod est in Ecclesia Monasterii, (vel si ex obedientia extrà Monasterium constitutus est, coram quocunque altari) quinquies *Pater noster*, & *Ave MARIA* recitaverit, omni die, quò hoc præstiterit, quinque annorum indulgentias, & quinque quadragenas consequetur.

9. Quivis Religiosus, si per mensem integrum quotidie ad dimidium horæ meditetur, atque ultimâ Dominicâ mensis præmissa confessione S. Eucharistiam suscipiat, 60. annorum indulgentias cum totidem quadragenis consequitur.

10. Quicumque Religiosi in capitulo de suis defectibus ac imperfectionibus cum pœnitentia cordis se publice accusant, (quod vocamus, culpam dicere) & postea spiritualiter communicant bonumque opus aliquod perficiunt, v. g. injunctam pœnitentiam exsolvendo, trium annorum indulgentias, totidemque quadragenas lucrantur.

11. Ille Religiosus, qui ad convertendos infideles aut hæreticos, vel ad catholicos concionibûs erudiendos mittitur, si ad hoc opus per Confessionem & Communionem, vel per celebrationem Sacrificii Missæ se præviè disposuerit, plenarias consequitur indulgentias, primò, dum ingreditur, & rursus, quando in locum illum pertingit, ubi concionari, aut docere debet.

12. Si Visitator Religiosus in Monasterio aliquo preces quadraginta horarum instituat, ad consequendum à DEO felicem exitum visitationis, tunc omnes illi Religiosi plenarias lucrantur indulgentias, qui ad minus duabus horis (distinctis vicibus) huic devotioni interfunt, suasque ad DEUM preces pro confirmanda Regulari disciplina, & ut supra puncto 3. dictum, effuderint.

§. 3.

Speciales indulgentias plenarias annò 1671. S19. Decembris omnibus & singulis Christi fidelibus Clemens X. concessit, qui in festis mox recensendis cum vera pœnitentia confessi, ac Sacrà Eucharistià refecti Ecclesiam alicujus Monasterii Monachorum vel monialium sub Regula Sancti Patris Benedicti militantium inviserint, ibidemque, ut supra puncto 3. dictum, oraverint.

Festa autem sunt sequentia.

- 15. Januarii in Festo S. Mauri.
- 21. Martii. in Festo S. Patris Benedicti.
- 10. Februarii. in Festo Sanctæ Scholasticæ ejus Sororis.
- 5. Octobris. in Festo SS. Placidi & Sociorum Martyrum.
- 13. Novembris. Omnium Sanctorum Monachorum Ordinis Sancti Benedicti.

S. 4.

*Quinque insignes Promissiones Sancto
Benedicto à DEO factæ.*

Multi eruditissimi Scriptores, & inter hos Prudentius Sandoval, Arnoldus, Wion, Stengelius, Cornelius à Lapide in c. 35. Jeremia, Benedictus Hæftenus in c. 36. vitæ S. Benedicti, aliique memorant, quòd, cùm S. Benedictus, quodam tempore in aliquo Monasterio degens fervidæ orationi insisteret, apparuisse illi Angelum, latò nuntiò, præces ipsius à DEO exauditas esse. Peteret itaque gratiam, aut beneficium qualecunq̃, omnia sibi præstitum iri. Ad quæ Sanctus Benedictus profundè se humilians respondit, se quamquam indignum nihilominùs tot jam favoribùs ac gratiis à DEO cumulatum, de cætero adeò ignorantem, & ad res DEO gratas postulandas adeò ineptum esse, ut eò minùs forsitan exaudiri meretur; totum se proindè Divino beneplacito ac misericordiæ relinquere; faceret secum DEUS, aut daret sibi, quidquid bonum fuerit in oculis suis, quodque magis sibi expedire cognoverit. Subdidit dein Angelus: Noveris, Divinam pietatem (quæ respexit semper in orationem humilium & non sprevit precem eorum, & exaltat illos, qui minimi sunt in oculis suis) quinque singulares gratias tibi præstare: *Primò*; quòd Ordo tuus ad finem muo.

di usque duraturus sit. 2. Quod ultimis mundi temporibus Romanam Ecclesiam fidelissimè tuebitur, multosque in fide corroborabit. 3. Quod nullus in illo extra statum gratiæ moriturus sit: & si quidem male vivere inceperit, nec destiterit, aut confundetur, aut ex Ordine projicietur, aut ipsemet ultrò egredietur. 4. Quod omnibus, qui Ordinem tuum persequentur, nisi resipiscant, vita ipsis abbreviabitur, vel etiam mala morte morientur. 5. Quod omnes Ordini tuo addicti felicem vitæ finem habituri sint.

S. S.

*Sanctus Benedictus auxilium suum
agonizantibus promittit.*

Cum S. Gertrudis Festò die S. Patris Benedicti sub matutino fervidis precibus plus solito attentius instaret, vidit in spiritu, quam sublimem gloriæ gradum hic S. Pater possideret, ita, ut in conspectu Sanctissimæ TRINITATIS gloriâ & honore coronatus adinstaret suaveolentis ac florentissimæ Rosæ cum exultatione totius cœlestis curiæ appareret. Baculi locò manu tenebat Sceptrum gemmis distinctum, in cujus unâ parte, quæ versùs S. Patrem respiciebat, resulgere vidit omnium illorum felicitatem, qui per Regularem Ordinis sui discretionem vitam suam emendaverant;

ex

ex qua ipse ineffabili gaudiō perfruebatur ex altera parte Sceptri, quæ DEUM versùs respiciebat, Divina iustitia resplenduit, quâ illi, qui vocati licet ad hunc S. Ordinem, malè tamen vivere non desisterunt, iustò DEI iudiciò, sic exigentibùs ipsorum demeritis, æternùm damnarentur. Cumque S. Gertrudis eidem Divo Patri per modum strenæ ad diem natalem ipsius, nomine totius congregationis Psalterium unum, quòd in honorem ipsius recitaverat, offerret, sereno vultu illud acceptans, atque ad DEUM conversus obtulit illi bonum odorem operum suorum ac mortificationum pro salute illorum, qui intercessionem suam corde devoto flagirarent, itemque illorum omnium, qui per observantiam Regulæ ipsius sequi vestigia desiderarent.

Post hæc eadem Beata Gertrudis S. Patrem Benedictum rogabat per Gloriosam mortem suam (quòd videlicet non sedens, non jacens, neque præ dolore gemens, sed in Ecclesià antè Sacrum altare stans, & orans obierit) ut omnibus de suo conventu in hora mortis suæ paternum præstare auxilium dignaretur: ad quæ Gloriosus Pater in hæc verba solatii plena respondit: *Quicumque me admonere studuerit illius dignitatis, quòd stans & orans obierim, huic ego in hora mortis sua tali fidelitate volo adesse, quòd opponam me illi ex omni parte, quâ videbo insidias inimicorum nocivius contrà ipsum saviæ: Ita, ut ex præ.*

præsentia mea confortatus laqueos inimicorum
suorum securè sit evaturus, & ad æterna cœli
gaudia feliciter transiturus. L. 4. infin. Div.
piet. Cap. 21.

Consolatoria planè promissio Sancti Pa-
tris. Diversas in hunc finem aptas reperies
oracunculâs. Elige tibi, si volueris, istam:
Recordare, Sanctissime Pater mi, gloriolæ
mortis tuæ, mihiqûe in extremo agone meo
Paternè succurre, beatumqûe de hac vita tran-
situm impetra,

§. 6.

Conclusio opusculi.

Lector Religiose, ac Devote:

NON modò per decursum totius libelli hu-
jus S. Benedictum Patrem nostrum com-
pellavimus, sed & alias, tam intrâ quàm extrâ
Divinum Officium eodem verbò constanter
utimur, Eundemque modò Sanctissimum, mo-
dò amabilem, ac Sanctum Patrem nostrum
vocitamus. An autem è converso S. Bene-
dictus nos omnes pro filiis suis habeat, id mi-
hi non constat: DEUM habeo testem, quòd,
quantùm me concernit, S. Benedictum cum
vero timore Patrem meum compellem, cùm
non sine causa metuam, ne pro suo filio me
non agnoscat, siquidem spiritum suum, ve-
rumqûe erga se filialem affectum in me forsi-
tan non invenit: præterquam, quòd tam exi-
guum

guum fervorem habeam in observantia S. Regulæ ipsius. Quomodò tibi, mi lætor, cordi est? verè piissimus atque amantissimus Pater est Sanctus Benedictus, sed ergà illos duntaxat, qui sunt bonæ voluntatis, & verè filii ipsius esse desiderant.

Cùm quodam die Religiosi cujusdam ordinis mihi cogniti Bononiæ sub Divino officio unanimi voce cantarent, aut orarent: *Ora pro nobis Sancte Pater N.* Hæc inexpectata Responsio audita est: *Vos non mei, & ego non vester.* Quod forsitan stimuli locò fuit Religiosis istis, quò admonerentur quarundam imperfectionum, quæ fortè subreperant, ut illas emendarent. Non sine fundamento timeo, multos profectus sui incurios Religiosos eodem aliquandò fulmine à Sancto Benedicto percellendos esse. Erubesceret utique gloriosus Pater, Monachos desidiosos, malè viuentes, atque hyppocritas filios suos compellare.

Omnes, quotquot Christiano nomine censemur, filii adoptivi DEI sumus, unde & tot mille vicibûs oramus: *Pater noster qui es in Cælis:* sed non omnes dulcisonam hanc vocem audire meremur: *tu es filius meus dilectus: in te mihi complacui.* Sed plures nostrum fulmen illud tangit: *vos non populus meus, & ego non ero vester.* Osee 1. ô repulsam amarissimam!

Quin & ipsa aliàs amabilissima cœlorum Regina, & MATER Misericordiæ MARIA, quam

quamquàm toties invocetur illis verbis *Monstra
re esse Matrem*: non omnibus tamen pari affe-
ctu materno respondet: *Ecce Mater tua*, quia
non omnes illi cum veritate dicere possunt:
Ecce Filium tuum.

Plura de his non ampliùs dico, quàm hæc:
si Sanctus Benedictus post obitum nostrum
pro filiis suis non vellet nos agnoscere, haud
facilè Patrem nostrum haberemus **LEUM**,
sed terribilis sententia nos maneret. Omni
igitur studiò cù **DEI** gratia in id nobis incum-
bendum est, ut Reglæ nostræ lectionem ac ob-
servantiam magis cordi ducamus (sinè tamen
anxia quadam violentia, sed cum discreto fer-
vore, animòque liberò, quò modò meliori pos-
sumus) ut etiam amabilis Pater Benedictus
nos filios suos dilectos dignetur agnosce-
re, nobisq; gratiosas illas promissiones,
ac gratias, quas suprà memoravi-
mus, largiri.

I. M. I. B.



CYM:

CYMBALUM
SPIRITUALE
BENE SONANS:

Id est:

NOTABILIA
DOCUMENTA,
Quomodò septem horæ Cano-
nicæ possint ac debeant cum
devotione recitari?

AUTHORE

Reverendissimò Dominò

P. IOACHIMO

Monasterio Fischingensis


Ordinis Sancti Benedicti

ABBATE.

E Germanico in Latinum idioma translata.

C R A C O V I Æ

Typis JACOBI MATIASZKIEWICZ S. R. M. Cel-
sissimi & Reverendissimi D. Episcopi Cracovi-
ensis, Ducis Severiæ Ordinarij Typhegrap:
Annò Domini MDCCXXXI.



PRÆFATIO AUTHOGRAPHI.

Cum Clementissimus DEUS nos etsi indigne ad talem statum vocaverit, in quo ipsum omni die per devotam recitationem septem horarum canonicarum laudare & glorificare possimus ac debeamus, necessum omnino est, ut quandoque per congrua media (spiritualia ad fervorem nos exitemus, quatenus felicissimæ servitutis nostræ pensum eo perfectius Domino DEO reddere valeamus. Hunc in finem nonnulla motiva hîc adferam, meò judiciò valdè utilia ad devotionem, animique attentionem aut conservandam, aut excitandam, cùmque confidam, illa etiam tibi, lector Religiose, grata fore, atque proficua, hinc eadem per Typum tibi communicare volui. Dominus DEUS exercituum Paternam suam benedictionem adjiciat, quatenus preces nostras ex obligatione debitas ita persolvamus, ut comparari queant *cymbalo benè sonanti*, de quo S. David Psalmo 150. *Laudate Dominum in cymbalis benè sonantibus: laudate eum in cymbalis jubilationis.*

Inspice, si placet, sequentes §§. non pœnitebit, ut spero, exigua hujus operæ. Interim vale in Domino, meique memor esto in precibus tuis, quod idem & ego pro te, præcipuè apud Sacrum altare, fideliter præstabo.

S. 1.

*Quem ob finem septem hora cano-
nica instituta sint?*

SAncta Mater, Ecclesia Catholica, tamquam
Fidelis ac sollicita sponsa, id ardentibus vo-
tis desiderat, ut sponsus suus cælestis à fide-
libus suis cum omni possibili devotione, ac
constanti jubilo in terris laudetur, quemad-
modum in cælo à beatis tam Angelis, quam
hominibus incessabiliter laudatur. Cum au-
tem possibile non sit, ut omnes Christi fideles
Divinæ laudi atque servitio per præces, can-
tum, &c. sinè cessatione incubant, ob necessita-
tes ac miseras vitæ hujus, ideo Ecclesia in
hunc finem certas personas elegit ac determi-
navit, quibus hoc Sanctum munus principa-
liter incumberet, ut in nomine & persona o-
mnium fidelium diu noctuque DEO ferviant,
eique pro viribus, cantando, psallendò, medi-
tandò, &c. laudes dicant. Et tales personæ
sunt Clerici ac Religiosi diversorum statuum
ac Ordinum, sicut & Sancti Angeli in cælo
in diversos choros ac ordines dispersi sunt.

Quemadmodum verò Alaudæ non pos-
sunt continuò altum volantes cantare, sed vel
ex lassitudine, vel alia ex necessitate coguntur
iteratis vicibus se in terram demittere; sic ne-
que Clerici aut Religiosi incessanter medita-

ri,

ri, cantare, aut psallere possunt, sed vel ob corporalem refectionem, vel necessariam quietem nonnunquam ab hisce remittere coguntur: unde et Sancta Ecclesia certas ipsis horas constituit, in quibus Domino DEO Exercituum consuetum Sacrificium laudis offerre debeant.

Et hæ sunt septem illæ horæ canonicæ, de quibus Sanctus Benedictus antè mille ducentos circiter annos, ita scripsit cap. 16. *Regulæ: Ut ait Propheta: septies in die laudem dixi tibi. Qui Septenarius sacratus numerus à nobis sic implebitur, si Matutina, Prima, Tertia, Sexta, Nona, Vespera, Completoriiq; tempore nostra servitutis officia persolvamus. &c.*

Sunt ergo septem horæ canonicæ oratio ab Ecclesia ordinata, quotidie à certis personis ad id constitutis corde & ore persolvenda.

§. 2.

Magna dignitas est, officio canonico vacare.

HOræ canonicæ mirabilis adinventio sunt Spiritûs Sancti: ad illas recitandas obligatum esse, magnus honor, magna gratia, ac dignitas est, non verò contemptibilis quædam servitus, aut onus. Non infelices, sed beati; imò milles *beati, qui habitant in Domo Domini; in sacula seculorum laudabunt illum* Psalmo. 83.

Ipsæ

Ipsemet æterni Patris Unigenitus cum dilecta sibi sponsa Catharina Senensi horas canonicas recitare dignatus est. Sanctam suam Luitgardem ipsemet ad matutinum excitavit. Cum enim tenerioris complexionis esset, contigit aliquandò, ut noctu vehementi quodam splendore perplura cœptam somni quietem continuare vellet, ne fortè ad laudes nocturnas si surgeret, detrimenti quidpiam in sanitate patiretur, sed deinceps ad Divinum servitium eò aptior evaderet. Verùm dum his cogitationibus immoratur, vocem audit: surge! quid hic jaces? jam amodò pœnitentiam agere te oportet pro peccatoribus in cœno suo jacentibus. Percelluit vox hæc Luitgardem, unde mox surgens ad Ecclesiam festinavit, Matutinò jam inceptò & Ecce! dum ad januam chori appropinquat, JESUM Crucifixum penes se videt, totum sanguine perfusum, cui brachio uno de Cruce soluto eam complexus os ejus apertò lateri suo admovit; unde ipsa cœlesti dulcedine recreata, per totum, quod reliquum erat, vitæ suæ tempus longè majus robur ac gaudium in Divina laude ac servitio persensit.

Refert Cardinalis Bona, Beatum Christianum ex Ordine Cisterciensi à Beatissima Virgine Deipara ad preces nocturnas excitatum fuisse; cùmque ob debilitatem corporis Abbas à choro nocturno ipsum exemisset, noluit ipse

M

hac

hac facultate uti, ne admirabili illo ac cælesti solatiō privaretur, quō animam suam durante sacrā Psalmodiā inebriari sentiebat. Testabatur insuper, sæpenumero vidisse se non modò S. Angelos sub matutino chorum circumivisse, sed & ipsum Angelorum Regem Christum JESUM (cujus *delicia sunt esse cum filiis hominum*) præsentia suâ visibili chorum nocturnum condecorasse. De Divina Psalmodia cap: 20.

Vidit quoque beatus Abundus Monachus Sanctissimam cæli Reginam Virginem MARIAM elegatè ac splendidò habitu choralì indutam, & candidissimò velò caput rectam. Religiosis Monasterii sui Villariensis in choro se associantem, & cum iisdem horas canentem, adeò benignò ac serenò vultu, ut virginali suâ præsentia omnes ad laudandum DEUM excitaret. Videbatur in omnibus cæremoniis se conformare Religiosis: ad versiculum: *Gloria tibi Domine*, &c. magna cum reverentia se inclinabat, finitoque tandem officio disparuit. Ex chronico Villariensi.

Sanctos Angelos cum summo jubilo Psallentium choris interesse, longè magis constat, quàm ut historiis probari debeat. Ita enim S. David Psal. 67. pronunciat: *prævenerunt Principes (cælestes spiritus) conjuncti psallentibus, in medio juvenularum tympanistrarum*. Quæ ultima verba R. S. Georgi⁹ Wittwiler pereleganter accom-

commodat Sanctimonialibus, quæ DEUM puro corde laudantes, sua etiam corpora juxta exigentiam vocationis suæ mortificant. Ait præterea Reginus citharædus: *in conspectu Angelorum psallam tibi.* Psal. 37.

Si igitur JESUS ipse, si sacratissima Ejus Mater, si cælestes spiritus horis Canonicis quandoque visibiliter, semper autem invisibiliter adesse dignantur, eisdemque lætas aures præbent, imò etiam pro decenti illarum persolutione voces suas psallentium vocibus adjungunt, conclusum manet, quòd obligatio ad horas canonicas earumque persolutio nō sit servile quoddam opus multò minùs molestum onus, sed verè Angelica occupatio, & magna coram DEO dignitas. Pulchrè S. Benedictus: nihil ait in mundo est, quod statum cælestis habitationis adeò propriè nobis repræsentet, ut si cum Sancto júbilo DEUS laudatur. Serm. 9. in cantica. Hinc fervidi Religiosi ac Clerici meritò terrestres seraphini compellantur, qui gloriosum illud trisagion: *Sanctus, Sanctus, Sanctus* ardentibus animis ac lætis cantibus psalmorum Davidicorum, *alter ad alterum* in choris suis devotè reciprocant. Audi etiam Doctorem Seraphicum S. Bonaventuram: laudes inquit & Psalmos cōcinere viris spiritualibus propriè convenit, quibus congruè Angeli, qui DEUM in cœlis laudant sinè fine ac requie.

M.

Quos.

Quosdam tamen reperiri, quibus oratio canonica non solatium ac gaudium, sed disgustum, gravamen, ac fastidium parit, & modica quam illis impendunt, hora nimium morosa videtur, id meritò quidem dolendum, non adeò tamen mirandum est; cum etiam Isràëlitis Manna illud Angelicum ob quotidianum sui esum nauseam attulerit. Sed beatus profectò Religiosus ille, qui palatum animæ suæ ab omni terrenarum deliciarum infectione ita servavit immune, ut sanctum saporem, gustumque cælestem officii canonici sentire mereatur, illudque non cum tædio, sed cum solatio ac Sancto júbilo quotidie exsolvat, ut hac ratione aliquando dignus sit, DEUM in æternum laudare,

§. 3.

Quibûs temporibûs Diei horæ canonicæ sint persolvendæ?

Olim Matutinum media nocte, vel paulò post cantabant, aut psallebant, laudes autem ingruente die. Primam deinde horâ sextâ, vel septimâ; Tertiam horâ nonâ; Sextam horâ 12. Nonam horâ 3. pomeridianâ; Vesperas post horam 4. ac demùm Completorium antè somnum. Hodie statutis ac consuetudinibus uniuscujusque loci aut Ordinis acquiescendum est.

Scien-

Sciendum prætereà, magnoperè DEO displicere, si chorus nocturnus, sivè Matutinum debito tempore non celebretur. Ad quod demonstrandum sequentem adduco terribilem historiam, quam legere est in *Vinea Carmeli*, cap. 36. n. 576. sic autem contigit: Cùm circa annum Christi 1587. in quodam Monasterio Ordinis Carmelitani Regularis disciplina ac mortificatio sensim defecisset, Religiosi illi Matutinum non jam amplius media nocte, sed vespere præcedenti persolverunt: noctu tamen secundum antiquam consuetudinem ære campano pulsarunt. Cùm ergo sacristanus loci illius nocte quadam surgens, campanâ insonuisset, audiit in choro cantari invitatorium. Ingreditur chorum attonitus, videtque ibi multitudinem Religiosorum psallentium. Erant hi omnes albis vestiti, sed facies, manusque non nisi ex ossibus mortuorum constabant: quod magnam ipsi pavorem incussit. Tum is, qui videbatur illorum præcipuus, sacristanum verbis acerrimis sic allocutus est: nos olim Religiosi hujus Conventus haudquaquàm tale vobis exemplum reliquimus; jucundum nobis accidit, nocturnis horis psallere, Deumque precari, & si vires nostræ id permisissent, gaudium magnum nobis fuisset, tota nocte huic sancto muneri vacare. His dictis sacristanus virgis ferreis tam atrociter vapulavit, ut sequenti mane tamquam

M; mor-

mortuus fuerit repertus. At ubi in valetudinarium deportatus, ibique recreatus fuit, de-
nuò sibi restitutus, totū, quod contigisset, nar-
ravit, ac triduò post vitam finiit. Non omnes
negligentes Religiosos DEUS hīc in terris ple-
ctit, ut hūc factum est: sed plerumque tre-
mendam suam sententiam ad decretorium il-
lum diem extremi iudicii differt; tunc inge-
minabit: *hec fecisti, & tace.* Sic Sanctus Be-
nedictus in primo gradu humilitatis ex 49.
Psalmo nos præmonet.

Dicere solebat Saancta & admirabilis Virgo
Catharina Bononiensis, Religiosos sinè omni
exceptione constanter ad matutinas laudes sur-
gentes, olim cū MM. cōnumerandos esse. Card.
Bona in Psalmodia Divina cap. 20. n. 23. Si
Religiosus à choro exemptus horas suas non-
nihil antè tempus recitet, providus habetur;
si statuto tempore illas persolvat, obediens est;
si verò citrà urgentem causam longè ultrà præ-
scriptum tempus illas differat, ità ut fortè ad
seram vesperam, ubi dicere deberet: *Noctem
quietam, &c.* primū incipiat: *Iam lucis orto
sydere, &c.* servus piger ac negligens est, exi-
guumque Divinæ Majestati obsequium præ-
stat, quin potius habet, quòd timeat, ne Di-
vinam ultionem experiatur. Serò nimis, aut
maturè nimis recitare horas, bonum non est.
Refero notam historiam, quam scribit Sanctus
Petrus Damiani, L. 2. Epist. 15. ad Desideri-
um;

um: quòd cùm aliquando Canonicus quidam Colonienſis iter agens per flumen aliquod tranſiret, apparuerit illi in flumine Beatus Severinus, (Baronius Peregrinum dici debere, exiſtimat) Colonienſis Eccleſiæ Archiepiſcopus, non ità pridem mortuus. Hic equum canonici frænò apprehenſum in vado fluminis ſtitit. Ille hòc factò attonitus ſciſcitatur, quidnam eò loci agetur, tanti Nominis Epiſcopus, & vir integerrimæ vitæ? ad hæc Severinus (ſive Peregrinus) expetiit ſuam ut ſibi manuum porrigeret, experturus, quid illo in alveo pateretur. Extendit manum Canonicus, quam ut Epiſcopus in aquam intinxit, mox tanta vis ardoris corripuit, ut caro cum cute diſflueret, ærgè remanentibùs offibùs. Tunc Canonicus inſtitit, qui fieri poſſet, virum adeò ſanctum, totaque in Eccleſia celeberrimum in abyſſo tam horribilis incendii detineri? repoſuit Epiſcopus: poſt obitum meum nil aliud reprehensione ac pœnâ dignum in me repertum eſt, quàm iſtud, cùm in Aula Cæſarea comitiis imperii intereſſe debuerim, nò ſingulas horas canonicas præſinito tẽpore, ſed manè omnes ſimul perſolvi, quò ſic per reliquum diem liberior ac expeditior eſſem ad vacandum negotiis imperialibus: & hanc ob negligentiam terribiles has pœnas luo. Dein hortatus eſt canonicum, ut DEUM pro conualeſcentia manùs ſuæ precaretur: quod ubi

M 4 factum,

factum, & manus pristino vigori restituta est, ait amplius ad illum Archiepiscopus: vade fili, & meo nomine precare fratres meos, Clerum Coloniensem, aliosque viros Religiosos; ut pro me ad DEUM intercedant, cumque mihi per eleemosynas ac Sacrificia propitium reddant, quibus præstitis à vinculo poenæ hujus infallibiliter liberabor, chorisque Sanctorum me expectantium associabor. Hucusque S. Petrus Damiani, exclamans demum: quò si vir tam Sanctus ob unicam labem tam horrible sustinuit purgatorium, profectò vae! & iterum vae! mihi, meiisque similibus, qui tot ac tantis culparum sarcinīs onusti sumus.

Si quis ad horas Canonicas obstrictus, ob inevitabilia negotia, aliàsve rationabiles causas tota die impeditus, easdem primùm ad seram vespèram cum omni possibili reverentia ac devotione persolvat, is servum se fidelem atque sollicitum supremo Domino suo exhibet, gratiamque Divinam meretur. Si ob præsentiam boni alicujus amici à recitatione horarum te impediri credas, cogita, DEUM longè majorem tuique amantiorem amicum esse. Nemo prudentiùm tibi vitio dabit, si ab eodem modicam expectationem tibi efflagites, quoad usque hanc vel illam horam dixeris. Ut verbò rem absolvam: illa debiti solutio creditori acceptissima est, quando moneta genuini ponderis atque valoris addestina-

cum diem ac horam bonô animô extoluitur.

S. 4.

*Quòd bonæ Canonice integrè, id est,
sinè verborum mutilatione per-
solvi debeant.*

Qui notabilem partem officii canoninici, v. g. integram horam, deliberatè, & sinè urgenti causa omittit, peccat mortaliter, si ad horas recitandas obstrictus sit. Qui autem horas suas imperfectè ac luridè recitat, omit- tendo, mutilandô, syncopandô, ac intra dentes aut labia coarctandô aliquot verba, siue ver- siculos, &c. item, qui occupationes non ne- cessarias, vel omninò jocos aut risus immi- scet magno se periculo committit, exigua- que orationis suæ mercedem feret. Si verò cum socio horas recites, & solerter attendas, omninò satisfacis, quamvis fortè non omnia ritè percipias, quæ ille nimis tacitè festinan- ter; aut aliàs imperfectè pronunciat. Super- rioribus tamen incumbit, hujusmodi incurios corrigere.

Sanctus Annon Archiepiscopus Coloni- ensis horas suas cum Diacono quodam reci- tare solebat. Hic adeò in orando properabat, ut denique turpem consuetudinem contraxe- rit, mutilandi etiam sacrum illum Ver- siculum: *Gloria Patri*, ità, ut solùm diceret

Gloria

Gloria Patri & Spiritui Sancto. Hanc incuriam sui Diaconi Episcopus nec advertit, nec cor-
 rexit. Cùm autem vespere quodam ad quie-
 rem concessisset, nec plenè adhuc obdormi-
 sset, vocem audit ad lecti cervical, quæ bis
 cum festinatione verba illa immurmurabat :
Gloria Patri, & Spiritui Sancto, moxque extra-
 sim passus, Filium DEI magna cum Maje-
 state versùs se stantem videt, sibi que expro-
 brantem, quòd Diaconum suum ob hanc Sa-
 crilegam negligentiam, (quâ sibi Filio DEI
 æqualis cum Patre ac Spiritu Sancto Gloria
 non exhiberetur) non correxisset. Sequenti
 dein die docuit Episcopus clericum suum,
 quomodò majori cum devotione ac integrita-
 te Sanctum illum Versiculum pronuntiare de-
 beret, ut fusè refert Surius 4. Decembris, in
 Vita S. Annonis.

Qui recitat de feria, ubi officium de San-
 cto recitare debuisset, venialiter peccat : Si
 autem inconsideratè, ex oblivione, aut ex
 defectu Breviarii id factum, culpa caret, ne-
 que necessum est, aliud officium recitare. Be-
 nè tamen & laudabiliter talis aget, si facta
 opportunitate suppleat orationem, lectiones,
 Responsoria, aliasque partes notabiliores. Si
 verò commodè id fieri nequeat, liberè poterit
 ommittere, ut dictum.

Qui ided solùm horas suas persolvit, quia
 timet, ne ob illarum intermissionem damne-
 tur,

tur, frigidum se habere affectum monstrat, versaturque in statu periculoso, cum sit potius servus vi adactus ad præstanda obsequia, quam filius ex amore Patris, eidemque placendi studiô operans, qui ore medio duntaxat, (ut loqui solemus) horas suas decantat, is medio etiam ore quotidiano pane vesci mereatur. *Hilarem datorem diligit DEVS*: hinc si forsâ naturali quodam mentis gravamine afflictus es, ne patiaris tristitiam huiusmodi sub Divino officio tibi dominari; utquid enim Dominus DEUS tuus hoc meretur? Sed excita temetipsum, & quantâ potes, mentis ac vocis hilaritate Sacram hymnodiam perface, & duplicatum inde coronam reportabis. S. Bonaventura inquit: ille dulce canticum DEO modulatur, qui eundem etiam in tribulatione laudat. Pendebat JESUS in cruce sub ineffabilibus tormentis, extremaque derelictione, & nihilominus Psalmos orabat Davidicos, unicuique DEO *Gratias* tempore desolationis preciosius est coram DEO, quam integrum Te DEVM laudamus durante consolatione dictum.

S. 5.

*Quòd attentè recitari debeant
horæ canonice.*

SI quis horis canonicis adstrictus, easdem sine omni attentione aut devotione, imò cum

cum voluntariis distractionibus recitet, talis utique obligationi suæ non satisfacit, sed graviter peccat. Est siquidem officium canonicum, & semper esse debet oratio; jam verò ad omnem orationem essentiale, sive necessarium requisitum est devotio, seu attentio: sequitur ergo, quòd psallere sinè omni attentione non sit oratio, sed inanis garrulus, de quo etiam DEUS Isaia 29. conquestus est? *Potulus hic labijs me honorat: cor autem eorum longè est à me.*

Adverte hic, triplicè esse attentionem, quæ ad horas canonicas concurrere potest: Primi generis, & optima est, quando orans ad sensum Psalmorum aliarumve precum aut lectionum attendit, suosque affectus eisdem conformat, ità, ut cum Davide DEUM laudante. Eundem & ipse laudet, cum orante oret, cum pœnitente pœniteat, &c. idem dicendum etiam de hymnis, orationibus, Antiphonis, &c.

Secundi generis attentio est, quando orans non attendit quidem ad sensum verborum, quæ cantat, aut recitat, sed vel revolvit animò necessitatem illam, pro qua orat, vel quidpiam de DEO, sive ex vita & passione Christi, aut de Beatissima VIRGINE, vel Sanctis, meditatur; idque non merè speculativè, sed cum Sanctis affectibus: simul tamen sollicitè curandò, ut omnia perfectè pronunciet, quæ in breviario præscripta sunt. Hæc

atten-

attentio satis bona est, illis præprimis, qui aut linguam latinam, aut arcanos Psalmorum sensus non intelligunt.

Tertii denum generis illa est, quando quis horas suas recitat, præmissa antecedenter intentione bonâ ac Sanctâ, DEUM, scilicet per illas laudandi, & non quidem attendit ad sensum illorum, quæ pronunciat, neque aliud quid interim meditatur, sed simpliciter conatur, ut illa sacra verba ad honorem DEI cum reverentia perfectè ac integrè pronunciet, non tamen voluntariè divertendô cogitationes suas ad aliquid illicitum, sive quod ad præsens intentum esset impertinens, hæc attentio omnium quidem minima, sed tamen sufficiens est. Hinc si v. g. antè Tertiam cogites, te velle illam cantare aut psallere ad honorem DEI, illamque dein cum debita reverentia persolveras, satisfecisti tuo muneri. Quod si insuper addas, velle te illam orare aut canere in honorem ac memoriam missionis Sancti Spiritus, quæ circa Tertiam contigit: simulque petas, ut Spiritus Sanctus in tuum quoque cor venire dignetur, hoc adhuc melius est, & tunc Sacer ille hymnus: *nunc Sancte nobis Spiritus*, eò sapidiorem tibi devotionem ministrabit.

Nota hîc etiam, duplicem esse attentionem, quarum una est *Actualis*, quando quis scilicet deliberatè cum Sancta intentione horam aliquam canonicam recitare incipit: al-

tera

tera est *Virtualis*, quæ oritur ex *Actuali* quando nimirum ille, qui ita deliberatè, ut dictum, horam aliquam incepit, postea ex humana infirmitate sui ipsius oblitus, nihilominus tamen in oratione pergit. Unde bonum quidem foret, & optandum, ut sub horis canonicis perpetuam actualem attentionem continuare possemus; cum autem in Sanctis quoque viris hæc gratia rara sit, conandum saltem nobis est, & faciendum, quantum possumus. Tu assuesce, ne ullam horam canonicam sine actuali attentione incipias: quod si deinde præter voluntatem tuam alias cogitationes tibi displicentes patiaris, exute, illas, nec quidquam repete, sed perge, ita docet Spiritus S. Eccl. 7. v. 15. *non iteres verbum in oratione tua.*

Quando ad chorum vadis, sepone nonnihil, & foris relinque cogitationes tuas de quotidianis negotiis. Refert Cardinalis Bona Locò suprà citatò, quod cum aliquandò Prior cujusdam Monasterii immediatè antè januam chori adhuc aliqua negotia tractasset, & hisce cogitationibus inhærens chorum ingrederetur, Beatus Hermannus Ordinis Cisterciensis diabolum viderit, qui Eundem Priorem tanquam vitæ dux antecesserit. Tantum nocuementi affert, si quis sine Sanctis cogitationibus ad recitandas horas se conferat.

Innocentius XI. Pontifex maximus 50. dierum indulgentias illis concessit, qui antè

Mis.

Missam vel communionem, item antè horas canonicas, nec non antè cursum Beatæ VIRGINIS Mariæ per aliquam devotionem se præparaverint.

S. 6.

Quòd ad recitandas horas Canonicas aliqua discretio applicatio virium animi ac corporis requiratur.

QUod fieri debet, fiat bene. Si ad tot preces quotidie obligatus es, ita illas perfice, ut taliter orasse æternum te delectet. Sanctus, sed difficilis labor est, bene orare, siquidem præcipua hominis vires ac potentia ad hoc negotium requiruntur. Qui cum debita sollicitudine ac devotione horas suas exsolvit, is Sanctissimæ TRINITATIS debitum exhibet cultum atque obsequium: is totam cœli curiam glorificat; Sanctam Matrem Ecclesiam suffulcit; defunctorum animas magnò solatio replet; sibi ipsis suisque magnam gratiam obtinet; in beata æternitate coronam decoris promeretur; antè omnia autem Angelicos Spiritus, qui ad laudes Divinas semper præsentés assistunt, mirè lætificat. Quem in finem hanc visionem solatio plenam in medium adduco:

Cùm Sanctus Pater Bernardus ardenti affectu, animique devotione Choro nocturno ad tempus quoddam valde prolixo una cùm

fra,

fratribus suis interesset, vidit ad laras cujusque Religiosi Angelum stantem, & verba Psallentis accuratissimè in charta consignantem; non omnes tamen eodem modò characteres suos efformabant; illorum siquidem Monachorum preces, qui Sancto zelo, magnaue cordis attentione ad sensum Psalmorum orabant, aureis scribebant literis: illorum autem verba, qui minori quidem zelò, quàm priores, sed tamen cum pura devotione psallebant litteris argenteis: aliorum verò preces atramentò notabant, quòd hi matutinas laudes ex bona psallendi consuetudine cum prompta quidem voluntate, sed cum exigua devotione recitarent, alii characteres ex aqua solum formabant, quia nonnulli ex Religiosis illis pigri, somnolenti, vel aliis cogitationibus distenti ibidem assistebant: & quamquàm ore psalmos depromerent, mente tamen nil minùs, quàm laudes Divinas tractabant. Tandem vidit quosdam Angelos melifluis Pater, omninò nihil notantes eò quòd Monachi illi, quibus assistebant, DEI ac sui penitus obliti, ac miserandà cordis duritie laborantes somno profundo indulgerent: vel etsi non dormirent, os tamen ad laudes Divinas aperire nolebant, imò etiam cogitationes nocivas, ac mala desideria &c. animò non dubitabant revolvere. Videns hæc Sanctus Bernardus, uti ex profectu bonorum Discipulorum

rum mirè lætabatur, ità tepiditas ac periculum deficientium magno ipsum dolore affecit. Tu visionem hanc doctrinalem tibi met applica: scio & ego, quid documenti exinde hauriam.

S. 7.

Quòd in recitandis horis Canonicis non oporteat scrupulosum, aut nimis anxium esse.

QUando ob conscientias aliquorum nimis laxas ac temerarias majori rigore loquuntur Authores de horis Canonicis persolvendis, reperire quosdam est, adeò anxios, (non audeo dicere scrupulosos) ut tantum nō desperant. homines isti exotici semetipsos quandoque ità torquent in recitando suo breviario, ut hæc ipsorum miseria quemvis ad commiserationem movere posset. Dum enim horam aliquam cum optima intentione, omni que possibili devotione inchoarunt, sed deinde advertunt, se in uno alterove versiculo errasse, distractos fuisse, unum aut duo verba non perfectè pronunciasse, vel etiam Versiculum aliquem omisisse, &c. ut humana fragilitas non raro secumfert, mox totum perditum esse existimant, & statim se resolvunt: hæc hora, hic Psalmus non valeat: recitabo aliter itaque secunda vice orant, sed iterum hallucinantur. Hoc ipsum displicet, & tertiâ quoque vice

N. repe-

repetunt, sed nec obulô melius orant, ac prius, sicque ad sudorem usque laborant, repetendo ac orando, nec tamen tranquillî fiunt. Hi tales sui ipsorum tortores nisi à viris doctis se maunduci sinant, animi æquè ac corporis damna incurrunt. Siquidem ob pertinaciam sui proprii iudicii, ac pusillanimitatem DEUM offendunt, vires nobilissimas animæ suæ debilitant, tempusque inutiliter ac contrà obedientiam consumunt.

Nolim hîc vituperare discretam illam sollicitudinem, qua Religiosi timorata conscientia accuratè attendunt, ne vel minimum vericulum omittant. Sed illam duntaxat indiscretam anxietatem earpo, quâ nonnulli scrupulosi laborant, dum sibi imaginantur, posse se, ac debere horas suas Canonicas absque omni defectu aut distractione, cum tantâ constanti attentione, zelo, ac devotione recitare, ut fortè fecerunt Sancti Patres Benedictus, Bernardus, Franciscus, aliique servi DEI magnis privilegiis insigniti. nequaquam, mi scrupulose; ne tantam te habere gratiam existimes, sed longè minorem; huic ergo cōoperare, & spem tuam Divinæ bonitati committe. Quemadmodum enim in aliis quibusvis rebus, ita & in orando unus præ altero homine majori gratiâ gaudet.

Nolim tamen etiam hîc locô approbare laxitatem quorundam verè temerariam, qui
medi-

medios & integros Psalmos, imò dimidias horas absque omni scrupulo intermittunt, seu, ut ajunt, *Romam mittunt*: hi nimium declinant ad alterum extremum. Tu cautus si fueris, mediò tutissimus ibis. quòd si adhuc scrupulorum molestias pateris, indeque liberari cupis, ita rem tuam (meò quidem consiliò) institue: Priusquam incipias horam aliquam, hanc facito intentionem: volo nunc ad gloriam DEI, & ad satisfaciendum obligationi meæ horam istam recitare, ad impetrandum hoc vel illud à DEO beneficium. Si jam per decursum inciderit mihi quidquam mali, aut quod esset contra scopum, velim id amodò esse irritum. Dein perge reverenter orare, & quamvis postea impertinentissimæ cogitationes tibi inciderint, quamvis etiam erraveris, unum alterumve verbum omiseris; aut ex ruditate, vel defectu linguæ non bene pronuntiaveris &c. caveas tamen omni modò ne cogites intra te, hic Psalmus, hic versiculus &c. non valeat, sed perge, ac si errorem nullum admisisses. Sic certus esto, orationem tuam LEO acceptam fore. Non enim talem à nobis exigit orationem, quæ omni defectu careat; (nostræ siquidem infirmitati talis vix foret possibilis) sed discretam solummodo applicationem industriam, bonamque voluntaram à nobis requirit. Ne repetas quidquam; subnexa enim oratio *Sacrosanctæ* vim habet abolendi hujusmo

di involuntarias imperfectiones. Quòd si verò ob necessarias occupationes unum vel alterum Psalmum cum reliquis non dixisses, benè facies, si postea suppleveris. Si hoc tibi consilium meum non arridet, aliter jam te juvare non possum. Vale! si tamen valere potes, & quietus vivere cum hisce inanibus scrupulis, & non necessariis repetitionibus.

S. 8.

*Officium Canonicum est efficax &
necessaria oratio.*

TOcius Sanctæ Matris Ecclesiæ, totius Patriæ & cujusvis Congregationis seu Monasterii permultum interest, ut horæ Canonice à personis ad id Officium obligatis solerter ac devotè persolvantur. Multas enim magnasque pœnas ac mala avertere, & è contrario pacem, fertilitatem, tranquillitatem &c. à DEO impetrare possunt. Quòd si verò in his negligentes sint personæ Religiosæ ac Ecclesiasticæ, sæpenumero tota Patria aut Monasteriū illorū causâ punitur: talesque frigidi Oratores gravissimè olim ante tribunal Christi accusabuntur, atque plectentur, utpotè qui reditus ac bona foundationum gratis consumpserint, dum obligationi suæ omnium præcipuæ satisfacere neglexerunt. Quamprimùm pigritia ac negligentia ope diaboli choro invec-
tæ.

fuerit, mox agri ac fructus Benedictione Divina carebunt, totaque Ecclesiæ live Monasterii felicitas paulatim deficiet. Quod exemplis demonstrari posset.

Sedulò conatur dæmonum invidia, fulcrum hoc Sanctæ Ecclesiæ subruere, & fervidam rerum recitationem impedire. Hinc, quamvis Sancti Angeli Divino Officio præsentés assistant, nihilominus & maligni spiritus horis psallentium se immiscent. Scriptum enim est Job. cap. 1. *quodam autem die, cum venissent filii DEI, ut assisterent coràm Domino, adfuit inter eos etiam Satan.* Ad quod ulteriùs confirmandum sequentem fide dignissimam adduco historiam ex Vitis & Doctrinis Patrum, *Lib. Sententiarum & Apophthegmatum PP. §. 39.* Venit nocte quadam Diabolus formam Monachi indutus ad cellam S. Macharii, ejus ostium cum pulsasset, ait: Surge, Abba Machari! eamus ad chorum: jam enim fratres ad laudes nocturnas conveniunt. Cognovit mox Divino lumine collustratus vir Sanctus, fictum hunc Monachum esse cacodæmonem. Eum igitur intuitus, ait: ô mendax & veritatis inimice spiritus! quid tibi cum Oratione? quid ad te Congregatio Sanctorum? respondit Sathanas: an nescis ergo, quòd nunquàm Fratres ad Orationem conveniant, quin & nos quoque illic præsentés simus? veni, & vide, quid ibi habeamus negotii. Cui Beatus Macharius: im-

Nam peret

peret tibi Dominus, inimunde Spiritus! simulque DEUM rogavit, ut sibi dignaretur ostendere, si vera essent, quæ daemon jactaverat. Cumque venisset ad locum, ubi fratres ad Divinum Officium se congregaverant, rursus DEUM precatus est, sibi ut veritatem revelaret. Et ecce! vidit, pueros quosdam æthiopes per totam Ecclesiam ultrò citroque currentes, & modò ad hunc, modò illum Monachum conevolantes. Hi parvuli varia cum Religiosis illis dum spallerent, exercebant ludibria. Quibusdam siquidem duobus digitis oculos comprimebant: & isti mox somnò se obrui passi sunt. Aliis verò digitos suos in os immittebant, ita, ut oscitare cogerentur, (in quo casu bonum est, devotè efformare signum Crucis super os) cum Monachi ad finem unius Psalmi in terram ad orandum procumberent, mox iterùm nequissimi illi pueruli ab uno ad alterum cursitabant. Ante quodam se in mulieres transfigurabant; antè alios ludicra ædificia formabant, & nescio quid in medium comportabant. Denique apud alios alias nugæ pertractabant. Et quidquid demones exterius tractare videbantur, id monachis illis orantibus in mentem ac phantasiam venit. Quidam è Religiosis illis tanto cum fervore animique attentione psallebant, ut parvulos illos vix accedentes ad se, mox fulguris instar dejecerint, atque in lugam egerint, ita,

ut non

ut non modò nō ampliùs appropinquare, sed ne quidem transire penès illos præsumerent. Aliorum verò etiam colla infidebant suasque fabulas pertactabant. Videns hæc Sanctus Macharius, ex intimo corde duxit suspiria, multisque lachrymâs DEUM precatus est, ut hostes illos malignos à fratribus repelleret. Ad veritatem tamen clariùs indagandam, finitâ psalmodiâ quemlibet è suis Monachis singulatim interrogavit, quibûsnam cogitationibus durante chorò occupatus fuerit? & cognovit, unumquemque illas nugas animò revolvisse, quas dæmones exterius ipsis obicere videbantur. Sed quonam in statu nos versamur, amice lector? num & nos fortè sub Psalmodia liberum dæmonibus aditum præbemus?

Unum adhuc juvat adducere. Refert Cardinalis Bona locò cit. Sæpè vidisse Beatum Hermannum dæmones in choro huc illuc discurrentes. Cumque aliquando ad Matutinū inhoassēt Monachi Psalm: *Domine quid multiplicati sunt*, &c. tantò numerò multiplicarunt se dæmones, tamque importunè circumvagati sunt, ut Religiosi illi turbati, quid agerent, penitùs nescirent. Postquàm autem psalmum hunc brevem magno cum labore ac difficultate finiērunt, cessère tandem immundi spiritus, & Monachi tranquillò animò Matutinas laudes prosecuti sunt. Sic ergo & in Ecclesia

pugnandum nobis est, imò magis, quàm extra illam constitutis: nunquàm enim insolentius infestat hominem cacodæmon, quàm dum ex toto corde ad DEUM se vult convertere.

S. 9.

*Externa quoque reverentia ad horas
Canonicas requiritur.*

NON sola sufficit interna devotio ad decentem horarum persolutionem, (quam quàm necessaria sit) sed opus est insuper externà reverentiâ ac modesta corporis compositione. Si cum aliis in choro quidem confisteres, ac psalleres, sed interim notabili tempore alteri cuidam amicè colloqui, corridere, aut joculari velles, ex mente Theologorum non satisfacisses obligationi tuæ, sed tenereris, horam illam ita neglectim persolutam repetere. Mirum sanè non esset, si JESUS, nunc quoque, ut olim, flagellum faceret, cum eo-que tales indevotos oratores. (verius dixissem illusores) ex Ecclesia eiiceret.

Au verò probari mereatur, si homo sanus ac robustus horas suas sedendo, vel omninò in lecto jacendo persolvat. te ipsum appello. Ad rem facit, quod narrat Sanctus Petrus Damiani; Monachum quendam Cluniacensem, virum cæteroquin probum, bonæque conversationis, cum vespere quodam fatigatus ex itinere, in
lectulo

Stulo suo membra defessa composuisset, in eoque situ horas suas Canonicas, quæ adhuc sibi restabant, persolvisset, sequenti die obvium sibi habuisse peregrinum aliquem crispatis cornibûs, palmamque manu tementem, haud aliter, ac si redux ab Hierosolymis veniret. Cumque unus alterum præteriret, dixisse peregrinum: completorium in lecto, nec salus est, nec profectus. Obstupuit ad hæc verba Monachus: at ubi retrorsum oculos convertit, peregrinus ille, (veriùs Angelus, ut conjectare licet) jam evanuerat.

Hortantur nos Sancti Patres, & præcipuè Sanctus Benedictus cap. 50. Regulæ, ut cum horas Canonicas privatim exsolvimus, *cum tremore Divino flectamus genua*, vel etiam cum reverentia *in conspectu Divinitatis stemus*. Cap. 19. illi, qui in stando, genuflectendo, inclinando, &c. cæremoniis Ecclesiæ se conformant, dum privatim orant, admodum laudabiliter, ac meritoriè operantur.

Refert Sanctus Bonaventura de Sancto Francisco, quòd licèt diversis affectus esset infirmitatibûs, nunquam tamen in Ecclesia sub horis Canonicis ad sedile aut parietem se acclinaverit, sed cum mira reverentia, Sanctæque lætitiæ erectus steterit. In itinere autem constitutus, cum tempus adesset, unam alteramve horam dicendi, nec æstu solis,
nec

nec pluviam aut frigore, nec aliam tempestate impediri se passus est, quin mox in via siteret, suasque horas cum devotione persolveret. Dignum notatu est hoc exemplum, illis præsertim delicatulis, qui adeo indecenter adhærent sedilibus Ecclesiæ, quasi non apud Divinum Officiū, sed domi in lecto suo versarentur.

Si causam te habere existimas, ut horas tuas ambulando persolvas, (quod nonnunquam sine irreverentia fieri potest) mentem piis cogitationibus occupatam teneto: & imaginare, **DEUM** hisce verbis te alloqui: *Genesis 17. Ego DEVS Omnipotens: ambula coram me, & esto perfectus*, perfectamque mihi orationem offer, Horas tuas ex obligatione debitas recitare, dum quis se induit, exuit, manus faciemque lavat, manducat, aliis sua obsequia præstat, aut labore quopiam occupatur, prorsus irrationabile est, præterquam, si necessitas id exigat, aut illud, quod tunc de horis recitas, non sit in notabili quantitate. Aliud est de Orationibus spontaneis ac peculiaribus, quæ in talibus occasionibus optimè ac fructuosè persolvi possunt.

S. Io.

*Accuratè servandæ sunt ceremoniæ
sub horis Canonicis.*

PRæscriptæ inclinationes, genuflexiones, aliaque ceremoniæ sub Sacra Psalmodia, solli.

solicite observari debent. Has qui transgrediuntur, aut neglectim tantum perolvunt, presentibus ibidem Angelis fastidium creant, Divinum Officium inhonorant, & grave sibi ipsis purgatorium conquirunt. Quod ultimum ut eò certius fiat, testem adduco supra dictum Sanctum Cardinalem Petrum Damiani; refert ille de Religioso quodam, qui solitam inclinationem ad *Gloria Patri* communiter intermittere, aut certe non nisi obiter tantum observare consueverat; quod propter hanc negligentiam sequenti pœna post obitum suum multatus fuerit: columnæ cuidam altæ, sed exiguæ latitudinis, è mari surgenti insistere coactus fuit, in eaque die ac nocte ducentis vicibus profundissime se inclinare, idque toties ac tamdiu, quoadusque omnes olim neglectas, aut obiter tantum factas inclinationes supplèset. Idem personæ cuidam alteri Religiosæ, cui apparuit, testatus est, se in hisce pœnalibus inclinationibus tantum horrorem ac cruciatum pati, ac si toties capite deorsum versò in furentes maris fluctus præceps ageretur. Instantissimis dein precibus insistit, ut sibi per Sanctam Orationem, &c. succurreretur.

Omniò cum profundissima reverentia adoranda est Sanctissima TRINITAS, sed & cum externa demississima inclinatione à nobis vilissimis terræ vermiculis colenda: siquidem

dem tota cœlestium civium hirarchia idipsum præstat. Haftenùs benevolò animò percepisti, dum ad confirmationem dictorum historias fide dignas adduxi. Unde hòc locò præterire non possum exemplum aliquòd, uti suave, ad ita præsens intentum peraccommodum, referre, quod fusiùs legere est in libro *de Viris illust: Ord: Cisterc.* Ubi illa tantùm excerpti, quæ ad rem præsentem faciunt: Religiosus quidam prædicti Ordinis longo tempore sub gravi cruce ac persecutione ingemuit. Hic cùm aliquando tempore Matutini cum confratribus suis in choro confisteret, suasque animò revolveret ærumnas, exin tantas cordis angustias persensit, ut neque orare, neque cum aliis in choro perseverare posset. Itaque secedens paulisper, & ante altare quoddam Ecclesiæ genuflexus ibidem coram DEO ac Deiparâ cor suum multis cum lachrymis effudit. Et adeò quidem filialis hæc confidentia MATREM Misericordiæ movit, ut statim videre sibi visus sit Religiosus ille Virginem decoram à latere dextro altaris egredientem, & ad se approximantem. Illam verò sequebatur cœlestis aliquis juvenis. Inter hæc psallebant, sive cantabant in choro Versiculum *Gloria Patri*, cum consueta inclinatione: tunc virgo illa fixo gradu constitit, mirâque reverentiâ caput inclinavit, donec chorus versiculum illum absolvit. ubi rursùm se erigens progressa est ad Religiosum

sum illum afflictum, quem hisce affata est: cessent jam lachrymæ tuæ, ô Vir DEI, & abscedat amaritudo tristitiæ, quæ aded hætenus cor tuum afflixit: reddet quippe DEUS mercedem tibi pro laboribus tuis. scias itaque, quod ego intuitu devotionis tuæ atque fiducia, tibi quidem æternam gloriam; persecutori autem tuo veniam à Domino impetravi. Religiosus ille hæc visione nil perterritus, cum magna confidentia interrogat: precor te Domina, edissere, quod Nomen tibi, quia animam servi tui verbis hisce suavissimis alloqui dignaris? & quis iste, qui sequitur te, adolescens? ad hæc ipsa: Ego sum MARIA, MATER Filii DEI; iste autem est Joannes Evangelista, in cujus me Virgineam curam Filius meus in Cruce commendavit. institit amplius Religiosus: Quod si tu illa es: per quam salus humano Generi facta est quamque creaturæ omnes venerari debent, atque laudare, quæ causa, quod paulò prius tanta cum reverentia caput tuum inclinaveris, tanquam si unus esses Beatorum Spirituum? reposuit piissima VIRGO: noveris, quia quoties mortales in terra cum tremore ac Reverentia honoré Sanctissimæ TRINITATI exhibent, toties omnes virtutes cælorum commoveantur, atque ad laudem Creatoris sui excitentur. his dictis Regina cæli disparuit, nec modò servum suum abundanti perfusum solatio, sed

& ipsum locum, in quo steterat, suavissimo; ac planè cælesti odore fragrantè reliquit, quem non modò Religiosi tunc in choro præsentès cum summa cordium oblectatione hauserunt; sed sequenti à tunc die Prælatus Cœnobii cum aliis de Conventu non sinè ineffabili solatio persenserunt.

An non hæc historia incitamentum tibi præbeat, ut non modò solitas ad *Gloria Patri* inclinationes, sed & alias omnes Divini Officii cæremonias solerti industria veròque internò Spiritu observare proponas?

S. T. T.

*Alia necessariò requisita ad hoc, ut hœ
ra Canonica cymbalo benè sonanti
comparari queant.*

TRia præcipuè ad hoc requiruntur: Primò ut hi, qui psallunt, cum DEO concordēs sint per bonam conscientiam; inter se autem unanimes per charitatem non fistam; denique cum proximo per Sanctum vitæ perfectioris exemplum. Quippe si aut peccatis gravibùs infecti essent, aut mutuas inter sese amulationes, odia, ac discordias foverent, vel aliò quocunq; modò vitâ duserent scandalosâ, omnis ipsorum cantus, oratio, musica quamquàm ad omnes artis regulas concinnata, abominatio foret in auribus Divinis.

Re:

Refert Boverius ad annum Christi 1547.

Virum quendam Sanctum in Ecclesiam aliquam venisse, sub ipsum initium Divinæ Psalmodiæ. Ibi cantabant, psallebant, atque orabant. Sed ecce tibi! non alium auribus suis sonum hausit, ac si toridem canes ulularént. Attonitus hóc portentó Vir Sanctus, conversus ad DEUM ingemuit: ah! Domine mihi, quis híc auribus meis sonus illabitur? Respondit DEUS: mirari desine: hi etenim homines verba quidem Sancta pronuntiant, sed quia vitã malam ducunt, & quasi eis hoc nõ sufficeret, insuper alios plè vivere volentes persequuntur, ónis ipsorũ cantus haud aliter in auribus meis sonat, ac ululatus canum, & gemitus porcorum, omniaque ipsorum verba blasphemiarum locó mihi sunt. Profectó non laudabant hi Dominum in cymbalis benè sonantibus. Avertat à nobis benignissimus DEUS, ne tam discordem symphoniam antè thronum Divinæ Majestatis suæ intonemus.

Secundó oportet, ut voces etiam naturales psallentium ad invicem concordent; v.g. ne unus canter, vel oret alitèr, alter profundius, unus festinè, alter lentè psallat, &c. ubi persæpè magnà discretionè, imò & mortificatione opus est, ut quis cum patientia aliis cedat, seque accommodet. Cæsarius Heisterbacensis Lib. 5. cap. 5. scribit, contigisse aliquando in Monasterio quodam sui Ordinis, quòd

quòd cùm Cantor in Matutino Invitatorium una cum Psalmo: *Venite exultemus &c.* voce nonnihil demissiori ac mediocri inchoasset, Seniores ex Religiosis mox eundem æquali voce profecuti sint. id verò Monachum quendam juniorem adeò ægrè habuisse, ut quinque ferme gradibus altiùs cecinerit. cùm verò Seniores temeritati ejus obnitentes in cæpto tono pergerent, ille pertinaciter resistit, & in eadem, quâ cæperat, altitudine vocis perduravit, inque suam partem alterum chorum pertraxit. (non erat hoc utique cymbalum benè sonans?) cesserunt denique seniores ob scandalum, ac fædam dissonantiam: Sed vidit mox Beatus Hermannus sub id temporis Prior, diabolum cum gaudio è latebris profilientem, atque illa chori parte magna gratulatione ac jubilò gestientem, quòd tandem vocibus suis alteri choro prævaluerint. Nollem ego gratulationem hujusmodi. melius certè est in tali casu, & suavisissima coram DEO musica, si quis cedat, aliosque patienter sufferat.

Tertiò, ut hoc cymbalum honoris ac jubilationis ex omni parte perfectum sit, sollicitus quis debet esse ac providus, ne sub Sacra hymnodia errores aut confusiones contingant, unde oportet, ut juniores Religiosi omnia ad Divinum Officium spectantia solerter addiscant, & ante chorum prævideant ac exquirant. &c. vult Sanctus Benedictus, ad incipientes

entes Religiosos omnino curiose intendi, si felicitati sint ad opus DEI, seu ad Divinum Officium. Sunt tamen nonnulli Religiosi hac in parte satis incurii, similes denticulo inordinate disposito in rota horologii. Hi tales, dum ordo ad ipsos devolvitur, ut aliquid intonent, cœtent, aut psallant, jam sibi præsentes non sunt, ita, ut totus chorus non sine molestia ipsos expectare cogatur; quæ certè consuetudo valde indecens Religioso, & vituperiô pœnâque digna est. Quòd si fortè Religiosus ex humana infirmitate errorem publicum in Divino Officio committat, seque propterea de more humiliet, defectus iste non adeò crassus aut culpabilis est. Vidit Beatus Hermannus, quòd cùm Religiosi errore quodam commisso ita se humiliassent, diabolus quasi turbine actus ab ipsis aufugerit: nequit enim superbissimus Spiritus ejusmodi humiliationes sufferre. Bona Locô cit. quod si observaverimus, magnum inde fructum hauriemus.

S. 12.

Quòd etiam Officium, seu cursus Beatissimæ Virg. aliæque preces Ecclesiastica non sint negligendæ.

Sunt ex Religiosis ac Clericis nonnulli, Sdebitam quidem adhibentes sollicitudinem, ut horas suas Canonicas ritè persolvant, mo-

dicum tamen, aut nihil curant, sine omni etiam causa intermittere cursum Beatissimæ VIRGINIS, Officium defunctorum, Psalmos Pœnitentiales ac graduales, &c. eò quòd hujusmodi preces non obligent sub mortali. Unde ingratum ipsis est Officium de FERIA, & longissima ipsis videtur illa mora temporis, quà una cum aliis in choro has preces recitant: estque ipsis perinde, siue bonas interea, siue vanas mente cogitationes revolvant. Nolumus quidem his obligationem aut periculum majus proponere, ac est in se; dico tamen, & pramonéo, ex hujusmodi crassa negligentia ingens damnum atque periculum oriri posse. Talem si quis interrogaret, quare cursum Marianum cum aliis orare nolit, cum tamen & tempus & occasio ipsi suppetat? cur neque gustum, neque devotionem sentiat, imò vix non exhorrescat, dum Officium de FERIA, aut Defunctorum, vel Psalmi Pœnitentiales aut Graduales dicendi sunt? aut quare cum tam exigua attentione illa persolvat? Respondet, se non teneri, non esse obligationem sub mortali, quòd si autem talis aliquando in periculum vitæ, magnos dolores, tribulationes, necessitates & angustias, imò in terribilem mortis agonem inciderit, ibique Matrem Misericordiæ, Deiparam in auxilium vocaverit, an non fortassis & ipsa tunc retorquebit, non esse se obligatam ad ferendum ipsi auxilium?

Aver,

Avertat LEUS, ne in extrema necessitate mea tam acerbam à Matre Misericordissima repulsam habeā. Amodò igitur, ô MARIA, ad irribilis Mater Redemptoris mei, agnosco me Tibi obligatum, ut ex totis viribus laudem ac mem te, tibi que fideliter serviam. Specialiter autem propono, cursum tuum, aliasque à Sancta Ecclesia ordinatas preces, quamquàm sub nullo mortali obligantes studiosè ac devotissimè ex filiali ergà te affectu persolvere, ut & tu vicissim mihi in necessitatibus meis, & in illo præsertim extremo articulo, materno affectu succurras.

Nova præterea sollicitudine ac metu afficior, quando notam illam visionem S. Edmundi recogito: hic Sanctus laudabili more, præter quotidianum pensum Canonicum, etiam cursum Beatæ VIRGINIS, Officium defunctorum, & pulchram illam orationem à *Intemerata*, omni die recitare consueverat. Cùm autem die quodam ob labores scholasticos prædictæ orationis oblitus fuisset, sequenti nocte apparuit ipsi Sanctus Apostolus & Evangelista Joannes, baculum manu gestans, vultuque minaci Edmundum intuitus, manum suam ut porrigeret jussit: elevavit dein baculum, quasi validum ictum impacturus. Sed mox posita ira, ictuque suspenso, verbis illum paternis hortatus est, ne consuetam illam, sibi que tam acceptam orationem unquam ampliùs intermitteret.

Oz

Quòd

Quòd si amabilissimus alias Joannes hunc pium, imò Sanctum adolescentem tanta acerbitate corripere minatus est, ideò tantum quòd orationem aliquam spontaneā, & nullò modò obligantem ex fervore studiorum recitare fuerit oblitus, meritò & nobis timendum est, **DEUM**, Beatissimam **VIRGINEM**, ac Beatos Cœlites non impunè laturos, si preces ab Ecclesia ordinatas, cito, non obligantes sub mortali, ex mera negligentia aut penitus omittamus, aut cum voluntariis distractionibus persolvamus.

S. 13.

*Quenam requiratur Intentio ad Horas
Canonicas ritè persolvendas?*

NON benè ageret Religiosus aut clericus quisquam, si ità suis suorumque commodis intentus esset, ut horas Canonicas semper aut pro se solo, aut pro consanguineis & amicis, aliisque privatis necessitatibus applicaret. Oportet nonnunquam, (imò potiori ex parte) altiorem finem respicere, & horas Canonicas etiam pro salute & incolumitate Ecclesiæ, pro concordia Christianorum Principum, pro extirpatione Hæresum, pro Patria, pro Communitate aut Congregatione, in qua quis degit, aliisque communibûs necessitatibus offerre. Ità docet nos, atque hortatur S. Paulus 1. Tim. 2. v. 1. his verbis: *Obsecro igitur, præmum omni-*

um fieri obsecrationes, orationes, postulationes, gratiarum actiones. pro omnibus hominibus, pro Regibus & omnibus, qui in sublimitate sunt, ut quietam & tranquillam vitam agamus, in omni pietate & castitate. Hoc enim bonum est, & acceptum coram salvatore Nostro DEO, qui omnes homines vult salvos fieri, & ad agnitionem veritatis venire. Hucusque Sanctus Apostolus.

Nullam facere intentionē, sed simpliciter tantum & quasi in obscurō recitare horas Canonicas, signum est spiritualis acediae aut torporis. Hinc meum quidem consilium est, ut ad minimum generalem intentionem facias ante horas Canonicas, quod scilicet illas recitare velis ad eum finem, quem DEUS tuæ obligationi ac statui maximè consentaneum, nec non tibi, tuis, Patriæ, congregationi, imò toti Ecclesiæ maximè proficuum ac necessarium esse novit. Poteris etiam, si placuerit, rogare Dei-Param VIRGINEM, Sanctum Angelū Custodem, aut alium ex Sanctis Patronis tuis, ut tui locō intentionem facere, tuasque horas ante Thronum DEI offerre dignetur.


Olim in bonum incipientium ac simpliciorum præsertim Religiosorum in lucem edidi varia exempla bonarum intentionum pro vivis ac defunctis, & præcipuè pro communibus necessitatibus, ad quas pro interim Lectorem Benevolum remitto; animitus optans, ut persolutio officii nostri Canonici à DEO totaque co-

lesti curia tanquam Cymbalum benè sonans
 acceptetur, quarendis sic *cantemus canticum Domini*
in terra aliena hujus exilii, Psalmo 136.
 versu s. ut aliquando Sanctissimam Tri-
 adem cum Electis omnibus aeternum
 laudare ac glorificare mereamur.

I. O. G. D.



Sacer-



SACERDOS

BENEDICTIVS

Sacra Regula, & vice Christi

Conformis.

SANCTISSIMUS Legislatoꝛ noster BENE-
DICTUS in Regulâ Divino Spiritu a se
scriptâ, Caput 62. Ejusdem S. Regulæ in-
scribit *De Sacerdotibus Monasterij*, in quo magi-
straliter docet omnes condiciones promoti ad
dignitatem Sacerdotalem in suo Ordine, pla-
nè per omnia conformes Sanctissimis Exem-
plis & Doctrinis Summi Sacerdotis Christi
JESU, quas vt bene perpendant & observent
Sacerdotes Benedictini, easdem pauculisquæ-
stiunculis considerationi subijcio.

Textus S. Regulæ sic sonat:

Si quis Abbas sibi Presbyterum, vel Diaco-
num ordinare perierit, de suis eligat, qui di-
gnus sit Sacerdotio fungi. Ordinatus autem,
saveat elationem aut superbiam. Nec quic-
quam præsumat, nisi quod ei ab Abbate præ-
cipitur, sciens se multò magis disciplinæ Re-
gulari subditum. Nec occasione Sacerdotij
obliviscatur Regulæ obedientiam & discipli-
nam, sed magis ac magis in Domino proficiat.

A

Lo.

Locum verò illum semper attendat, quo ingressus est Monasterium præter Officium Altaris, et si fortè electio Congregationis & voluntas Abbatis pro vitæ merito eum promovere voluerit. Qui tamen Regulam à Decanis, vel Præpositis constitutam sibi servandam sciat: quod si aliter præsumpserit, non ut Sacerdos, sed ut rebellis judicetur. Et sæpè admonitus si non correxerit, etiam Episcopus adhibeatur in testimonium. Quod si nec sic emendaverit, clarescentibus culpis, projiciatur de Monasterio: si tamen talis fuerit ejus contumacia, ut subdi aut obedire Regulæ nolit

Q. 1. Cur dicatur: ut Abbas de suis eligat?

R. Juberi Abbatem de suis eligere, ut pote quorum vitam & mores tanquam Pastor ovium suarum, qui singulas vocat nominatim, magis perspectam habere censetur, quàm extraneorum. Valdè autem notanda est particula *Eligat*, quæ innuitur *Primò* subditos non debere se ipsis affectare tam sublimem promotionem, multò minùs importunis modis & vijs se ingerere, aut tritari de negatâ, vel dilatâ ejusmodi promotione. *Secundò*, Abbati incumbere, ut suorum vitam & mores intimè scrutetur, & sic demùm ad electionem pro tanto Ministerio procedat &c. *Tertiò*, etiam in illis Monasterijs, ubi omnes post legitimam ætatem ad Sacerdotium promoveri solent, præfa-

præfatam vitæ & morum considerationem non esse omittendam, quia ejusmodi consuetudinis vel statuti finis non est, ut omnes promiscuè nullo habito delectu & respectu ad vitam &c. etiam indigni promoveantur, sed eò principaliter tendit, ut in talibus Monasterijs tam Abbas quàm subditi in id majore studio incumbant, ut quisvis post legitimam ætatem dignus inventiatur, qui ad Sacerdotium promoveatur. Consuetudo igitur & statutum hujusmodi majorem tam Abbati, quàm subditis imponit obligationem, ut quisvis pro suo possit totis viribus allaboret, ea devitare, quæ ejusmodi promotioni impedimento esse, & ea agere, quæ coram DEO ea dignum efficere possunt.

Videndum nunc, quem modum in promovendis ad Sacerdotium tenuit Summus Pontifex noster Christus, quasvè doctrinas hæc de re nobis reliquerit. Toto triennio antequam primos novæ legis Sacerdotes ordinaret, eos summa curâ & sollicitudine instruxit, & varijs modis eorundem aptitudinem probavit, uti palam est omnibus SS. Evangelia legentibus: immediatè verò ante institutionem hujus Sacramenti & Eorum Consecrationem, expressis verbis protestatus est dicens: *Ego scio, quos elegerim*, Joan. 13. quibus certè aliud indicare noluit, quàm delectu opus esse in promovendis ad tantam dignitatem. De non affectanda, nec se intrudendo ad hanc dignitatem, præ-

clarissimus extat Textus ad Hebr. 5. v. 4. *Nec quisquam sumit sibi honorem, sed qui vocatur à DEO tanquam Aaron.* Sic & Christus non semetipsum clarificavit, ut Pontifex fieret, sed qui locutus est ad Eum: *Filius meus es tu, ego hodie genui te; quemadmodum & in alio loco dicit: Tu es Sacerdos in aeternum secundum Ordinem Melchisedech;* perpende singula hujus Textus verba. mi Religiose, & vide, an tu sis melior Christo?

Q. 1. Quisnam dignus censi debet fungi Sacerdotio?

R. Absque speciali revelatione non posse haberi certitudinem evidentem, aut infallibilem de cujusquam dignitate ad recipiendum Sacerdotium: loquendô itaque, de morali ejus modi certitudine, præscindendo ab ijs, quæ Spiritum non concernunt (nam hîc solùm de Spirituali dispositione sermo est) ille conformiter ad mentem Sanctissimi Legislatoris nostri dignus esse videtur, ut ad Sacerdotium promoveatur, qui sequentibus conditionibus instructus esse dignoscitur.

Prima Conditió est, *ut DEVM verè quærat.* Ille DEVM verè quærit, cujus tota cordis intentio fertur in DEVM, & ad Ejus SS. voluntatem & legem in omnibus adimplendam, abnegatâ & devictâ omni propria voluntate, quæ huic contrariatur. Quod intelligendum est de adimplerione Divinæ Voluntatis non solùm in rebus magnis & gravibus

bus, sed etiam in rebus parvis, quā & minimis. *Æternæ Veritatis* effatum est *Luc. 16. Qui fidelis est in minimo, & in majori fidelis est, & qui in modico iniquus est, & in majori iniquus est.* Ex quo legitimè inferitur, eum qui fidelis est in adimplenda voluntate Divina in minimis, etiam ad majora Eidem Divinæ voluntati conformiter petractanda aptum fore: e contra verò illum, qui in modico iniquus est, indignum fore, qui ad majora admittatur, ne etiam hæc iniquitate sua contaminet. Inter hæc autem *majora* sine dubio jure merito computatur Sacerdotium, quo proinde ille dignus erit, qui prius in minimo se fidelem probaverit. Talis certè fuit Summus Pontifex noster Christus JESUS, qui de se ipso *Matth. 5.* ait: *Nolite putare, quoniam veni solvere legem aut Prophetas: non veni solvere sed adimplere. Amen quippe dico vobis, donec transeat Cælum & Terra, jota unum, aut unus apex non prateribit à lege, donec omnia fiant.* Quibus verbis ad Discipulos suos directis, Eos quoque erudit, quid Eos agere oporteat, ut ad magna, quæ in Eisdem operaturus erat, se adaptent.

Ad hanc conditionem spectat verè pura & sincera intentio ex parte promovendi ad Sacerdotium. Qui per hanc summam dignitatem aliud quærat quàm DEVM, ea hoc ipsò indignissimus est. Porro fines, qui maximè apud Religiosos vitare possunt prædictam inten-

intentionis puritatem, serè sunt isti: si quis de-
sideret Sacerdotium, ut deinceps liberius vi-
vat, suisque commoditatibus magis indulge-
at: ut sit in majori æstimatione hominum,
ut indulgentius impotèrùm tractetur &c. Hi
& similes fortè etiam, quod ablit, pejores fi-
nes, licèt fortè in exterioribus non appare-
ant, certè coram DEO, qui scit cogitationes
hominum, talem Religiosum reddunt planè
indignum Sacerdotio. Cùm enim Sacerdo-
tes sint de primariâ classe Servorum Christi,
quomodo hi, amoris & honoris proprij man-
cipia apterunt Servitio Christi, cùm ipso-
met Teste Luc. 16. *Nemo possit duobus Dominis
servire, & S. Apostolus expressis verbis Gal.
5. dicat: Qui Christi sunt, carnem suam crucifixe-
runt cum vitijs & concupiscentijs.* Item ad Gal.
1. de se ipso loquens ait: *An quaro hominibus
placeret si adhuc hominibus placerem, Christi servus
non essem.* Præterea, si quis ad Thronum Re-
gium aspiraret, ut tempus captandis mutcis,
alijsque puerilibus, ne dicam sordidis occupa-
tionibus falleret, quis quæso talem regali dia-
demate dignum censeret? Quid verò aliud est
Sacerdotium novæ legis, nisi Regalis digni-
tas, ita pronuntiante Apostolorum Principe
1. Pet. 2. *Vos autem genus electum, Regale Sacer-
dotium, gens sancta &c.* Quomodo igitur eâ-
dem dignus erit, qui hâc tanquam medio aut
conditione ad fines tam abjectos, vanos, no-
xios,

xios, ac DEO displicentes uti peroptat? Ali-
ter omnino procedendum esse suo præclaris-
simo exemplo nos edocuit Divinus Magister
qui, ut quanta intentionis puritate ad Sacer-
dotium suscipiendum quisque se disponere de-
beat, nobis palam faceret, Ordinationi Apo-
stolorum celebratissimam illam pedum lotio-
nem præmittere voluit, in qua speciali notâ
dignissima sunt verba ad Petrum, hanc pedum
mundationem regulare volentem, directâ: *ni-
si laveris te, non habebis partem mecum*. Quasi di-
ceret: tamen si Petre cæteroquin mundus sis,
quia tamen inquinatos adhuc pedes habes
(NB. per pedes intelligunt SS. PP. affectus
animi) nisi ab his quoque munderis sordibus
non habebis partem mecum. Quæ verba ex-
ponens Menochius ait: non habebis partem
in familia meâ, in mensâ meâ, præsertim Eu-
charistica, & consequenter nec in Ordinatione
Sacerdotali, quæ tunc erat peragenda. Si
igitur Divinus Magister Petrum, quibusdam
inordinatis affectibus maculatum, a Sacerdo-
tio excludere voluit, nisi antecederet ab his
mundaretur: quomodo Judicio Divino Sa-
cerdotio digni habebuntur illi, qui non solos
pedes, sed & manus, & caput inquinatum ha-
bent, & non tantum prius non mundantur,
sed ided accedunt, ut impunè magis ma-
gisque lordeſcant &c.

Secunda, Conditio est, ut sit sollicitus ad
opus

opus DEI. Nomine Coperis DEI intelligo, quid-
 quid ad cultum DEI immediatum pertinet.
 Hoc est opus proprium Servorum DEI, &
 qui in hoc fidelis & sollicitus non est, neque
 dignus est, ut ad interiora servitia Domini
 sui admittatur. Porro in specie loquendo de
 personâ Religiosâ, necesse est *Primò*, ut Deo
 fideliter reddat vota sua, quibus DEus ab ipsâ
 coli vult & desiderat. Hunc cultum omni ju-
 re debitum qui negat Optimo DEO suo, non
 est dignus, qui ab Eodem summo honore Sa-
 cerdotij afficiatur. Unde Regius Propheta in
 eod. Psalm. 115. dum oblationis Sacrificij,
 quod est officium proprium Sacerdotum, men-
 tionem facit, præmittit & mox subjungit, *se*
redditurum vota sua, ut ostendat, exactam voto-
 rum redditionem præcedere, & subsequi oport-
 ere Sacerdotij susceptionem. *Secundò*, ut sum-
 mè æstimet & diligat cultum Divinum præ-
 fertim publicum, qui DEO exhibetur in
 Choro & Psalmodiâ. Cultus iste proximè ac-
 cedit ad illum alterum qui DEO nostro ex-
 hibetur per Sacrificia, imò in Psalmis nuncu-
 patur Sacrificium: *Sacrificium laudis honorifica-*
bit me. Pla. 49. Qui igitur in hoc cultu DEO
 exhibendo negligens est & incurius, is mani-
 festum præbet indicium, quòd promotus ad
 Sacerdotium, in cultu Eidem Domino exhi-
 bendo per Sacrificia & alias Sacerdotales fun-
 ctiones, æquè sit futurus negligens & incurius
 & conse.

& consequenter indignus sit, qui ad eas depu-
tetur, ne maledictionem Divinam noviter in-
currat, cū scriptum sit: *maledictus, qui facit
opus DEI negligenter.* Ierem. 48. Tertiò, ut non
perfunctoriè, sed cum magna applicatione &
solicitudine obeat exercitia Spiritualia reli-
qua, nimirum orationem mentalem, & voca-
lem, Lectiones Spirituales, Examina &c. nam
sine his paulatim marcescit, ac penitus emori-
tur bonus Spiritus, quo factò, quomodo, qui
ejusmodi est, dignus erit fungi Sacerdotio?
Cū LEUS eos, quos ad Sacerdotium eligit,
velit esse totos floridos & plenos fructibus bo-
norum operum, uti patet ex Virgā, quam vo-
luit esse signum ejus, quem Ipse in Sacerdotem
elegisset, quæ non erat Virga arida & exsucta,
sed gemmulas germinans, ac insuper flores,
folia & fructus producens.

Exempla Christi Summi Sacerdotis in hoc
genere sunt notissima, quibus non solos Di-
scipulos, sed omnes, quotquot eorum, præser-
tim in Sacerdotali gradu, futuri erant Secta-
tores, mirificè erudit, quantum eis cordi esse
debeat opus Divinum omni sollicitudine per-
ficere. Labet vnicum textum Joan. 4. pensu-
latius considerare: *Mens cibis est,* ait Divinus
Magister ad Discipulos suos, *ut faciam volunta-
tem Ejus, qui misit me, ut perficiam opus Ejus.* Qua-
si diceret: tantam gero sollicitudinem perfici-
endi opus Patris mei, quantam homines ge-

runt

runt de cibo corpori necessario, hæc mea quotidiana occupatio, hæc vegetor, hæc vivo. Nam quemadmodum homo ille, qui de cibo corporali nullam gerit curam & sollicitudinem, paulatim viribus omnibus ac vita ipsa destituatur, necesse est, ita diu Spiritu vivere non potest, qui hoc necessarium alimentum ei præbere omittit. Hoc suo exemplo tacite monebat Christus Discipulos suos, ut ea, quæ DEI sunt, summè cordi haberent, si Ejus imitatores, & in Sacerdotio, ac animarum ad DEVM reductione, quod est officium proprium Sacerdotum, Successores esse velint.

Tertia Conditio est, *ut sit sollicitus ad Obedientiam*. Certè ingens foret audacia, inobedientem & refractarium Servum accedere ad tractanda illa Mysteria, ubi Ipse rerum omnium Dominus & Creator sese creaturæ suæ lubens subdit imperio, ac pro libitu secum agi patitur. O quanta in Summo Sacerdote nostro hujus virtutis resplendent exempla! quid enim erat Ejus tota Sanctissima vita, nisi continuum perfectissimæ Obedientiæ exercitium, cum scriptum sit de illo: *erat subditus illis* Luc. 2. item: *Factus Obediens usque ad mortem, mortem autem Crucis.*

Notum est omnibus Crucem Altaris vicem subiisse, in quo Pontifex Christus JESUS semetipsum pro salute nostrâ Eterno Patri crucentam

entem Hostiam immolavit; voluit ergo huic
 cruento Sacrificio, quod est ejusdem speciei
 cum nostro incruento, tanquam præparatio-
 nem inter alias præcipuam præmittere Obedi-
 entiam, non unius vel alterius anni, sed à pri-
 mo Conceptionis instanti usque ad ultimum
 vitæ inclusivè, eamque omnibus numeris abso-
 lutissimam, quò factò omnes suos in Sacer-
 dotio Successores monitos voluit, quanti mo-
 menti sit ad dignè Sacrificandum, sese per con-
 tinuatum & perfectum hujus virtutis exerci-
 tium præparare.

Quarta Conditio est *Humilitas*. S. August.
 Serm. 10. de Verb. Dom. *Cogitas, inquit, ma-*
gnam fabricam construere celsitudinì, de fundamento
priùs cogita humilitatis. O quàm excelsa res est
 Sacerdotio fungi! ergo quemadmodùm fabri-
 ca ante celsitudinem humiliatur, ita nemo se-
 cure, nisi post humiliationem profundissimam
 fastigium Sacerdotale conscendit. Hanc veri-
 tatem ut intimè cordibus Discipulorum suo-
 rum, primorum novæ legis Sacerdotum, im-
 primeret Dominus noster, usque eò inauditæ
 humilitatis exemplum eorundem Ordinationi
 præmittere voluit, dum referente S. Joan.
 Evang. Cap. 13. Surrexit à Cœna, posuit ve-
 stimenta sua, accepit linteum, præcinxit se, mi-
 sit aquam in pelvim, & cœpit lavare pedes Di-
 scipulorum suorum, & extergere linteo, quo
 erat præcinctus. Taceo alios miros modos,
 quibus

quibus in hac virtute Discipulos suos frequentissimè exercuit, eosque ut à se hanc virtutem discerent, est cohortatus.

Dices. has Conditiones à Sanctissimo Legislatore præscriptas fuisse Novitijs, ut per has ad proficiendum Statum Religiosum se præpararent, non autem Professis, ut earundem exercitatione dignos se redderent, qui ad Sacerdotium eligantur.

R. Sanctissimum Legislatorem non eâ mente præscripsisse Novitijs has conditiones, ut emissâ professione ab earundem exercitatione desisterent, sed ut indies magis in ejs proficerent; & hoc tantò ampliùs, quantò ad subliorem statum essent evehendi. Cujus rei necessitas inde comprobari potest, quòd nullus in Ordine nostro deficiat, nisi qui ab unâ vel pluribus istarum conditionum recedit: & quòd status Sacerdotalis ijs non solùm non profit, sed maxime damnosus existat, qui hisce conditionibus destituti inveniuntur, ut in fine exemplò Judæ proditoris declarabitur.

Q. 3. Quænam actualiter Ordinato Presbytero præscribat SS. Legislator?

R. *Sequentia.* *Primò*, ut caveat elationem aut superbiam. *Secundò*, ut nihil præsumat, nisi quod ei ab Abbate præcipitur, sciens se multò magis disciplinæ Regulari subditum. *Tertiò*, ut occasione Sacerdotij non obliviscatur Regulæ Obedientiam & Disciplinam, sed
magis

magis ac magis in Domino proficiat. *Quartò* ut locum semper illum attendat, quo ingressus est Monasterium. *Quintò*, ut etiam inferiorum Officialium Regulari ordinationi se subdat. Nunc singula expendamus. Sit igitur.

Q. 4. In quibus rebus, & quâ de causâ pri-
marîo elationem & superbiam fugere jubea-
tur promotus ad Sacerdotium?

R. In tribus præcipuè cavendam esse elationem aut superbiam ei, qui ad Sacerdotium promotus fuit. *Primò*, Ne hanc promotionem suis meritis ullâ ratione adscribat, sed oculos potiùs continuò ad suum nihilum & indignitatem reflectat, cum profundissimâ humilitate perpendens suam vilitatem & peccata, ob quæ meritò repelli debuisset, ne Sacerdotio fungeretur, nec sibi vanè complacet, aut quidquam sibi de illo honore arroget, qui huic gradu Sacerdotali deferri solet, dicat verò cum Psalmista DEO: *Non nobis Domine, non nobis, sed Nomini tuo da Gloriam.* *Secundò*, Ne occasione Sacerdotij minùs circumspèctus sit, ac de suis viribus præsumens, sese periculis labendi exponat, quin potius suam fragilitatem semper suspectam habeat, magisque orationi & vigilantix incumbat. *Tertio*, Ne ob sublimitatem hujus statûs cuiquam se in animo præferat, sed magis exempla humilitatis omnibus det, semperque sit memòr illius doctrinæ S. Basil. Serm. de abdic. Rel. dicentis: *Non te gradus Cleri*

Cleri extollat, sed potius humiliet: progressui enim anima progressum humilitatis facere debet: quando magis ad Sacros gradus te accedere contigerit, tantò magis humilia te ipsum.

Porro causa, ob quam SS. Pater primò locò promotis ad Sacerdotium superbiæ fugam commendat, desumi potest à proclivitate lapsus in hoc vitium, & necessitate virtutis oppositæ: nam vt S. Greg. Pap. Past: p. 3. c. 6. ait: *Humana mens plerumque extollitur, etiam cum nulla potestate fulcitur, quando magis in altum se erigit, cum se etiam potestas adjungit.* Experti sunt hoc Apostoli, qui vix Sacerdotiò initiati, teste S. Luca cap. 12. quæstionem de majoritate inter se movere cæperunt: *Facta est autem & contentio inter Eos, quis eorum videretur esse major.* Quapropter humilitatis Magister Christus JESUS, vt hanc Humilitatis doctrinam, quam ante eorundem Ordinationem exemplò & verbò proposuerat, ejusdem penitus imprimeret, iteratò pulcherrimâ instructione ac adductis rationibus confirmavit dicens: *Reges gentium dominantur eorum, & qui potestatem habent super eos, benefici vocantur. Vos autem non sic, sed qui major est in vobis, fiat sicut minor, & qui præcessor est, sicut ministrator. Nam quis major est, qui recumbit, an qui ministrat? nonne qui recumbit? Ego autem in medio vestrum sum sicut qui ministrat.* In quæ verba Barradius Tom. 3. Lib. 6. c. 10. apud Ethnicos, inquit, quibus Divina Lux non af-

fulsit

fulsit, solent Principes Ethnici dominari hominibus sibi subiectis, & qui majores inter eos sunt, potestatem in inferiores exercere. At vos longè ab Ethnicis distare debetis; Ethnicis relinquitte ambitionem & superbiam; aliam animo concipite exultationem. Quicumque voluerit inter vos major fieri, sit vester minister, & qui voluerit inter vos primus esse, erit vester Servus. Inter Ethnicos major est, qui superbè dominatur, inter vos qui voluerit esse major, minister omnium erit &c. Non sunt nostra, inquit Chrysostomus, externis similia. Nam apud gentes, qui Principes sunt, ipsi dominantur; apud me autem, qui ultimus est, summa tenet &c. Hieronymus: ad summam virtutum non potentiâ, sed humilitate venit. Exemplo dein suo humilitatis documentum probat Dominus: nonne Christus Dominus erat Orbis totius: nonne potestate Divinâ præcellebat? nihilominus ad ministrandum venit humiliter, & moriendum, non ad dominandum arroganter. Hæc ille. Duplici ergo motivo suos Christus ad humilitatis continuæ exercitium cohortatur *Primo*, ne fiant similes Ethnicis, qui quo ad majorem gradum dignitatis evehuntur, eò plus superbunt. *Secundo*, suo proprio exemplo, qui licet esset omnium Supremus Dominus, non tamen venit in terram ministrari, sed ministrare. Præterea aliud quoque insigne humilitatis docu-

documentum reliquit Divinus Magister Discipulis suis jam à se Sacerdotali dignitate decoratis, cum enim videret eos, & præ omnibus Petrum, nimium de suis viribus præsumentes, nec satis sollicitos ad se se munendum contra ingruentia à suo Magistro deficiendi pericula; serio eosdem suæ fragilitatis admonuit, prædicendo omnes eadem nocte scandalum passuros ac dispergendos, simulque commoneo, ut orationi & vigilantia insistant, ne in tentationem incidere contingat. Nominatim verò Petro, qui præ reliquis omnibus præsumptuosus videbatur, non contentus semel prædixisse sui negationem, ex mente S. August. *Lib. 3. de Conf. Evang. Cap. 2.* ter eandem negationem ei prædixit. Hoc, inquit, esse credibilibus, quod ter ostenderit præsumptionem suam Petrus, & de trinâ suâ negatione ter à Domino audiêrit, ex ipsis Evangelistarum verbis probatur. Sic ille. Insuper dum hâc trinâ prædictione necdum satis emendatus esset Petrus, ut suam ei fragilitatem ad oculum demonstraret, ac necessitatis orandi & vigilandi admoneret, postquam in hortum egressus orationi aliquamdiu incubuisset, reversusque ad Discipulos, eosdem dormientes invenisset, ad Petrum sermonem dirigens ajebat: *Simon dormis? non potuisti unâ horâ vigilare? vigilate & orate, ut non intretis in tentationem.* Quasi diceret: siccine ô Petre, qui trinâ asser-

tione

tione te inter omnes fore constantissimum, paratumque mecum & in mortem ire præsumptuosè nimis jactasti, non potuisti tu unâ horâ vigilare mecum? ergo ex hac tuâ inconstantiâ vel nunc tandem imbecillitatem tuam intellige, ac tuis viribus diffusus, ne in graviora pericula ruas, orationi ac vigilijs insiste, quantumvis enim Spiritus tuus, & tuorum Condiscipulorum promptus, caro tamen infirma est & imbecillis, ideoque necessariò omni conatu vigili oratione corroboranda &c.

Ex quibus omnibus patet, quàm sapienter & Christi exemplis conformiter SS. Pater Benedictus primo loco promotis ad Sacerdotium Humilitatem commendat, cum Ipsa Divina Sapientia tantoperè laborarit, ut Discipulos suos jam Sacerdotes novæ legis à se creatos hanc virtutem probè edoceret. Discant etiam Sacerdotes, quanti momenti sit hæc virtus ad in omni bono persistendum; si enim Discipuli, & nominatim Petrus, qui tot jam specimina sui in Christum amoris edidère, quia tamen adhuc nimium in se ipsis confidebant, & conformiter monitis sui Magistri satis sollicitè contra instantia pericula non semunière, turpiter prolapsi sunt; quid fiet illis, qui multa alia elationis & superbiæ indicia præbent, ac forsàn nullius jam se egere auxilio existimant, atque ultrò se periculis obijciunt &c.

Q. 5. Quid circa secundum punctum q. 3.

B

descri-

descriptum; observandum sit promotio ad Sacerdotium.

¶ Jacto solidissimo humilitatis fundamento, studiosè curandum, ne sub quocunque colore aut prætextu Obedientiæ Superioribus debita intermittatur, aut saltem minuatur. Solet astutissimus humani generis hostis, qui optimè novit, quantum veri obediētes ad ejus machinationes evertendas roboris habeant, omnibus modis procurare, ut hujus virtutis necessitatem ac æstimabilitatem abscondat, imò si fieri possit, etiam varijs propositis Sophismatibus persvadeat, vivere in continuâ subjectione, ac omnimodâ dependentiâ rem esse prorsus puerilem, vilem & despectam, ac proinde illis minimè convenire, qui sibi ipsis sufficiunt, nec pueri, nec abjectæ conditionis, sed sapientes, ac ad sublimem dignitatis, præsertim Sacerdotalis gradum evecti sunt &c.

Contra has & similes antiqui hostis insidias ut suos filios communiter pius Pater, secundo loco promotis ad Sacerdotium præscribit, ut ab Obedientiâ, subjectione majoribus debita, nec latum unguem recedant, firmiterque sibi persvadeant, se defacto non minùs, sed multò magis disciplinæ regulari subditos: quibus verbis insuper innuitur, Sacerdotij dignitatem non solum neminem liberare aut absol- vere à lege & observatione Regulæ, imò Sa- cerdotij causâ diligentius atque perfectius

Regu-

Regulæ præcepta esse servanda, verum etiam transgressores Sacerdotes non liberari à castigatione, sed acrius etiam corripiendos. Quò enim gradus est altior, eò casus gravior: tum ratione scandali & mali exempli, quod magis noxium est à Sacerdote, quàm à minore; tum ob violationem majoris dignitatis, & Ordinis, quem gerit. Malè ergo ageretur cum illo Sacerdote, qui licet frequentes transgressiones Regulares admittere parùm pensi haberet, nihilominus corripì aut puniri propterea nollit, existimans hunc procedendi modum erga juniores quidem rectè observari, at respectu Sacerdotum aut irreverentiam, aut indiscretionem esse. Verum aliter sentit & præscribit Sanctissimus Legislator, aliter docuit Christus, quorum uterque intimè novit pensare Sacerdotalis gradus dignitatem.

Nam primò, loquendo de Obedientiâ & subjectione majoribus debitâ, quæ excellentior & perfectior excogitari potest, quam fuit illa Christi summi Sacerdotis, DEI Hominis? audiatur de hac Apostolus ad Hebr. 5. *Et quidem cum esset Filius DEI, didicit ex ijs, quæ passus est, Obedientiam.* Quæ verba hunc in modum exponit Menoch. Sensus est, inquit, cum esset Filius DEI, cui proptèrèa immortalitas, & gloria Corporis, & exaltatio Nominis sui debebatur, pati voluit, & per passionem didicit Obedientiam, id est, experimento cogno-

vit vim & præstantiam Obedientiæ; quàm grata DEO sit, & quanta bona conciliet, nam quod ut Filio debebatur, per Obedientiam passionis meruit & obtinuit. Hæc ille. Quis igitur Obedientiam ut rem vilem, contemptam, ac solis pueris convenientem accusabit, cùm Ipse DEI Filius, ac Sacerdos in æternum tanti æstimârit, & practicârit.

Reflectendo dein ad alterum hujus puncti membrum, certè minimè dissimulavit Divinus Magister Discipulorum defectus, etiam post adeptam Sacerdotij dignitatem admissos, ut enim nihil dicam de ijs, quæ in præcedenti quæst. circa contentionem, præsumptionem, & somnolentiam allata sunt, ubi condescendens eorum infirmitati mitibus solum verbis errorem ostendit, post resurrectionem tamen non omisit Eos liberius reprehendere: unde Discipulis euntibus in Emaus dixit: *O Stulti & tardi corde ad credendum &c.* Petro curiosè sciscitanti, quid de Joanne futurum esset? respondit, *quid ad te, tu me sequere*, non obstante, quodd Eum paulò antepro sui summæ in terris Vicario declaraverit. Iterum interrogantibus de Regno restituendo dixit: *non est vestrum nôsse tempora & momenta &c.* & tandem novissime recumbentibus illis undecim apparuit, & exprobravit incredulitatem Eorum, & duritiam cordis &c.

Q. 6. Qualiter in praxim deducenda sint
verba

verba: ut occasione Sacerdotij non obliviscatur Regula Obedientiam & Disciplinam, sed magis ac magis in Domino proficiat?

R. His verbis exstimulari Sacerdotes ad continuum profectum, etsi nullus esset, qui Eisdem ad hunc extrinsecus adigeret. Non est ergo contentus SS. Legislator solum Superiori expressè quidpiam præcipienti aut prohibenti parere, uti præcedenti puncto dictum est, sed insuper requirit in ipso subdito continuum studium & conatum ad perfectionem Religiosam & conformationem morum cum suâ S. Regulâ, etiamsi ad hoc nullus Superior adigat: & licet conatus iste etiam in non Sacerdotibus inveniri debeat, speciali tamen titulo id Sacerdotibus præscribitur: tantò enim perfectiorem esse oportet Sacerdotem Monachum, quantò perfectiùs Sacerdos ad Altare non tam imitari tenetur, quàm referre Christum, & Christum quidem vsque ad mortem (nullo cogente) obedientem, Agniculum factum pro nobis omnibus holocaustum & Sacrificium, inquit Gerardus Belga. Unde etiam Christus, postquam Apostolos Sacerdotio initiavit, prolixum ad Eos sermonem habuit, in quo Eis omnimodæ perfectionis documenta tradidit, atque ad eorundem executionem est exhortatus.

Quod verò modum hoc practicè exequendi attrinet, sanè præclarissimus erui potest ex illis

illis ipsis, quæ Christus Dominus Noster ab-
solutâ Cænâ, in quâ Discipulos novæ legis Sa-
cerdotes, ut sæpè dictum est, ordinavit, Eos-
dem docere dignatus est, quæ nostræ S. Re-
gulæ accommodata Sacerdotibus nostris Phari-
sæis lumen præbent, quo securi ad perfe-
ctionis portum pertingant. Sopita contenti-
one Discipulorum, & traditis solidissimis hu-
militatis documentis. de emendis gladijs Ser-
monem subinfert divinus Magister: patet au-
tem ex alio Evangelio Matth. 10. per gladi-
um indigitari abnegationem, ait enim: *non veni
pacem mittere, sed gladium, veni enim separare ho-
minem adversus patrem suum &c.* quasi diceret:
nunc Charissimi Discipuli novæ legis Sacerdo-
tes à me constituti, si unquam aliàs, nunc cer-
tè gladijs vobis opus esse sciat, velim. nunc
ampliùs amputanda omnis affectuum inordi-
natio, nunc perfectiori modò practicanda do-
ctrina olim vobis à me tradita: *qui vult venire
post me, abneget semet ipsam:* hæc Christus: hæc
ipla S. P. Benedictus suis sectanda proponit:
quid enim aliud abrenuntiatio, de quâ in *prin-
cipio Prologi*, & abnegatio, de quâ *instr. 10.*
nisi gladius, quo omnem inordinationem, vo-
luntatem propriam &c. à suis in semet ipsis
amputari vult SS. Legislator? quod commu-
ne omnibus mandatum; ob rationes suprà al-
latas magis tangit promotos ad Sacerdotium,
cùm isti ob insidias dæmonis majores, ac fortè
etiam occasiones periculosiores, majore quo-
que

que vigilantia & cautela opus habeant.

Mandatum novum do vobis, ut diligatis invicem, sicut dilexi vos. Hoc alterum est Christi Discipulos suos Neo Sacerdotes instruendis monitum. Vocatur autem novum Interprete Baradio *Tom. 4. Lib. 3. Cap. 20.* quia volebat Christus tunc illos noviter incipere illud observare. Continebat hoc mandatum magnam perfectionem, æquum ergo erat tunc de novo exigere ejus exactam observantiam, quando se videbant ad tam sublimem Sacerdotij gradum evectos.

De hoc dilectionis mandato varijs in locis variapræscribit SS. Legislator; huc enim referuntur omnia, quæ de amore fraterno, de honore omnibus exhibendo, de tolerandis defectibus, de mutuâ subventione, de circumspectâ & cautâ conversatione hinc inde solidissimè in S. Regulâ commemorantur, quorum observationi promoti ad Sacerdotium novo Spiritûs fervore & sollicitudine incumbere debent, dictum sibi ab ipso met Christo existimantes: *Mandatum novum do vobis, ut diligatis invicem, sicut dilexi vos.*

Ex reliquis, quæ Christus in prolixo sermone suis commendavit Discipulis, discat Sacerdos Benedictinus primò non turbari & deijci animo etiam inter quaslibet adversitates & injurias, aut solatiorum mundanorum defectum, sed quovis tempore spem suam DEO

com-

committere *Infr.* 41. & securus de spe retributionis Divinæ in ipsâ Obedientiâ & observantiâ regulari, duris & contrarijs rebus, vel etiam quibuslibet irrogatis injurijs tacitâ conscientiam patientiam amplecti gr. 4. &c. *Secundò* dilectioni Divinæ nihil præferre, quæ tamen præceptorum Divinorum & S. Regulæ observatione comprobari debet. *Tertiò*, ne mundanorum judicio, principiis, odio, à Doctrinâ Christi & Spiritu suæ S. Regulæ ullâ ratione abduci se sinat, sed his omnibus contemptis aspiciat in Auctorem fidei & Consummatorem Jesum, qui proposito sibi gaudio sustinuit Crucem, confusione contemptâ, eligat quæ potius Christi passionibus per patientiam participare, quàm cum mundo & mundanis, pro quibus Christus ne quidem Patrem suum Cœlestem rogare dignatur, temporaliter lætari & honoratum esse &c. Hæc pauca sic ex multis, quibus sermo Christi, & nostra S. Regula abundat, proficiendi magis magisque instrumentis seligere placuit, ut horum observationi cum possibili Spiritûs fervore insistentes NeoSacerdotes magis ac magis in Domino proficiant.

Q. 7. Cur S. P. Sacerdotibus præscribat, ut locum suæ professionis semper attendant, ac etiam inferiorum Officialium regulari ordinationi se subjiciant?

R. Rationem primi assignari posse *primò* humi-

humilitatis custodiam, quæ, ut supra dictum est, in eminenti Sacerdotalis gradûs fastigio majoribus periculis est exposita. *Secundò*, ut hæc ratione continuam suæ professionis, & contractarum per eandem obligationum memoriam conserve, sciatque sibi vivendum esse non ut qualemcunque Sacerdotem, sed ut Sacerdotem Monachum. *Tertiò*, ut videns se plures in Religione jam annos exegisse, modicum tamen in perfectione profecisse, juniorum etiam necdum Sacerdotum exemplis & fervore confundatur, & ad perfectionis Studium indefessum excitetur.

Ratio secundi esse videtur *primò* conservatio debitæ subordinationis, summè necessaria ad quodcunque regimen. *Secundò*, exercitium continuæ, & magis meritoria Obedientiæ, dum propter Deum etiam inferioribus, & fortè professione junioribus nos subijcimus. *Tertiò*, ut hæc ipsa virtus Obedientiæ, quam tantoperè suis inculcat SS. P. efficiatur magis solida, cum contingere posset, ut, si solis Superioribus præstanda esset, id fieret solum ex humano vel politico motivo, quod omnem soliditatem hujus virtutis enervat &c.

Ne autem quis existimet, hæc non convenire dignitati itatûs Sacerdotalis, continuo præ oculis, habenda sunt exempla Ejus, cui dictum est; Tu es Sacerdos in æternum secundum Ordinem Melchisedech;
Is quam-

Is quamvis toto vitæ suæ sanctissimæ tempore perfectissima dederit hujus virtutis exempla, ea tamen vel maximè in suâ SS. Passione resplendere fecit, dum non solis Pontificibus & Magistratibus, verùm etiam Carnificibus, & sceleratis ac vilissimis servis promptè obedivit idque, vti credibile est, præter alios etiam eo fine, vt Discipulos suos (quos jam novæ legis Sacerdotes constituerat) omnesque Eorum in Sacerdotio Successores exemplo suo doceret, Humilitatis & Obedientiæ etiam inferioribus exhibitæ actibus non minui, sed plurimum augeri & exornari Sacerdotium, & harum virtutum studiosos maximam sibi apud DEUM promereri gloriam, vti de Eodem Salvatore testatur Apostolus ad Phil. 2. *Humiliavit semetipsum, factus obediens usque ad mortem, mortem autem Crucis. Propter quod & Deus exaltavit illum, & donavit illi nomen, quod est super omne nomen, vt in Nomine IESV omne genu flectatur Cælestium, terrestrium & infernorum, & omnis lingua confiteatur, quia Dominus IESVS est in gloria DEI Patris.*

Occasione ultimorum verborum hujus Cap. 62. quodsi aliter præsumpserit, non Sacerdos sed Rebella judicetur &c. quæri potest, quæ sint causæ potissimæ deficientiæ Religiosorum Sacerdotum?

Antequam respondeam, lubet præmittere descriptionem horrendi lapsûs Judæ Iscariotis, quo palam fient omnes Scopuli, quos evig-

tare debent Religiosi Sacerdotes, ni è statu suo sublimi in extremam perniciem decidere velint. Judas, quo tempore electus fuit à Domino in Apostolum, ex mente Barradij Tom. 2. Cap. 14. pag. 422. & aliorum, quos ibi citat, non erat improbus, sed sanctæ voluntatis, paulatim tamen per negligentiam & pigritiam decidit, & ut loquitur S. Chrysost. Homil. 10. de pœnit. *Pigritans factus est proditor.* Noverat initio aptè palliare malitiam, in quam culpâ suâ prolapsus est: unde avaritiam & murmur suum occasione unguenti pretiosi, quo Magdalena Domini pedes unxerat, veste charitatis in pauperes tam bellè contexit, ut etiam reliquos Discipulos in suam pertraxerit sententiam; quin & ipsum prodicionis scelus usque adedò occultare novit, ut usque ad actua-lem executionem nemo Condiscipulorum suorum quidquàm tale de eo fuerit suspicatus, excepto soto Joanne, qui ex revelatione Divini Magistri id cognoverat. Porro occasio prodendi Christum Principibus erat effusio unguenti pretiosi, quæ cùm ejus avaritiæ plurimum repugnaret, usque adedò, concitatus est animò, ut pessimis interpretationibus Magistrum suum aggredederetur, quin & famam Ejus coram Principibus discinderet, nempe quòd ipse hucusque eum ut Virum Sanctum & austerrum reputaverat; at verò quòd modò eum agnoscebat tanquam deliciosum, quèd blan-
dimen-

dimentis ac lenocinis gauderet, cum passus
 fuisset se ungi unguento pretioso, quod si esset
 venditum, ex ejus pretio multæ eleemosynæ in
 pauperes expenderentur. vid. Sylve. *L. 7. c. 3.*
q. 8. n. 46. Verum non stitit hinc Judæ malitia
 sed de hypocrisis in hypocrisin, de scelere in
 scelus protabitur: concepta siquidem vili æ-
 stimatione & odio sui Divini Magistri, ut
 verbis D. Chrysost. *Homil. de Iuda Prod.* utari
 beneficia respuit, conversationis mensæ, Di-
 scipulatûs, monitionis ac suasionis oblitus est.
 Nec tantum oblitus, sed ostensione omnipo-
 tentiæ, humilitatis & benignitatis Domini ma-
 gis exagritus, eodumque in ambitione & impu-
 dentiâ processit, ut Petro se præferte, & solus
 cum Christo, quod alij Discipuli præsumere
 non sunt ausi, in eodem paropside manum im-
 pudenter mittere non extimuerit. Primi facti
 testem adduco D. Chrysost. *Hom. 69. in Io-*
annem credibile est, inquit, Proditorem stultum ex-
 istentem ante Petrum recubuisse. Omnes A-
 postoli, verba sunt Sylveir. *Lib. 7. Cap. 5. q.*
27. Judæ excepto, Sanctitate ac puritate con-
 spicui, post Petrum sederunt, at verò Judas
 rusticus ac stultus ambitione primum locum
 insolenter & arroganter occupat. Alterum
 disertis Verbis pronuntiat Euthym. adeo, in-
 quit, Præceptorem despexerat Judas, ut jam
 Eum non vereretur, sed cum eo intringeret.
 Quam Judæ petulantiam & impudentiam ele-
 ganter

ganter arguit D. Leo *Serm. 7. de Pasch.* Tu
Juda, ait, in trepidatione Sanctorum abuteris
Domini patientiâ, & abscondi te credis tuâ
audaciâ; Addis impudentiam sceleri, nec signo
evidentiori terreris. Cùmque se à cibo alij,
in quo judicium Dominus posuerat, contine-
rent, tu manum non retrahis à paropsi se, quia
animam non avertis à crimine. Quod expen-
dens Sylv. *Cap. 6. q. 7.* ait: tanta iniquitate
plenus erat Judas, ut non contentus prodicio-
ne, illi etiam impudentiam accumularet, gra-
ve illud crimen, quod Magistrum suum trade-
re machinaretur, gravius verò, quòd effrons &
impudens manum mittens cum Eo in catino
ad ipsum accedere auderet: hæc ille. Et quam-
vis tanta malitia inesset Judæ, justus tamen &
innocens videri volebat; atque inde impudens
simulator Christum Ipsum interrogare non
reformidat, num ipse futurus esset proditor?
cui interrogationi, ut magis suam palliaret
nequitiam, addit blandientis affectum; cùm
enim cæteri Apostoli Christum de hoc ipso
interrogarent, Dominum vocant, Judas solus
mutato stylo vocat Eum Rabbi, quod adver-
tens D. Hieron. apud Sylv. Blandientis, ait,
jungit affectum, sive incredulitatis signum.
Et Carthus. ut cæteris Judas se innocentio-
rem ac securiorem demonstret, non Domi-
num sed Magistrum vocat Jesum, tanquam
magnum blandientis affectum, ac eximiam
dilecti-

dilectionem & docilem subiectionem erga E-
um ostendens. Solent siquidem simulatores
& callidi sic loqui, & singularibus nominibus
uti, ne quid mali existimeretur de illis. Atque
hic ferè fuit vivendi modus, quem Judas tenu-
it, antequam ad summam Sacerdotij dignita-
tem à Christo eveheretur. Et quamvis hæc
omnia intimè perspecta haberet Divinus Ma-
gister, noluit tamen malam ejus vitam exclu-
sione ab hac dignitate, sui que Sanctissimi Cor-
poris communione evulgare, ut suæ eximiae
charitatis daret exemplum, & per eam Judam
ad pænitentiam adduceret. Nec quidquam ta-
men his omnibus permotus jam in profundum
peccatorum demersus proditor, ausu prorsus
temerario sacrilegè suscipit Sacramentum Or-
dinis & Eucharistiæ: quo horrendo facinore
perpetrato ad eam malitiæ abyssum est devo-
lutus, ut quæ priùs in occulto moliebatur, jam
toto orbe inspectante haud sit veritus perpe-
trare: subducens siquidem se, instigante dæ-
mone, qui cor ejus jam totum possederat, ab
amabilissimo consortio, alloquio, & conver-
satione Christi ac Condiscipulorum suorum,
abiit ad Principes Sacerdotum scelus jam antè
animò conceptum executioni daturus; nec
mora: venit comitante turbâ militum, cum
gladijs, fustibus, & laternis in hortum, ibique
mansuetissimum Agnum osculi signo rapaci-
bus lupis rapiendum ac mactandum tradit,

contc.

contemnens insuper omnipotentia Christi manifestationem, dum omnes retrorsum abire fecit, ac amabilissimam, quâ se amicum vocarat, compellationem, tandem gravissimò desperationis, ac suïcidiij scelere sceleribus antea actum finem funestissimum imponit. Hæc tragica scena est Sacerdotis novæ legis ab Ipso summo omnium Pontifice Christo JESU ad id munus promoti, nec tamen per suam culpam & malitiam se ad hoc dignè recipiendum præparantis, aut vitam tanto honore dignam viventis, quin potiùs omnia alia ante & post illius susceptionem agitantis. Prolixiorem hanc miserandi interitûs descriptionem responsioni ad quæstionem supra propositam præmittere volui, non quòd existimem, aliquos Religiosorum ad tantum malitiæ profundum descendere solere, sed ut hoc exemplo territi omnes, etiam remotiora pericula tam horrendi prolapsûs totis viribus præcavere satagant, & si qui fortè, quod absit, vitijs illis, mox in proditore Judâ recensitis, se laborare, aut initijs quibusdam eorundem se pulsari animadverterent, celeriter & seriò, si interitum evadere velint, resipiscant. Nunc ad Quæstionem

¶. Potissima causa deficientiæ Religiosorum Sacerdotum est defectus debitæ præparationis ad susceptionem Sacerdotij, & sollicitudinis vitam tam sublimi gradui convenientem institu-

instituendi. Subjungam hîc præcipua, quæ cavenda sunt ante susceptionem Sacerdotij, desumpta ex jam præmissis, & descriptione interitûs Judæ, ut facilius memoriæ commendentur.

Primò caveat Religiosus, ne se ipsum importunis sollicitationibus ad hanc dignitatem quasi intrudat.

Secundò caveat habere finem minùs rectum, ob quem ad Sacerdotium promoveri desiderat.

Tertiò, caveat reporem & neglectum minimorum, quia Judas pigritans factus est proditor.

Quartò caveat omissionem, aut perfunctoriam persolutionem exercitiorum Spiritualium, ac negligentem usum Sacramentorum, pœnitentiæ & Eucharistiæ.

Quintò caveat proprii judicii & voluntatis tenacitatem, & omnem inobedientiam, & irreverentiam erga suos Superiores.

Sextò caveat nimiam erga quamcunque rem creatam affectûs adhæsiõnem; nam hæc de facili magnorum malorum, etiam antehac nunquam cogitatorum, occasio esse potest.

Septimò cavet malam interpretationem, & impatientem observationem factorum proximi, & præsertim Superiorum, ac omnè murmur & detractiõnem.

Octavò cavet omnem duplicitatem, hypocrisis, & simulationem.

Nonò caveat omnem sui super alios quos-
quæ elationem.

Decimò caveat omnem in correctionibus
passivis impatientiam.

Undecimò caveat ingratitudinis vitium.

His si Judas cavisset, nunquam ad tantam
malitiam devenisset.

Cavenda post susceptum Sacerdotium.

Primò caveat omnem elationem & superbiam.

Secundò caveat oblivionem hujus summi
sibi collati beneficij.

Tertio caveat quidquid veram supernatura-
lem Obedientiam labefactare potest.

Quartò caveat, ne se unquam à Superiorum
& Confratrum ferventium admonitionibus
aut correctione subducat, aut ægrè talia su-
scipiat.

Quintò caveat Spiritualium exercitiorum
neglectum, ac præsertim tepidam & perfun-
ctoriam, ac quasi consuetudinariam SS. Sa-
crificij oblationem.

Sextò caveat occasiones periculosas, nun-
quàm suæ virtuti nimium fidat.

Septimò caveat se conformare dictaminibus
& mundanorum, tepidorum, & nullo respectu
aut metu se à solido proficiendi studio deter-
reri permittat.

Octavò caveat, ne post lapsum quemcunque
doloris ac pœnitentiæ remedium differat, ne
fictam, aut nullam agens pœnitentiam, tan-

dem permittente DEO cum Judâ abeat in locum suum.

Ex his facilè quisque colliget, quid ei à contrario agendum sit, qui a deficiendi periculis in hoc SS. Statu immunis esse desiderat.

Pro complemento dictorum unum adhuc addendum videtur, ut videlicet ad Sacerdotium promovendi, præter præparationem remotam, de quâ in præmissis actum fuit, ferventissimam quoque præmittant præparationem proximam actuali susceptioni Sacerdotij: illi verò, qui actu ad Sacerdotij gradum sunt evecti, præter vitam & mores boni Sacerdotis supra descriptos, ad SS. Missæ Sacrificij oblationem ingenti fervore & devotione sese proximè disponere, illud actu offerre, & post illud cum Divino hospite se occupare non omittant,

De hoc posteriore modo, præter alios plures, nominatim R. P. Ignatius Clavenau Celeberrimi Monasterij Admontensis Professus in Tractatu suo de Sacrificio Missæ, qui habetur Tomo 2. operum ejusdem novissimè Salisburgi impressorum, tam præclara proponit documenta & praxes, ut nihil ijs hîc addendum videatur, præterquam quòd eorum devotum usum Lectoribus, præsertim Benedictinis, impensè commendare debeam. Labet proinde pauca solùm notare de priore, id est proximâ præparatione ad actualem Sacerdotij susceptionem requisitâ.

Medi-

Medium præcipuum hanc præparationem ferventissimè instituendi, sunt Exercitia Spiritualia saltem octo dierum, in omnibus fere benè ordinatis Monasterijs susceptioni Sacerdotij præmitti solita; hæc enim, suis conditionibus, quibus oportet, & res tanti momenti requirit, peragantur, mirum est, quantum habeant efficacæ ad animam taliter disponendam ut in subsequuta susceptione sacratissimi Ordinis, præter gratiam sanctificantem, virtutes & dona Spiritûs Sancti, alijs insignibus proprijs & specialibus gratijs, etiam extraordinarijs, exornetur, quarum infra ex P. Lancicio, ad eorundem desiderio magis inflammandos animos, catalogum subnectam.

Appropinquante igitur Ordinationis Sacer-
dotalis tempore, Monachus Benedictus Sacer-
dotio iniciandus, aurem cordis accommodet,
verbis sui sanctissimi Legislatoris in Prol. di-
centis: *in primis ut quidquid agendum inchoas bonum
perfici instantissimâ oratione deprecas.* Cùm enim
omnia ad hoc ministerium pertinentia vires na-
turæ excedant, necesse planè est, ut ante o-
mnia rogemus Dominum, ut quod minùs ha-
bet natura possibile, jubeat Ipse gratiæ suæ ad-
jutorio ministrari. Frequentanda itaque sunt
hoc potissimùm tempore ardentia ad Deum
suspiria, quatenus sua infinita Bonitate corpus
& animam, ad suscipiendum tam mirum &
Ecclesiæ s. adeò necessarium ac utilem Sacer-
dota-

dotalem characterem, omnibus modis sibi gratissimis præparare dignetur.

Quia tamen præter orationem humilem & ferventem, opera insuper à Deo desiderantur, quibus Gratiæ Divinæ cooperemur, subjungo hic aliqua, in quibus hoc Spiritualium exerciti-
orum tempore potissimum sese exercere, & solidè fundare debeat ad Sacerdotium promovendus.

Primò benè perpendat vitam suam ad præsens usque tempus in Religione transactam, in specie se reflectendo, num in se inveniat condiciones supra enumeratas, maximè quo fine ad Sacerdotium aspiret? sine siquidem ritè constituto, cætera haud difficulter sequentur; cum è contrario, hoc sinistra quâdam intentione aut affectu infecto, reliqua etiam suâ soliditate destituantur. Hoc punctum est summi momenti, à quo tota ferè vita bona vel mala post Sacerdotium dependet; cum certum sit, eos, qui inquinatâ intentione Sacerdotium suscipiunt, nisi eam efficaciter retractent, paulatim justô DEI Judicio ita deficere, ut præter Religiosum habitum vix quidquam Religiositatis in moribus sit reperire. Porro finis iste nunquam, ut oportet, stabilietur, nisi animus expurgeretur ab omni affectu ad quodvis peccatum veniale, & à pravis dictaminibus, in prudentiâ humanâ, & politicâ mundanâ fundatis. Hæc quippe mentem ita obscurare, & depres-

sam

sam tenere solent, ut terrenis potius, quàm supernaturalibus rationibus moveatur, & consequenter nunquam pertingat ad illam intentionis puritatem, quæ ad tam sublime ministerium adferenda foret.

Secundò consideratâ vitâ præteritâ, & efficaciter correcto fine, si quis fortassè minùs reclusus aut purus intervenisset, de cæterò ab omni nàvo, & contractis quibuscunque maculis, etiam venialium peccatorum, per media ab Ecclesiâ ordinata ita expurgandus est animus, vt quantum, DEO adjuvante, in ipso est, instar nictidissimi Chrystalli (cujus puritatem accedentes ad Sacerdotium adæquare debere, Seraphico S. Francisco in visione quâdam monstratum fuit) resulgeat.

Tertiò, sollicitè prospiciendum, vt animus firmissimè muniatur contra futura post susceptum Sacerdotium deficiendi pericula, præsertim in virtutibus & materijs suprâ ex Textu S. Regulæ expensis. In hunc finem particulares cujusque propensiones, habitus, externæ quoque circumstantiæ & occasiones non obiter sunt considerandæ, & circa singula apta & efficacia remedia statuenda. Ejusmodi occasiones solent esse v. g. respectus humani, & judicia hominum, conversationes liberiores, affectus aliquis prædominans &c. contra hæc & similia fortiter se obarmet, quis quis gratiam, quam per impositionem manuum accipiet, conservare & augere desiderat.

Quar-

Quartò, concipienda est ingens æstimatione Sancti & Regalis Statûs Sacerdotalis, non quidẽ eò fine, quod absit, ut quis exinde honorem & æstimationem personalem sectetur, putetque se statui huic esse injurium, si honori & amorì proprio adversa, à quocunque irrogata, æquo animo sustineat; sed ut hujus, & tam sublimium functionum huic statui annexarum, præsertim quotidiani Sacrificij memoriâ, suam omnimodam indignitatem intimè agnoscat, nec quidquam tanto ministerio indignum vllò vnquam futuro tempore admittere præsumat,

Cæterùm hoc sacro recessûs tempore præter illa, quæ passim ab Authoribus ad exercitia spiritualia cum fructu peragenda præscribuntur, intensissimos & ferventissimos supernaturalium virtutum actus, præsertim vivæ fidei, spei, charitatis, contritionis, humilitatis, S. desiderij &c. eliciat, sicque comparatus ad S. Ordinis susceptionem cum actuali & ferventi devotionis affectu, toto Ordinationis tempore continuando, accedat,

Sacro demùm Ordine initiatus in humillimos grati & amantis animi affectus profusus, totum se Divinæ Bonitati consecret, & omni possibili devotione ad primum Missæ Sacrificium DEO offerendum se disponat, vitamque suâ vocatione Sacerdotali & Monachali dignam juxta normam sacræ Regulæ jam supra declaratam, instituere curet.

Ut

Ut autem hæc omnia exactius & ferventiùs in effectum deducantur, adjungo pro coronide insignes planè gratias & favores, quæ Divina Bonitas ijs elargiri consuevit, qui singulari fervore se se ad susceptionem Sacramenti Ordinis disponunt, & e contra maledicta horrenda in eos salminata, qui exemplò Judæ Sacerdotium indignè suscipiunt, & post illud dissolutè vivunt; eo fine, vt qui desiderio bonorum & gratiarum è bonâ præparatione & vita post Sacerdotium promanare solitarum, non movetur ad præmissorum diligentem observationem, pænarum saltem, & maledictionum certe horrificarum metu concutiat, ac ad meliora excitetur, præsertim si signa quædam in Juda supra reprehensorum jamjam in se ipso notaret. Et quamvis non existimem in statu Religioso inveniri ejusmodi Judæ asseclas, nihilominus hæc benè perpenlà salubrem timorem bonis quoque incutient, ne se etiam remotis deficiendi periculis exponant, & in benè captis DEO auxiliante constanter perseverent, quin imò in dies magis ac magis in Domino perficiant.

Gratias, quas DEUS pro quantitate dispositionis elargiri solet, P. Lancicius S. I. *Opusc.* 13. *Lib. 1. Cap. 1.* enumerat, cujus verba, cùm ejus libri non sint cuivis ad manum, referre non pigebit.

Primò. Devotio magna, etiam sensibilis,
in re-

in recitandis horis Canonicis, & Sacrificio
Missæ offerendo.

Secundò. Magnum & practicum lumen
ad discernenda peccata in audiendis aliorum
Confessionibus.

Tertio. Accursus pœnitentium, conscien-
tias, vel sacrilegis Confessionibus, vel malè fa-
ctis, vel alijs peccatis intricatas habentium,
ad petendum auxilium in confessione, illud-
que in eâ iteratâ inventum.

Quartò. Gratia extrahendi pœnitentes è
misero peccati statu.

Quintò. Notabilis profectus in virtute
confitentium talibus Sacerdotibus, vel con-
versantium cum illis.

Sextò. Agnitio peccatorum multorum an-
teâ non dictorum in confessione, vel ex obli-
vione aut ignorantia, vel ex inconsiderantia
& negligentia. Unde moventur ad Confessi-
ones bonas coram talibus Sacerdotibus faci-
endas.

Septimò. Quies conscientie antea non
habita, collata confitentibus coram talibus
Sacerdotibus.

Octavò. Solet etiam Divina Benignitas ex-
traordinarias gratias intuitu Sacramenti Or-
dinis, *Extraordinariâ preparatione, & fervore sus-*
scepti, conferre ijs, qui eo, vt dictum est, Sa-
cerdotium susceperunt. DEUS enim, qui eti-
am inimicis suis, sine vlla preparatione præ-
missâ

missâ, confert efficacia auxilia ob suam boni-
tatem, & Christi Domini merita, converten-
do illos, multò magis iustis, amicis suis, & fi-
lijs adoptivis, extraordinariè se Epus beneficio
supernaturali præparantibus ad suscipienda Sa-
cramenta, confert extraordinarias virtutum
gratias (quandòque etiam illas, quæ vocantur
gratiæ gratis datæ, primæ Classis, vti est do-
num prophetiæ & miracula patrândi) idque
intuitu extraordinariæ præparationis, & qui-
dem talis, quæ non reperitur in ordinarijs iu-
stis, modò, quem videmus, valdè ordinario se
præparantibus ad Sacramentorum susceptio-
nem. Hæc doctrina fundatur in experienciâ
DEI Servorum, & in SS. Patribus, & in bonâ
Theologiâ, ac maximè in DEI amore, qui
non permittit se vinci ab hominibus ejus gra-
tiæ cooperantibus, sed eos suâ liberalitate vin-
cit. Ideò, inquit S. Chrysost. hom. 20. ad
pop. *petitiones nostras semper multo excessu super-
vat.* Nec mirum. Quia, ut Idem dixit h. 12.
in 1. Epist. Cor. *DEVS magis nos amat,
quàm nos ipsi nos amemus.* Ideo extraordi-
nariè se præparantibus ad Sacramenta, extraor-
dinaria confert beneficia; & vt ait S. Dionysi-
us Arcop. c. 1. diu. nom. §. 2. *radium illum su-
per substantialem sibi perseveranter insitum, cuiuslibet
rei congruis illuminationibus, id est donis, clemen-
ter attemperat, extraordinarijs præparationibus
dona extraordinaria concedendo.* Sic S. Cæsa-
rius

rius h. 3. ad Monachos: *quantum nos addiderimus ad studium, tantum ille apponet ad adiutorium: quantum nos apposuerimus ad diligentiam, tantum ille addet ad gloriam.*

Primò, nunquam peccant in dicendis horis Canonicis, & Sacrificio Missæ celebrando.

Secundò. Per insperata, nec expetita, sed repetentina lumina in oratione, vel horas dicendo, vel Missam celebrando, vel utrobique, cognoscunt res occultas futuras, & alias ad se, vel ad alios, præsertim eis confitentes, spectantes, necessarias & utiles.

Tertiò. Eodem modo clarè cognoscere solent vel peccata occulta suorum pœnitentium, ab illis nunquam dicta in confessione, vel alias res eorum secretissimas, nulli hominum notas, quæ ab ijs factæ sunt, quarum clarâ & distincta manifestatione per tales Sacerdotes ijs ipsis facta, moventur ad obediendum illis, in rebus animæ, & ad credendum eorum Spiritualibus doctrinis, & ad vivendum meliùs.

Quartò. Semper ferventissimè dicunt Missam & horas Canonicas quovis tempore, etiam post somnum immediatè, & post occupationes valdè distractivas, dum tunc coguntur id facere, ob defectum temporis.

Quintò. Per lumina repentina cælitùs infusa agnoscunt multas veritates & doctrinas, humanò studiò & modò non acquisitas, ad se & ad alios perficiendos spectantes, quas, dum
vel

vel tradunt oretenus, vel scribunt, eo prorsus modo, eas tunc primùm discunt, & scribunt, quo solent Discipuli Philosophiæ vel Theologiæ in Schola scribere res antea ignotas sibi, easque tunc primùm addiscere & excipere in chartam à dictante Magistro. Imò perfecti-
us tales Sacerdotes illas doctrinas percipiunt, quia non successivè, & per partes, uti Discipuli discunt, docente ac dictante Magistro, sed in instanti & simul agnoscunt omnia, DEO per lumen insolitum, non humanum docente, ad quæ postea scribenda & alijs declaranda, longo tempore indigent. Hucusque citatus Author.

Maledictiones desumendas censui ex Ps. 108. qui unanimi consensu SS. Patrum & Interpretum etiam ad litteram applicatur proditori Judæ, uti ad litteram eidem applicavit Apostolorum Princeps Act. 1. illa verba: *Episcopatum ejus accipiat alter*, ex hoc Psalmo desumpta. Cum enim Judas sit verus Typus malorum Sacerdotum novæ legis, non absque fundamento eisdem applicantur maledictiones à Christo patiente, per os Davidis prophetico Spiritu prædictæ. Rupertus Abbas in Matth. c. 26. triginta omnino ejusmodi maledicta in hoc Psalmo contenta enumerat, juxta numerum videlicet argenteorum, quibus impius ille Magistrum suum Judæis vendere non abhorruit. Ego paucas duntaxat seligam, quod credam, has solas sufficientes esse ad incutiendum
salu-

salubrem timorem, & Religiosis quoque Sacerdotibus malè viventibus, si qui sunt, frequentius evenire.

Prima maledictio: *constitue super eum peccatorem, & diabolus stet à dextris ejus. v. 6.* Nomine peccatoris antonomasticè intelligunt Interpretes dæmonem. Unde Glossa rectè advertit, super eum constitui dæmones, qui Christo noluit esse subditus. Satanam verò à dextris stare, id est, Interprete le Blanc in hunc locum, diabolum velut Dominum & triumphatorem præsidere & imperare pro voluntate captivosque trahere illos in quos hæc maledictio intorquetur. Expertus est hujus maledictionis effectum impijssimus Judas, qui dum suavi Christi jugo se submittere nōuit, tyrannicæ dæmonis servituti se ipsum mancipavit, qui eum de scelere in scelus, & de temporaneâ violenta sibi met illatâ morte ad æternam pertraxit. Quis non exhorrescat servitutem hanc funestissimam! O Servi Dei Altissimi, Gens Sancta, regale Sacerdotium! itane unquam vos fascinari patiimini, ut vel remoto periculo vos exponatis, Divinam & Regalem Servitutem vestram, cum hac funestissimâ, abjectissimâque aliquando commutandi. Ah absit! *Secunda maledictio: cùm judicatur, exeat condemnatus. v. 7.* cùm Divino Tribunali sistetur judicandus, statim æternæ damnationis sententiam audiet, & trepidus à Sanctorum cætu excludetur, ita le Blanc. Judas haud mitiq-
rem

com excepit sententiam, quæ totâ æternitate non relaxabitur. Hæc damnationis sententia tantò terribilior erit Sacerdoti, quantò in vita altiori indignitatis culmine à DEO collocatus fuit: Character Sacerdotalis, quo tam indignè abusus fuit, horrendum in modum miseram excruciat animam, sine ullâ spe relaxationis cujusdam obtinendæ. Descende frequenter ô Sacerdos in hunc locum tormentorum per vivacem eorundem considerationem, ibiquè Judam, & post ipsum alios fortassè non paucos Sacerdotio insignitos intuere, & si ad ferventem, tantoque gradui correspondentem vitam non removeat Amor Cælestis Patriæ, terreat saltem pænarum ineffabilis acerbitas.

Tertia maledictio: *& oratio ejus fiat in peccatum.* Judæ facta est oratio in peccatum, quia oravit sine spe veniæ, & desperans laqueo se suspendit, nec non ob alios titulos, qui fusè apud eum recensentur. Verùm non solum Judam tangit hæc maledictio, cùm enim tepidi & mali Sacerdotes novæ legis, ut plurimum suas orationes, etiam obligatorias, quales sunt horæ Canonice &c. quin & ipsa Sacrificia perfunctoriè, tepidè, distractè, & ne plura dicam, ex usu & consuetudine peragere soleant, quid aliud inde consequitur, quàm ut hæc ipsa eorum oratio & Sacrificia fiant illis in peccatum, eventu certè nunquam satis extimescendo: quid enim miserabilius est
quàm

quàm cùm medicina vertitur in venenum? quis
quis igitur Sacerdotum, præsertim Religiosorum,
tantum malum exhorrescit, omnibus
viribus ejus causam tollere, & præcavere
contendat.

Quarta maledictio: *fiant dies ejus pauci, & Episcopatum ejus accipiat alter.* Duplicem hæc maledictio exprimit horrendam pœnam. Prima est vitæ abbreviatio, altera, quæ inde consequitur, dignitatis Sacerdotalis (nam Episcopatus in probabili sententiâ adæquatè non differt à Sacerdotio) in alios digniores translatio: non quidem eo sensu, quali Character semel acceptus, estque indelebilis, auferatur, sed quòd ita malis Sacerdotum moribus obscuretur & dehonestetur, ut DEUM ad justam indignationem moveant, talem Sacerdotem è vitæ, vel boni nominis, huic dignitati annexi, statione dejecti, & in ejus locum alios substituendi, conformiter Christi edito: *auferetur ab eis Regnum DEI, & dabitur genti, facienti fructus Ejus.* Matth. 21. Completa est hæc maledictio quo ad utramque pœnam in Judâ, qui præmaturâ morte per suspendium extinctus fuit, & Episcopatum ejus accepit S. Matthias, in ejus locum à Collegio Apostolorum & Discipulorum Christi substitutus Act. 1. Habent igitur, quod timeant, novæ legis Sacerdotes, ne DEVS irritatus malis eorundem moribus & exemplis, auferat ab eis modò explicatô Regale Sacerdotium

dotium, detque alij facienti fructus Ejus.

Quinta maledictio: *diripiant alieni labores ejus.* v. 11. laboravit Judas, prædicavit, docuit, dæmonia ejecit: laborant non minùs Sacerdotes Religiosi, etsi malæ vitæ, sacrificant, orant, psallunt, Sacramenta administrant &c. sed quo fructus nullo certè aut exiguo, nam in his omnibus & similibus, non sibi, sed alijs laborant, dum ipsi interim præmio supernaturali vacui persistunt, ut meritò illis applicari possit illud Aggæi 1. *Seminastis multum, & intulistis parum: comedistis, & non estis satiati: bibistis & non estis inebriati: operuistis vos, & non estis calefacti, & qui mercedes congregavit, misit eas in sacculum pertusum.* Et avertat DEUS, ut non inter hos laborum direptores ipse quoque omnis boni hostis inveniat, qui pervertendo intentionem & opera talium Sacerdotum efficiat, ut jam non DEO, non suæ, nec proximi salutem, sed dæmoni labores suos consecrent. O maledictionem summè extimescendam!

Sexta, *non sit illi adjutor.* Judas hanc pænam luit, dum ab omnibus ijs, in quorum gratiam nefandum scelus proditionis perpetrare ausus est, derelictus audire debuit: *quid ad nos, tu videris.* Hanc quoque pænam magis minùsve sentiunt Sacerdotes à bono declinantes, dum invalescentibus magis magisque interioribus tenebris, quæ est propria peccatorum etiam venialium, saltem deliberato planè animo admissorum

missorum, pœna, horrent & fugiunt paternam Superiorum sollicitudinem, correctiones, admonitiones, consortium meliorum, omittunt aut perfunctoriè persolvunt meditationes, lectiones spirituales, examina, quæ omnia inter præcipua salutis & perfectionis adjumenta numerantur, sicque paulatim propriâ suâ culpâ his adjutoribus destituti, sibi solis relictî nesciunt, ubi corruant, & vix tunc solis, quia non habent sublevantem se!

Et dilexit maledictionem, & venit ei: & noluit benedictionem, & elongabitur ab eo. Judas maledictionem dilexisse censendus est, cum audiens à Christo: *va homini illi, per quem Filius hominis tradetur, bonum erat ei, si natus non fuisset homo ille.* Matth. 26. hoc contemnens, abiit ad Eius hostes, ut Eum illis ad mortem traderet, quod & præstitit. Ita le Blanc. Noluit verò benedictionem, quam eidem Divinus suus Magister tum in lotionem pedum, tum in Coenâ Eucharisticâ, ipsaque Ordinatione Sacerdotali, & demùm in actuali traditione verbis suavissimis amicum eum appellando, *amice ad quid venisti?* obtulit. Atque hac de causâ elongatâ benedictione, venit ei maledictio, quâ non solum instar vestimenti exterius circumdatus, sed etiam interiùs, tanquam ab aquâ & oleo in intimis visceribus & ossibus affectus, ac tandem instar Zonæ corpus constringentis, ita vinculator fuit, ut evadere non posset, quæ cum ex no-

vi Te,

vi Testamenti historia cuique satis nota sine,
 ulteriore deductione non indigent. Atque hoc
 est tandem finale, quo totam præsentem Tra-
 ctatunculam concludo. Posui ante te ô Sa-
 cerdos DEI Altissimi ignem & aquam, bene-
 dictionem & maledictionem, ad quodcunque
 volueris, extendes manum tuam, si benedicti-
 onem, quæ bonâ & virtuosâ y tã supra descri-
 pta, ante & post Sacerdotium serîo custoditâ,
 obtinetur, elegeris, venient tibi omnia pariter
 bona cum illa. Quod si verò hanc negligendo
 ipso facto, vitâ nimirum S. Regulæ & Vitæ
 Christi deformi, te maledictionis amatorem
 esse comprobaveris, ô te mortalium infelicit-
 simum! elongabitur siquidem â te benedictio,
 deficient paulatim gratiæ, seu auxiliij actualis
 tum interni tum externi influxus, quam privâ-
 tionem sequetur excæcatio in intellectu, &
 obduratio in voluntate, de quibus horrendis
 pœnis invisibilibus fusè & solidè dicurrens vi-
 deri potest R. P. Albertus Krez in Paradigma-
 tibus præct. Recollect. mihi pag. 114. & seq.
 Neque hîc consistet malum, sed alijs etiam
 positivis maledictionibus succedentibus, ita
 undique exteriusque cruciaberis & coarctabe-
 ris, vt fortè nec seriam pœnitentiam ampliùs
 sis acturus, etsi cum Judâ dicas: *peccavi*. Sed
 hæc abyssus malorum est, meliora, quin & o-
 ptima spero â Religioso Lectore, qui dum hæc
 legendo evolverit, memorialis locò sibi repo-

nat illud D. Pauli ad Ephes. 4. *Obsecro vos, ut
dignè ambuletis vocatione vestrà (Sacerdotali &
Monastica) quâ vocati estis, cum omni humilitate
& mansuetudine, cum patientiâ susponentes invicem,
soliciti servare unitatem Spiritûs in vinculo pacis. &
1. Pet. 2. Vos Genus electum, Regale Sacerdotium,
Gens Sancta, Populus acquisitionis: ut virtutes an-
nuntietis ejus (Christi Summi Sacerdotis, per vi-
tam & jus SS. Doctrinis & exemplis con-
formem) qui de tenebris vos vocavit in
amirabile Lumen suum.*



SPECIALES LEGES

Pro Fratribus, & Novitiis Benedictinis

VLtra antecedenter præcepta è speciali vi-
gilantia & dilectione sequentia rigide
indicantur.

Imò. Cùm juxta Spiritum Sanctum per os
Sancti Pauli Apostoli loquentem omnes mo-
neamur ut modestia nostra nota sit omnibus
hominibus, id est, tanta, ut omnes eam suspi-
ciant, in ea complaceant, per eam ædificentur,
Domino DEO Gloria. Fundatoribus honor,
Cælitibus gustus, Angelis gaudium, Superiori-
bus solatium, æqualibus exemplum, minori-
bus stimulus præbeatur, sitque hæc virtus præ-
cipuum medium conservandæ æstimationis a-
licujus sacri Ordinis, & loci, & validissimum
instru-

instrumentum lucrandi pretiosissimo DEI sanguine redemptas animas, id est, proximorum salutem suavissimè simul & efficacissimè operandi, ac tantò magis resplendeat in adolescentibus & juvenibus, quantò plùs refulget gemma in auro, quàm plumbo, sic & idèò scribò, & pænè primariò hujus virtutis studium vobis, dilectissimi flores nostri Monasterij, & sacra Religionis inculcamus, & volumus, ut oculis vagos, gestibus leves, ore ridentes &c. quamprimùm, semper, & severè puniat venerandus Pater Magister ac Director. Quilibet non incedat, seque gerat aliter, quàm si loco ipsius incarnatus aliquis Angelus adesset, & quomodo se in omnibus gereret, quem quilibet è solo aspectu ipsius Sanctum judicare deberet; Quomodo olim in suo inter homines convictu Divinus & primogenitus noster Frater JESUS, quomodo vivens in terris humillima Virgo, DEI & nostra parens MARIA manus, oculos, humeros, & ora ferebat, nevel illi dissimiles, vel huic degeneres simus, sed amemur ab illis magis, cùm similitudo Mater sit Amoris. Specialiter nunquam audeat quis ridere, vel aliquam levitatem committere sub oratione, sub lectione, sub ministracione, sub mensa, sub pœnitentia, aut post commissum à se, vel alio errorem, factam, vel faciendam correctionem, aut spontaneam humiliationem. Item alias in refectorio, in templo, in choro, De in pla.

in platea. Ne itaque in his quis fragilior sapius delinquat, & malam naturæ proclivitatem malô habitu per actus frequentatos generari solitô in malo roboret, sed potius emendet, Superior N B. succurrat tali nimis sensibili homuncioni acribûs injunctis pœnitentis ejuniorum, disciplinarum, confusionum, increpationibûs vehementibûs & humiliativis.

adô. Studeat quilibet etiam tempore recreationis non esse nimis garrulus, non ridiculus, non levis, sed solûm serenus, & hilaris, solûm modicûm se resolvens, non dissolvens. Est enim morum amabilis gravitas certa quædam nota verè Sanctorum, adeò, vt, si qui tales, id est, graves simul, & suaves in juventute visifuerint, indicium futuræ sanctitatis præbuisse scribantur. Generatur autem amabilis gravitas è mixtura, seu conjunctione veræ humilitatis, & mortificationis, seu Domini supra suos sensus, & affectus, quâ utrâque excellentiâ solûm emicant solidè sancti. E contra levitas oritur ex immortificatione, & carentia Domini præfati, atque ex audacia humilitati contraria, adeo, vt de nullo legatur evasisse in Sanctum, qui erat levitatibus, & jocis deditus, excepto uno histrione, qui in spectaculo jocose exhibens Sanctum Christianorum Baptisma, subitò à Domino DEO illuminatus, mox joeos suos cum pœnitentia detestans in Martyrrem evasit; Ipse Salvator noster, & Sanctissim
ma ejus

ma ejus Mater nunquam risisse, bene verò fle-
visse, & solum sereni oris, & frontis, ac excel-
lenter amabiles fuisse leguntur. Quia verò de
notis, & signis Sanctorum mentio facta fuit,
incidenter noverint, præter præfatam amabi-
lem morum gravitatem notas, seu signa San-
ctorum esse abstinentiam, humilitatem, obe-
dientiam numeris perfectam, integrum mundi,
& quæ in mundo sunt, fastidium, libertatem,
non inquietudinem Spiritûs generans, dilecti-
onem adversitatum, & adversariorum, tole-
rantiam injuriarum, misericordiam erga pau-
peres, charitatem erga ægrotos, devotionem
erga sacram Christi Passionem.

3to. Impensè quilibet se tradat Sancto,
continuo, & intimè consolativo luctui super
amaram Christi Passionem, & compassionem
Martianam, super sua & aliorum peccata, ac
ingrattitudines, super pericula salutis, & cæci-
tatem deplorandam sui, ac aliorum, super su-
stinenda pro suis sceleribus tormenta, saltem
purgatorij, super neglectas gratiæ, & gloriæ
promerendæ occasiones, super moram in hac
lacrymarum valle, &c. ô quam beati, qui sic
lugent, quoniam verè consolabuntur!

4to. Mox post aliquam fragilitatem levi-
tatis, aut alterius culpæ commissam intimo
cordis affectu Dominum DEUM deprecetur,
& Sancto Tutelari veniam petat, immò quoti-
es permissum, etiam coram Magistro, vel alijs
se præ-

se propterea humiliet, & cum magna aviditate satisfactionis poenitentiam suscipiat.

6to. Operam de præsentia Divina exercitio per affectuosum, jure, internum colloquium, & diversos pios affectus, & actus internos, atque externos virtutum ad Dominum DEUM ubique præsentem actu signato, vel exercitio directos.

7to. Ut sciat artem bene loquendi, discat tacere, & taciturnitatis sit studiosissimus, maxime tempore silentij, sub quo invicem corripere, nutibus agere, & loqui omnino, & sub certa poenitentia sit prohibitum, adeo, ut tali tempore Novitiatus locum præteriens neminem, aut solum Angelos, seu in Domino mortuorum silentes Spiritus inhabitare putet. Nam per silentium, solitudinem, & visitationes Superiorum omnis disciplina permanet inviolata.

8to. Fraternali dilectionem præcipue exerceant per Fraternali correctionem, verbis quidem, & signis, quantum, & quibus permixtum à Superiore suo fuerit; Exemplo verò, & precibus pro invicem ad Coelites, dum vident aliquem delinquere; Item specialiter delatione apud Magistrum, & Directorem, ad quam delationem severe simul, & amantissime omnes adhortor, sintque præter communem delationem specialiter tres deputati ad omnia Magistro & Directori deferenda, ut detecto sic vulnere medicina applicari tempestive valeat.

ut valeat, & illud nullam crudelitatem contrahat, si subtrahatur duræ sed sanativæ chirurgi manui: velut Sanctus Bernardus optabat habere centum observatores, ut vel sic se facilius à malo continere valeret.

8vò. Magna diligentia incumbant ad plenum suarum afflictionum, & inclinationum Dominum; Major est enim expugnatore vrbium Dominator sui. Abnegent se totaliter, totòsque in omnibus etiam minimis: vera enim fidelitas in cura minimorum est; Et ille fidelis est famulus, qui nec obolum subtrahit Domino; Qui non modò in magnis obligationibus, & severis imperijs, sed minimis nutibus, & occasionibus se promptum exhibet & sollicitum, observantem, studiosum, & indefessum, ac gustus Domini sui cupidum. Augmentant itaque usque ad immensum cumulum parvos gradus gratiæ, & consequenter etiam gloriæ, quia hæc in altera vita correspondet, & juxta numerum, & mensuram gratiæ aucta tribuitur. Multiplicent pæne in infinitum omni momento, & jugiter, parvos de se, carne, diabolo, & mundo, seu malis hominibus triumphos; generent, & robovent per infinitos actus invincibilem habitum se in omnibus vincendi, seu abnegandi, & sic verè, ac facilè modesti erunt, & dulce spectaculum DEO, Cælitibus, & hominibus. Magister itaque advertens cujuslibet non modò malas, sed etiam indif-

feren-

ferentes, atque insuper bonas inclinationes; eas omni occasione mortificet, amputet, denegando desiderata, præcipiendo ingrata, prohibendo grata, aliisque modis omnibus.

9nò. Plenè se dedant profundissimæ internæ, & externæ humilitati; Omnis enim levitas, & immodestia ex aliqua audacia, & omnis audacia ex aliqua occulta superbia proficiscitur; humilis est meticulosus, reverentialis, se continens, consequenter modestus. Experiatur Magister, & exerceat quemlibet infinitis vicibus, & modis in hac virtute; supprimat minimos etiam Spiritus tumoris, & tam nocentes, quàm innocentes, increpationibus, inculpationibus, confusionibus, pœnis, ac pœnitentijs afficiat, ut jugiter, & fortiter exerceantur in hac virtute humilitatis, parente modestiæ.

10mò. Sororem humilitatis, & castitatis nutricem, & tutricem verecundiam publicè, & privatim non secùs colant, quàm positi in conspectu suorum Superiorum, aut magni Principis, positi in oculis terribilissimi futuri Iudicis Domini DEI, insensibilissimi subsannatoris, & accusatoris diaboli, purissimi Custodis Angeli, & si verecundi, etiam modesti erunt, ac ubique compositi.

11mò. Nec Professis, nec Novitijs licet conversari, & loqui cum Patribus, nisi per solam humilem, & brevissimam responsionem, si quid subito in choro, vel Ecclesia, aut refectorio

Oratio

Choro, tempore officij, vel mensæ petendum fuerit. Et neque Novitij alio tempore, & aliter quam in communi recreatione cum Fratribus conversentur; Ipsi etiam Professi Fratres non currant invicem ad cellas tempore studiorum interrogando, & petendo, sed vel expectent tempus recreationis, repetitionis, vel expressam aliquid interrogandi, aut petendi licentiam à Directore exorent, Si quis Fratrum etiam Professorum cum alio Patre, quàm Repetitore conversari, & sive garrulè, sive familiariter, sive quasi confidenter loqui præsumpserit, prandiò, vel cana careat, ad mensam non admittendus, sed in cella jejuniè mansurus: et hoc etiam sæpius, si sæpius, attentaverit, ut juxta sacram Regulam talis juvenis jejunijs nimis affligatur.

12mò. E Choro simul redeant ad Novitiatum, propterea nec unus debet orationem nimis prolongare, nec nimis brevem facere, vno tamen è necessitate abeunte etiam reliqui abeant post Chorum.

13tiò. Post seu potius præter Modestiam, æquali, aut verius majori curâ inculco obedientiam omnibus numeris absolutam voluntatis, & intellectus, absque interno, & externo murmure, responsione nolentis, improbatione, vel discussione mandati, tarditate, tepiditate, & timiditate, cum omni promptitudine, sollicitudine, accuratione &c. deo Pater Magister

gister, & Director continuam hujus exercitii
dæ occasionem, & quem hujus virtutis incurio
um experitur Novitum, à Religione expellat,
Professum semper, & serverè puniat.

14tò. Angelicæ Psalmodiæ summa habe
atur ratio, & cura, prout Pater Magister am
plius in particulari quoad modos explicabit.
Somnolentos, & serò venientes jejuniis, &
pœnitentiis excitet, & diligentes faciat.

15tò. Magistrum ament, ac revereantur;
ipse enim pervigilat pro animabus vestris ra
tionem rigidam DEO redditurus: ipse vice
DEI & sui vice DEVS est, quem, si quis tan
gat, si quis contristetur, tangit pupillam oculi
Divini valde sensibiliter; Ipse est, qui solus
post me vestri curam habet diu, nocturne, qui
solus vos à peccatis in confessione absolvere
potest, cui uni vos commisi, & quasi mode
ratori ingenuos filios contradidi,

16tò. Pro repetita renovatione & con
servatione Spiritûs præter consveta annua o
ctiduaana Exercitia, omni mense unâ integrâ
die solitarij se recolligant eodem modo, quo
in octiduanis Exercitijs, trinam horariam Me
ditationem, & unam horariam consideratio
nem, præter Examen particulare, & Lectio
nes Spirituales habendo.

17mò. Omnibus saltem quatuordecim di
ebus, extra confessionem totum suum internum
statum quoad malum, & bonum, quoad profes
sum

ctum, & defectum suo Patri Spirituali, id est, Magistro seu Directori, & quotiescunque desideratum fuerit, ipsimet Abbati integerrimè & candidissimè pandant, certi, quòd ibi dicta in arctissimo secreto naturali, & perpetuo altissimo silentio servanda sint, nec Superior aliter ita sibi revelatis sit usus, quàm pro suavi-ori & meliori directione tam filialiter revelan-
tis. Utantur autem è modis revelandi quem illis è duobus subjunctis præscripserit Superior.

M O D U S

Manifestandi conscientiam extra
confessionem, & petendi in-

structionem Spiritualem

flexis genibus.

Quo ad defectum.

- 1um Punctum. De pravis inclinationibus.
- 2dum. De lapsibus frequentioribus.
- 3tium. De tentationibus.

Quo ad profectum.

- 1um. De bonis inclinationibus, desiderijs, inspirationibus, & impulsibus internis.
- 2dum. De amore quarundam virtutum in particulari, & cur?
- 3tium. Ubi putet se profecisse.

Quo ad successum.

1um.

- 1mum. Quomodo Confessio, & Communio,
 Psalmodia, & oratio vocalis?
 2dum. Quomodo sacra lectio, & Medita-
 tio, & unde?
 3tium. Quomodo exercitium mansuetudi-
 nis, patientiæ, humilitatis, præsentia
 Divinæ, obedienciæ.

Alius Modus.

- 1mò. An sit contentus, magnique æstimer
 vocationem suam?
 2dò. De tribus votis, & quovis in particula-
 ri, narrando tentationes, imperfectio-
 nes: difficultates, pericula, occasiones,
 objecta magis moventia, propensiones
 naturales, perfectiones, victorias, &c.
 3tiò. De alijs tentationibus, inclinationibus,
 difficultatibus.
 4tò. De Examine particulari, exhibendo
 etiam libellum Examinis.
 5tò. De tendentia ad perfectionem.
 6tò. De observatione Sacræ Regulæ; præ-
 cipuè quoad silentium, Psalmodiam,
 humilitatem, zelum bonum &c.
 7timò. De oratione, Meditatione, lectio-
 ne spirituali, Confessione, Communione.
 8vò. De mortificatione interna, & externâ,
 bono temporis usu, ac propositorum
 suorum exequutione.
 9nò. De charitate fraterna, an non habeat
 ab alijs

ab aliquo aversionem, eoque vel æquali, vel Superiore?

10mò. De Recreatione, & conversatione cum hominibus.

11mò. De sanitate corporali, aliisque corpori necessarijs.

12vò. Annuatim in festo Præsentationis Beatissimæ Virginis Mariæ, id est, patrocinali capellæ novitiatus, à singulis Fratribus novitiis, & Professis renovetur sequens sui

O B L A T I O.

SANCTissime Domine DEUS, & Pater noster celestis, omnî, quâ possum, reverentiâ, devotione, promptitudine, humilitate, simul, & desiderio, coram suprema tua Majestate non modò in genua, sed faciem meam procido, meque indignissimam creaturam tuam tibi Creatori meo subjectissimè sisto, ut infinitas secundùm desiderium meum gratias agam tum pro omnibus gratijs tam ipsi Beatissimæ Virgini DEIpæræ, quàm per eam mihi & aliis à tua immensa benignitate collatis; Tum specialiter pro illis gratijs, & perfectionibus, quas à te accepit, & cum plurimo ad nostram salutem merito heroicè exercuit eadem Sanctissima Unigeniti tui, & nostra Mater MARIA, quando adhuc trimula non tam à parentibus, quam semetipsâ in templo fuit præsentata; Et in unione illius præsentationis, ac præsentatæ purissi

purissima etiam me tibi jam ex natura, ac obligatione tuum, totâ insuper devotione præfento, dedico, immolo, consecro: Tuus æternum sim totus quantus, nec unquam amplius meus: Tua sit anima mea, cum omnibus facultatibus; Tuum sit corpus cum omnibus internis, & externis partibus: Tua sit, ô infinitum bonum, mea voluntas, nec unquam amplius velit aliquid, quàm quod tu vis, tu præcipis, tu suades, tu permittis, tu immittis, tuæ leges, tui Vicarii, Superiores nostri volunt, siue id mihi gratum, aut ingratum, facile, aut difficile, commodum, aut incommodum, honorificum, aut depressivum, oblectans, aut affligens sit; Et hoc totum, quoad omnes modos, & circumstantias, in quo, ac quocunque tempore, & æternitate: Tuus sit meus Amor, nec unquam aliquid amem, nisi te & in te propter te, & eo modo, quo tibi placet, nec odiam aliquid, nisi quod, & quomodo tu odisti, & odio haberi desideras, siue ego propterea odio habear, aut amer, siue non: Tuus sit intellectus meus, nec cupiat aliquid scire, quàm tuam bonitatem, & meam vilitatem, & quod, ac quomodo, atque quantum mihi prodest, ut te amplius & agnoscam, & agnitum colam, atque ab aliis agnosci, & coli modo tibi placito faciam, procul omni proprio gustu, libertate, quæsitione, ostentatione, vana gloria, & curiositate, & inobedientia: Tua sit memoria mea, tuique

cuique nunquam obliviscatur, sed in omnibus
 tuæ præsentia, conitatus, & Amoris memor
 sit, velut conclave tibi soli dictum, mundum
 ab omnibus profanis imaginibus, & imperfe-
 ctis cogitatibus, atque ornatum Sanctis consi-
 derationibûs vel virtutibûs Filij tui Redem-
 ptoris nostri, & denique continuò calidum
 perincessantes amoris affectus, & sancta desi-
 deria, nihil tibi contrarium admittens: Tua
 sit lingua mea, nec unquam posthac audeat lo-
 qui, quàm quæ, quando, quantum, & quomo-
 do tibi placet: tui sint oculi mei, & quia oculi
 Filii tui Salvatoris nostri erant sanguinolenti,
 & lacrymis, ac dolore pleni, idè oculi mei e-
 tiam ab omni delectabili, ne dicam, periculoso
 aut peccaminoso visu perpetuò abstinebunt:
 Tuæ sint aures meæ, nec unquam ampliùs au-
 dire velint aliquid vanum, ridiculum, aut ma-
 lum contra te, aut proximum, aut quod non
 ducat ad amorem tui: Tuum sit os, & gustus
 meus, nec ampliùs se oblectet, quàm quan-
 tùm, & quomodo me ad te magis perducit:
 Tuus sit tactus meus, & propter te, propter
 amorem tui, propter honorem tuum in vindi-
 ctam malè commissorum, & omissorum sine
 ulla requie patiatur jñs modis, qui per Vicarios
 tuos Superiores nostros approbantur: Tuus sit
 olfactus meus, nec unquam quærat delicias,
 vel admittat immunditias: Tuæ sint manus
 meæ propter te perpetuò, & omni tempore sic

locandæ, & occupandæ, ut major tibi gloria
resultet: Tui sint pedes mei, sic decenter, o-
mni in loco situandi, & usque ad fatigationem
movendi, ut indefinenter glorificeris: Tua sint
omnia, quæ sum, quæ habeo, quæ possum, quæ
mihi accidunt, quæ ad me pertinent, aut ad u-
sum concessa sunt, omnes res, & eventus, no-
men, honor, sanitas, felicitas, merita, tu cum
his omnibus dispone, sicut vis: Tuum sit
omne desiderium meum, nec aliquid desiderem
quàm te, propter te, & secundum te: Tuum
sit tempus mihi concessum, nec eo aliter utar,
quàm ad te amandum, & honorandum: Tua sit
vita mea, tua & mors mea, ita & tam diu vi-
vam, ac taliter, & tum moriar, prout in omni-
bus tibi placet Amen. Fiat. Et Tu purissima
hodierna hostia amantissima DEI, & nostræ
Mater Maria per merita tua mihi impetra, ut
hæc mei, & meorum oblatio nunquam à me,
vel in toto, vel in parte revocetur. Amen.

Regulæ Morum

Pro Fratribus Sancti Petri Salisburgi.

§. I. mus.

De corporali membrorum dispositione Religiosa.

Manus caveant ab omni contactu inde-
centi, & injurioso proximi, easque coram
alijs gerant sub scapulari.

Caput huc illucque leviter non moveant,
sed cum gravitate, ubi opus erit, teneant ere-
ctum, ad neutrum latus deflectendo.

Oculis

Oculis non sint vagabundi, leves, vel curiosi
nec videre appetant, quod conspiciere non licet.

Cervicem collo erectam aut supinam non
gerant, sed moderatè inclinatam, non ta-
men pendulam.

In vultu iram, impatientiam, morositatem,
aut aliam passionem non ostendant.

Nares ad factores, si subinde occurrant,
non sint nimis delicatæ, nec notabiliter obtu-
rentur, sed pro illicitis odoribus fortè in sæ-
culo usitatis, istos in pænitentiam ferant.

Nasum non purgent digitis, præsertim
alijs contuentibus.

Ungues ne sordibus opplètos, nec prælon-
gos habeant, nec tamen dentibus sunt demor-
dendi, aut palam subsecandi.

Inclinationes debito modo exhibere studeant.

S. 2dus.

In incessu, & statione.

Incessus non sit nimis festinus, nec nimis tar-
dus, sed incedant cum maturitate, nec faciliè
se moveant sine causa præmeditata.

Nunquàm cursim ambulent, nisi cùm vel
periculum, vel iusta causa exigat.

Inter ambulandum non indecorè pulsetur
pedibus terra more rusticorum.

Non indecenter humeros in utramque partem
agitant, nec digitis, aut manibus strepitent.

Defixis in terram oculis præsertim extra
Novitiatum semper incedant.

E

Non

Non saltitent ascendendo, & descendendo domi gradus.

Non affectetur magnificentia colli erectione, brachij alterius extensione, vel agitatione.

Cùm steterint, non sint, ut arundo, mobiles, sed gradu suo fixi permaneant.

§. 3^{rius}.

In congressu, & colloquio.

IN colloquio non nimis propè ad personam, præsertim si illa gravis sit, nec etiam nimis procul distent, sed congruenti spatiò.

Ne sermonem interrompant alterius loquentis, sed patienter expectent, donec sermo finiatur.

Non hiantibus, aut patentibus buccis alloquentem auscultent.

Caput non nimium incurvent, nec hue, atque illuc contorqueant.

Non unum oculum claudant, alteròque loquentem aspiciant, quod est affectata elationis.

Non spuant in conspectum astantium, sed modestè se retrò convertant, & quos alloquuntur, videant, ne saliva compluant.

Si cogantur tussire, ne cuiquam in os tussiant.

Ne oscitent cum ejularu, & stridore.

Nasum indecorè non mungât sine strophio.

Non oculos in faciem, oculosque alterius morosè conjiciant, præsertim si vir gravis sit, aut foemina, si verò ratio, aut necessitas id postulet, id verecundè, & brevissimè faciant.

Ubi

Ubi res risum movent, caveant, ne in cachinnum erumpant: Nam stultus in risu exaltat vocem suam. §. 4tus.

Circa vestes.

VEstes Religiosè, non lascivè, aut curiosè corpori suo aptare studeant.

Sedendo non nimium vestes elevent, sed se ipsos honestè cooperiant.

Capucium nunquam super frontem obducant, quin tota facies honestè appareat.

Viliores vestes, & detritas libenter amplectantur. §. 5tus.

In Templo.

IN Templo cum singulari reverentia se habeant; Oculorum demissio, & manuum cõpositio pietatem interiorem, & Religionem testentur.

Caveant, ne apud Altare ministrantes curiosè circumspiciant.

Non solum in Templo, sed neque in Sacristia confabulentur, aut aliàs ridendo nugentur. Si ad hoc ab alio invitentur, fileant, & maneant modesti; nihilominus Magnum vocis, & silentij temperamentum est, ait Trithemius noster, garrulo non respondere.

Cum orant vocaliter, præcipue non ostendant extraordinaria signa devotionis, non edant gemitus, nec altiori voce orent aut sibilent, ne alios turbent.

Intrantes Chorum versus Venerabile Sacramentum unum genu flectant usque ad terram;

ram; pergentes ad sedilia reverentiam, seu inclinationem faciant statuae Beatissimæ Matris nostræ Mariæ.

Dato signo simul cum alijs incipiant, simul desinant canere aut psallere, simul inclinent, denique conformitas sit in omnibus.

Inter canendum non indecorum vultum forment, labia nimium dilatando, incurvando, aut frontem contrahendo.

Oculorum demissio, manuum compositio sit gravis, & quieta.

Breviarium ordinariò saltem ad lectiones in manibus gestent.

Inclinationes ad Gloria Patri &c. Primam orationem, & ultimos versus hymnorum, Item ad Pater noster &c, eâ profunditatis mensurâ fiant, ut extremitate digitorum attingere genua queant, immò ex præscripto Reverendissimi domini domini actu attingant. Ministrantes eundo, & redeundo ab Altari erectis manibus incedant cum Religiosa gravitate.

Apud Altare non facilè utantur in hyeme manicâ, & prorsus non chirotecis,

§. 6tus.

In Refectorio.

AD Refectorium simul eant, sicut ad Chorum, intrantes ante Crucifixum se inclinent, & in locis sibi assignatis modesti stent, demissis oculis, & manibus sub scapulari positis, & benedictionem cum alijs dicant.

Sedentes ad Mensam ne quidquam attingant, nisi prius signò à Superiore datò.

Accipi.

Accipiendo cibum non feligant meliorem, aut maiorem portionem, sed sibi proximam, tanquam à DEO sibi missam arripiant.

Dexterâ manu cibum ori ministrent, non sinistrâ & utrâque manu bibant.

Ne accumbant indecorè, nec utroque vel altero cubito, vel magna parte brachii super mensam posita.

Cibum non avidè vorent, aut os cibo nimio impleant.

Cochleari non rodant eum strepitu scutellam, nec iusculum sordidè effundant.

Ossa invenustè ne ingerant in os, aut exsuecent eum strepitu, nec altera, vel utraque manu ea tenendo canum more arrodant.

Caveant, ne indecorè comedendo, vel excreando vel aliquid viciose rejectando aliis nauseam aut fastidium pariant.

Si quem cibum non assueverunt, assuescant. Mappam non deturpent, nec habitum commaculent.

Dentes ne digito purgant, neque cultro, aut furcilla, minus ungue, sed dentiscalpio.

Ministrando mensæ discos, & alia vasa absque strepitu & fragore colligant, & collocent, referant, que moderatè, & absque eorum collisione.

Asportando cibos, & alia subministrando per Refectorium non currant, nec pedibus rusticano more pulsent terram.

Cibos ne perfla, sed si calidiores erunt, expecta, dum defrigescant, aut certè modestè furcinulâ, vel cochleari, ut temperentur, commove.

Cibos ad mensam ne olfacito, & si quos fortè olfeceris, de hinc cæteris ne apponito.

In ingerendis ori cibis bene educati furcinulæ operâ uti solent, non solum ministerio digitorum, utpote, quod morum barbariem redolet, assidentium convivarum oculos persæpe offendentem.

Patinam

Patinam pane, aut cochleari scutellam ne detergas, aut convertas, cave.

Cum comedis, aut bibis, dentibus ne concrepa, strepitum ne ede, sorbendo absurdè, mandando elaribus, aut alio quovis modo.

Ne sorbe cum strepitu, & sibilo ex scutella, vel ex ipso cochleari.

Jusculum ex scutella non degutta in cochlear, ut extremam guttulam haurias.

Ne panem integrum aut medium butyro linias, sed per particulas

Digitos adipe, dapumve succe, & liquamine persufos in os indecorè quasi lincturus ne iniice, neque etiam pani integro, aut magnæ ejus parti affrica, multòque minus mantili, mappæ communi, sed ad panis frustulum, quod mox sumpturus sis, prius deterfos mantili permunda. At ut hoc rariùs evenias, cochleari, ac forcinulâ rivè utaris; Diligentius præsertim à lambendis digitis abstine, & maximè sonoro cum sloopis eorum linctu.

Nec cochlear, nec cultrum lambe, sed pane in orbe existente illa deterge, si non deceat ob adhærens jus, & condimentum mantili mundare.

Si panem, carnesve in embamma intingis, quod præmorderis, ne iterum intinge, indecorum enim id est; Sed moderatum frustum sit, quod in singulos intinctus condimento imbuis, quòdque unâ buccâ totum confici queat.

Mandendo cave, ne labiorum diductu sonitum edas, more porcorum.

Illato in mensam ferculo, nec illicò more pecudum irruere, sed moderare appetitum tuum, & operire paulisper, dum inceptent ij, qui te in mensa priores sunt.

In comedendo ne esto immoderatè festinus, & quasi studio ita properans, quòd plures alijs bolos præri-
as, sed continenter, lenissimè, & moderatè cibum, potumque

tumque sumico, omni aviditate brutali penitus exclusa.

In orbibus, qui cibis onusti circumferuntur vel scutellis promovendis, ne esto nimis lentus. & cunctabundus, ne in juniores parum charitativus audias, dum eos diutius quam par est, ab esu suspendis, sed perlato ad te ferculo particulam tuam confestim accipe, ac reliquum ulterius promoveto.

Buccella succedat bucellæ in stomachum jam trajectæ.

Tales buccæ sunt, quæ malas immodicè non inflent.

Si loquendum est, vacuo ore, non pleno loquere.

Pro Regula generali teneto, quòd in scutellam, aut orbem ambulatorium ampliùs reponi haud debeat, quòd in suo quis semel habeat disco.

Manus in omnes patinæ plagas mittere, aut patinam, ut ad te veniât lautiora, invertere minimè decet, & id est intemperatium, ac ventri, non honestati servientiù.

Ovum si ita fluidum sit, ut panis frustulis commodè edi nequeat, in cochlear effusum sumes, neutiquam autem potabis; Nam limacum cochlear, & ovum ori admove, & epotare á mensali decore alienum est, incultòsque mores sapit.

Ne ede de ovo, á quo horrorem, & nauseam præsentis, sed dissimulanter, & dextrè ita in orbem reponne, ne á tetra odore, aut fædo aspectu tuò cuiquam orexim pariat.

Inter esum ovi bibere, decoro oppido contrarium est.

Ovorum putamina non unguibus, aut pollice, aut insertâ lingvâ purgabis sed cultellò aut cochleari.

Salem á salino capturus, culter ne butyro, aut adipe unct⁹ sit; Sed priùs ad mantile, aut panis frustulum, non ad totum panem aptè deterge. S. 71mus.

In tota domo, &el Monasterio.

Claudendo, vel aperiendo januas non faciant strepitum.

Inter recreandum non nimiùm clament, sint sine cachin.

cachinnò, gesticulatione, contentione, asperitate, seculari vanitate, caveant manuum injectiones, raptationes, dissolutiones, impulsiones, fistulationes, sint solatia honesta, modesta, quæ juxta Divum Bernardum potius recreent, quàm enervent; saltatiunculas indecoras, cursumque notabilem devitent, non conspuant parietes, non appellent se invicem puro nomine (id est, non præmisso nomine Fratris) minus agnomine, caveantque ruicationes, quæ sæcularem sapiunt familiaritatem Religiosos parùm decentem,

S. Ultimus.

De potissimis Vitiis lingua.

Alterius sermonem interrompere.

Alijs præterquam disputando contradicere.

Alios reprehendere, mordere, desiderare.

Altè loqui, & cachinnari. Semper loqui.

Ridiculè, scurriliter, inimicè loqui.

Imperiosè, & superbè alijs loqui, & cum illis conversari. Se jactare. & alios deprimere.

Verba, & modos loquendi, sæculares usuperare. politicè, & parum simpliciter cum alijs conversari.

Alijs detrudere sive directè, & explicitè, sive indirectè, latenter, & implicitè.


Ab his linguæ vitiis quovis tempore, & loco sibi seriò, & sedulò cavere studeant.

Tandem hoc formulare morum in quavis septimana die à Magistro, vel Directore præscribenda attentè relegant, seque examinent, contra quæ puncta peccaverint, seque imposterum emendare studeant, nequè difficile erit, juxta hoc mores suos componere, si spiritualis profectus, & Religiosa modestia ipsius cordi sit.

F I N I S.



REGIESTE



I N D E X

Opusculi Primi Animadversionum

In Regulam Sancti

B E N E D I C T I.

§. 1. Præliminaris.

Compendium Vitæ S. Patriarchæ Benedi-
cti. pag: 3.

§. 2.

Quantum Utilitatis Sanctus Benedictus Ec-
clesiæ DEI attulerit? pag: 7.

§. 3.

Quando vel ubi conscripta fuerit Regula
à Sancto B E N E D I C T O. pag: 11.

§. 4.

Ulteriores Animadversiones super Regulam
Sancti Benedicti. pag: 13.

§. 5.

Animadversio super Prologum Sancti Patris
Benedicti. pag: 17.

Animadversio super Caput 1. de quatuor Ge-
neribus seu Viris Monachorum. pag: 22.

§.

De quinque Votis. pag: 27.

Animadversio super Caput 2. qualis debeat
esse Abbas? pag: 30.

Animadv. super Caput 3. de adhibendis ad
Consilium Fratribus. pag: 32.

Opusculi Primi.

Animad. super Cap: 4. quæ sint Instrumenta bonorum Operum?	pag: 51
Super Cap: 5. de Obedientia.	pag: 52
Super Cap: 6. de Taciturnitate.	pag: 53
Animad: super Conclusionem cap: 6.	pag: 58
Animad: super Cap. 7. de Humilitate	pag: 61
Animad: super. Capita 8. 9. 10. 11. 12. 13. 14. 15. 16. 17. 18. de Tempore & Ordine Divini Officii sive septem horarum Canonicarum.	pag: 66
Animad: de Cantu Ecclesiastico.	pag: 69
Animad: super Cap. 19. de disciplina psallendi.	pag: 71
Super Cap. 20. de reverentia Orati: pag: 74	
Super Cap: 21. de Decanis Monasterii	pag: 71
Super Cap: 22. quomodo dormiant Monachi.	pag: 76
Super Cap: 23. de excommunicatione Culparum.	pag: 78
Super Cap: 24. Qualis debeat esse modus excommunicationis?	pag: 78
Super Cap: 25. de Gravioribus Culpis. pa. 80	
Super Cap: 26. de his qui sine iussione (aut licentia) Abbatis junguntur Excommunicatis.	pag: 80
Super Cap: 27. Qualiter debeat esse sollicitudo Abbas circa Excommunicatos.	pag: 81
Super Cap: 28. de iis, qui sæpiùs correcti non emendantur.	pag: 81
Super Cap: 29. si debeant iterum recipi Fratres exeuntes de Monasterio.	pag: 81

I N D E X

- Super Cap: 30. de Pueris minori ætate, qualiter corripiantur. pag: 83.
- Super Cap: 31. de Cellerario Monast. p: 83.
- Super Cap: 32. de Ferramentis vel rebus Monasterii. pag: 85.
- Super Cap: 33. si quid debeant Monachi proprium habere. pag: 85.
- Super Cap: 34. si omnes æqualiter debeant necessaria accipere. pag: 86.
- Super Cap: 35. de Septimanariis coquinæ. p. 87.
- Super Cap. 36. de Infirmis Fratribus pag. 90.
- Super Cap: 37. de Senibus vel Infantibus p. 91.
- Super Cap: 38. de Hebdomadario Lectore p. 91.
- Super Cap: 39. de Mensura Ciborum pag. 92.
- Super Cap: 40. de Mensura potûs. pag. 96.
- Super Cap: 41. quibus horis oporteat reficere Fratres. pag. 97.
- Super Caput. 42. Ut post Completorium nemo loquatur. pag: 101.
- Super Caput 43. de iis, qui ad Opus DEI vel ad mentam tardè occurrunt. pag. 102.
- Super Caput 44. de iis, qui excommunicantur, quomodo satis faciant. pag. 105.
- Super Caput 45. de iis qui falluntur in Oratorio. pag. 106.
- Super Caput 46. de iis, qui in alijs quibuscumque rebus delinquant. pag: 107.
- Super Caput 47. de significanda hora Operis DEI. pag. 108.
- Super Caput 48. de Opere manuum quotidiano. pag: 109.

Opusculi Primi.

§. 1.

Regularis distributio temporis in æstate p. 112.

§. 2.

Regularis distributio temporis in hyeme p. 114.

§. 3.

Ordo diei in Nostreis Regionibus moderno tempore per totum Annum servari consuetus.

pag: 115.

§. 4.

Distributio Temporis pro S. Quadragesima simulq; Animadversio super Caput 49. S. Regula.

pag: 117.

Animad. super Cap: 50. de Fratribus qui longè ab Oratorio laborant aut in via sunt p. 112.

Super Caput 51. de Fratribus qui non satis longè proficiscuntur.

pag: 123.

Super Cap: 52. de Oratorio Monasterii p: 120.

Super Cap: 53. de hospitibus suscipiendis p: 125.

Super Cap: 54. quod non debeat Monachus literas vel Eulogia accipere sinè iussu Abbatis.

pag: 127.

Super Cap: 55. de Vestimentis & Calceamentis Fratrum.

pag: 128.

Super Cap: 56. de Mensa Abbatis. pag: 131.

Super Cap: 57. de Artificibus Monasterii p. 132.

Super Cap: 58. de disciplina suscipiendorum Fratrum.

pag: 132.

Super Cap: 59. de Filijs Nobilium vel pauperum qui offeruntur.

pag: 135.

Super Cap: 60. de Sacerdotibus, qui voluerint in Monasterio habitare. pag: 136. Su-

I N D E X.

- Super Cap: 61. de Monachis peregrinis, quali-
ter suscipiantur. pag. 137.
- Super Cap: 62. de Sacerdotibus Monasti: p. 138.
- Super Cap: 63. de Ordine Congregationis p. 139.
- Super Caput 64. de ordinando (seu eligen-
do) Abbate. pag. 140.
- Super: Cap: 65. de Præposito Monasti: pag: 141.
- Super Cap: 66. de Ostiario Monasterii. p. 143.
- Super Cap: 67. de Fratribus in via directis p. 148.
- Super Caput 68. si Fratri impossibilia injun-
gantur. pag: 151.
- Super Caput 69. Ut in Monasterio non præ-
sumat Alter Alterum defendere. pag: 152.
- Super Cap: 70. ut non præsumat quisquã aliquẽ
passim cadere aut excommunicare. pag: 153.
- Super Cap: 71. Qbedientes sint sibi invicem
Fratres. pag: 155.
- Super Caput 72. de Zelo bono quem debent
habere Monachi. pag: 156.
- Super Cap: 73. De eo quod non omnis observatio
justitiæ in hac sit Regula constituta pag: 160.

A P P E N D I X.

§. 1.

Qua ratione Religiosus omne periculum an-
tevertere debeat, ne in tremendo Christi
Tribunali quoad observantiam S. Regulæ
causa cadat? pag: 161.

§. 2.

Indulgentiæ à Paulo V. Omnibus & singulis
cujuscunq; Ordinis ex utroq; Sexu Religiosis
Annũ

Primi Opusculi.

Annò 1606. 23. Maji in perpetuum concessa
&c. &c. pag: 164.

§. 3.

Speciales Indulgentiæ à Clemente X. Omni-
bus Fidelibus concessa. pag: 166.

§. 4.

Quinq; Insignes promissiones S. Benedicto à
DEO facta. pag: 167.

§. 5.

Sanctus Benedictus Auxilium suum agonizan-
tibus promittit. pag: 168.

§. 6.

Conclusio Opusculi. pag: 170.

I N D E X.

Opusculi Secundi.

§. 1.

Quem ob finem septem horæ Canonica insti-
tuta sint. pag: 171.

§. 2.

Magna dignitas est Officio Canonico vaca-
re. pag: 176.

§. 3.

Quibus Temporibus diei horæ Canonicae sint
perfolvenda. §. 4. pag: 180.

Quod horæ Canonicae integrè, id est sine ver-
borum mutilatione perfolvi debeant. pag: 185.

§. 5.

INDEX Opusculi Secundi.

§. 5.

Quòd attentè recitari debeant. pag. 187.

§. 6.

Quòd ad recitandas horas Canonicas aliqua differeta applicatio virium animi ac Corporis requiratur. pag: 191.

§. 7.

Quòd in recitandis horis Canonicis non oporteat scrupulosum aut nimis anxium esse p: 193.

§. 8.

Officium Canonicum est efficax & necessaria Oratio. pag. 196.

§. 9.

Externa quoq; reverentia ad horas Canonicas requiritur. §. 10. pag: 200.

Accuratè servandæ sunt cæremoniæ sub horis Canonicis. pag. 202.

§. 11.

Alia necessariò requisita ad hoc, ut horæ Canonica Cymbalo benè sonanti comparari queant. pag: 206.

§. 12.

Quòd etiam Officium seu Cursus Beatæ VIRGINIS, aliæq; preces Ecclesiasticæ non sint negligendæ. 209.

§. 13.

Quænam requiratur intentio ad horas Canonicas ritè persolvendas. pag. 211.


AP.

A P P E N D I X.

§. 1.


Sacerdos Benedictinus Regulæ suæ Sancti Benedicti & vitæ Christi conformis. 214.


§. 2.

Leges speciales pro Benedictinis Professis & Novitiis.  circa ipsum finem.


F I N I S.







Biblioteka Jagiellońska



stdr0029957



181

182

D.

183

32

DE

184

185

186

187

188

189

190

191

192

193

194

195